

袁大總統

書牘彙編

例 言

一袁大總統自蒞任後一切政令皆於國計民生有關經世名言足以昭垂來茲故特輯此編以公諸世

一本編內分文辭政令咨文獎勵批詞函牘等六類分爲八卷彙爲一編

一各國承認中華民國爲我共和國之一大紀念其各國國書與頌辭雖詞旨不無略同亦爲採入永留紀念

一各類標題原擬附註月日以便參攷因匆促出版不及考證候續印時再行補註

一本書編輯殊多缺漏倘蒙海內 政治家有所指教實所歡迎

中華民國三年四月

編者識

食大總統書法

食大總統書法

例言



袁大總統書牘彙編總目

例言

卷首

文辭

卷一

咨文

卷二

政令

卷三

獎勵

卷四

袁 大 總 統 書 牘 彙 編

批牘

卷五

函牘

卷六

函牘

卷七

函牘

卷八

補遺

附刊

袁大總統書牘彙編目次

卷首

文辭

蒞臨時大總統任誓辭

蒞參議院宣言

附參議致辭

蒞任正式大總統宣言

國慶紀念日宣言

參議院閉會致辭

國會開會頌辭

參衆兩院開院頌辭

清隆裕皇太后壽誕祝書

致謝美國承認中華民國國書

袁大總統書牘彙編

附美國大總統承認民國國書

答清宣統帝祝詞

附清宣統帝祝詞

答謝英皇祝詞

附英皇祝詞

答謝德皇祝詞

附德皇祝詞

答謝日皇祝詞

答英國公使呈遞國書頌詞

附英國公使頌詞

答美國公使呈遞國書頌詞

附美國公使頌詞

答德國公使呈遞國書頌詞

附德國公使頌詞

答法國公使呈遞國書頌詞

附法國公使頌詞

答俄國公使呈遞國書頌詞

附俄國公使頌詞

答和蘭國公使呈遞國書頌詞

附和蘭國公使頌詞

答瑞典國公使呈遞國書頌詞

附瑞典國公使頌詞

答丹麥國公使呈遞國書頌辭

附丹麥國公使頌詞

答外交團頌詞

附外交團謁見頌詞

政治會議開會訓詞

政治會議開會勗詞

附熊總理頌辭

附李議長頌辭

接見華僑代表演說辭

訓勉陸軍部人員詞

約法會議開會頌詞

北京青年會開會頌詞

袁大總統書牘彙編目次

卷一

咨文

致參議院任命國務總理咨請同意文

致衆議院爲大借款條件咨照備案文

咨參衆兩院聲明借款事件並未蔑視議會文

咨衆議院交議預算案文

致衆議院任命國務總理咨請同意文

咨參衆兩院請選舉正式大總統文

致參議院咨請增修約法案文

咨復衆議院查詢解嚴辦法文

咨憲法會議爲派員到會代表陳述意見文

致憲法會議諮詢憲法案公布權文

袁大總統書牘彙編

袁大總統書牘彙編 卷一 目錄



袁大總統書牘彙編目次

卷二

政令

布告內外文武官員文

布告內外文武各官員照舊供職文

勉勵海陸軍軍人文

布告軍警各界文

通飭保護外人文

布告赦免刑罰文

布告軍界文

布告各省嚴整軍律文

整肅官箴文

誥誡百僚文

勸誡軍人文

裁撤藩屬名稱文

誥誡百官有司文

布告各省從速組織省議會文

布告國民注重選舉文

豁除五大民族婚姻禁令文

通飭重農保商文

保護旗人公私財產文

通飭禁種鴉片文

嚴禁強迫勒捐文

布告豁免官員因公虧累款項文

布告閩粵等省保護華僑文

通令國民尊崇倫常文

通飭嚴禁秘密結社文

嚴禁種植販賣吸食鴉片文

通飭解散秘密結社集會文

飭令宣布優待蒙回藏條件文

通飭各地方官統一名稱令文

令各省民政長整頓吏治文

令各省行政長官不得逾越範圍文

通令嚴懲倡言二次革命黨徒文

誥誡軍人訓令文

誥誡軍人訓條文

飭令軍人服從命令文

飭令各省弭盜安民文

飭令各省整理財政文

通令各省組織暨一行政官廳文

通令各省宣布文官任免執行令文

通令整飭官常文

令湖北民政長查擊袁平治文

飭令粵省軍官維持大局文

通令嚴捕圖謀內亂黨徒文

通令各省維持治安文

通防軍警遵守紀律文

通令禁止造謠保衛商民文

通令整飭學風文

令免江西都督李烈鈞官職文

通令裁減行政經費限制兵額文

通令尊重孔聖文

通令崇尚節儉文

誥誠政黨並禁軍人入黨文

宣布前贛督李烈鈞逆跡文

宣布贛省亂事文(一)

宣布贛省亂事文(二)

通令宣布定亂方針文

通令各省宣布中央困難情形文

通令中誠軍人文

布告誓師文

飭令解散贛議會文

飭令各省長官籌辦善後事宜文

通令查各商會拒亂有功人員呈請獎勵文

通令查燬偽造軍用鈔票文

通令整肅官箴文

通令各省解散國民黨省議員文

通令停止兩院議員職務文

布告軍旅勿驕勿懈文

通令各省都督民政長國稅廳規復舊稅文

通令各省派員參與政治會議文

袁大總統書牘彙編目次

卷三

獎勵

授前任臨時大總統孫文大勳位證書

授黎副總統大勳位證書

授前國務總理唐紹儀勳一位證書

授前司法總長伍廷芳勳一位證書

授江蘇都督程德全勳一位證書

授陸軍總長段祺瑞勳一位證書

授直隸都督馮國璋勳一位證書

授陸軍中將孫武勳二位證書

授梁士詒勳二位證書

附孫中山辭勳位電

附黃克強辭勳位電

附黃克強辭上將電

覆黃克強

附黃克強覆電

袁大總統書牘彙編目次

卷四

批牘

覆黎副總統辭兼領湖北都督呈附原呈

批唐經理辭職呈附原呈

批財政總長熊希齡辭職呈附原呈

批教育總長蔡元培辭職呈附原呈

批司法總長王寵惠辭職呈附原呈

批農林總長宋教仁辭職呈附原呈

批署工商總長王正廷辭職呈附原呈

批陸總理辭職呈

批陸總理懇請免官呈

批國務總理趙秉鈞辭職呈附原呈

批國務總理熊希齡辭職呈附原呈

批湖北內務司長饒漢祥辭職呈附原呈

批饒漢祥再請辭職呈附原呈

批馮上將請封禁報館呈附原呈

批財政總長周學熙請派員視察各省財政呈

京師大學校校長何燿時呈附原呈

批熊總理擬定暫行條例請頒布施行呈附原呈

批海軍總長劉冠雄辭職呈附原呈

批孫武請收回成命取銷勳位及上將銜呈

批黃禎祥籌建民國崇勳紀念園呈

袁大總統書牘彙編目次

卷五

一函牘(上)

致清醇親王書附覆書

致庫倫活佛書(一)

致庫倫活佛書(二)

致庫倫哲布尊丹巴書

覆庫倫哲布尊丹巴書

通告各國公使書

致黎副總委託代表接受事權

致東三省等處官紳維持行政機關

致各省都督議會

致黎副總統表明宗旨

致副總統及各省解釋嫌疑

致各省宣佈經理辭職

致副總統各省不得推舉總理

致副總統及各都督述閣員黨見

覆陳其美附原電

覆胡漢民附覆電

致各省宣告參議院否認閣員情形

致各省通告陸總理辭職

致各省請尊重人道

致黎副總統邀聘人才

覆黎副總統請防黎宗嶽明白交代

致副總統敦勸就任參謀總長附覆電

致黎副總統邀聘人才

覆黎副總統論兩院制附來電

覆黎副總統論軍民分權附來電

覆黎副總統論軍民分治

覆副總統論借款

覆副總統論用人宜慎

致副總統論官制

致副總統商權借款及國民捐

致四川都督說明借款真相

致柏文蔚論政見

致副總統商權大政方針附覆電

覆伍廷芳附原電

袁大總統書牘彙編

袁大總統書牘彙編

卷五

目次



袁大總統書牘彙編目次

卷六

函牘

致樊樊山

致黃留守軍人不得私組政團

致岑雲階

致各省都督痛陳時局

致各都督密商戰事計畫

覆王芝祥禁軍人干涉政治

致副總統及各省論時局

覆滇桂川黔四督宣告宗旨

致副總統及皖督論武漢亂事

致周師長獎勵

致岑雲階附覆書

致黃克強附來電

致陳交涉使爲黃興辯誣附黃興電

致甘肅都督趙

致蘇都督程維護民有公產

致程都督陳交涉使維持抗禮

覆滇都督蔡

致李燮和慰留附來電

致程都督

覆岑鎮撫使附來電

致黃司令致勸受職

袁大總統書牘彙編目次

卷七

函牘

覆湯蟄先附覆電

致范鴻仙

致各省都督維持大局

覆章太炎附來函

覆汪精衛

覆譚人鳳

致粵督陳勉勸就職

致鄂民政長夏慰留

致副總統敦勸兼任贛督

覆伍廷芳論職禍附原電

覆張季直附原電

復黎副總統

致各省宣布意旨

致程都督諮詢近狀

覆應德閔附來電

致南京各軍使

附馮國璋張勳通電

附張勳上大總統電(一)(二)(三)

覆張季直附原電

致各省宣告就任正式大總統

致黎副總統請來京就職

覆副總統祝賀共和紀念

附各省祝賀電

致康南海(一)附覆電

致康南海(二)附覆電

致康南海(三)附覆電

致趙爾巽

覆朱都督

袁大總統書牘彙編

袁大總統書牘彙編

卷七

目次



袁大總統書牘彙編目次

卷八

補遺

追祭先烈文

小萬柳堂寫本首楞嚴經序

清光緒帝后奉安喪祭祭文

清光緒帝后奉安吉祭祭文

祭直隸都督趙秉鈞文(一)(二)

袁大總統書牘彙編

袁大總統書牘彙編

卷八

目次



袁大總統書牘彙編卷首

崑山陸純子素編

文辭

蒞臨時大總統任誓詞

民國建設造端。百凡待治。世凱深願竭其能力。發揚共和之精神。滌蕩專制之瓊穢。謹守憲法。依國民之願望。尙達國家於安全強固之域。俾五大民族。同臻樂利。凡茲志願。率履勿渝。俟召集國會。選定第一期大總統。世凱卽行解職。謹掬誠悃。誓告同胞。

蒞參議院宣言

世凱忝承五大族推舉。夙夜祇懼。恐不能勝。謹掬誠悃。敬告我國民。在志氣高遠者。韓必以世凱蒞任伊始。必有宏大之議。以一新聞聽。然審時度勢。未敢以語此也。古今立國之道。惟在整飭紀綱。修明法度。使內外相繫。強弱相安。乃可鞏固國基。爭存宇內。邇來兵事擾攘。四民失業。公私交困。已達極點。而士卒多昧服從之義。人民鮮知公共之益。空談者偏於理想。營私者多牟權利。循此不變。必至紀綱廢墜。法度蕩然。欲保障人

民之生命財產而不可得。尙敢復侈言鋪張乎。世凱向持銳進主義。不甘以畏難保守自居。數十年苦心經營。當爲諸君所共見共諒。但現值改革之後。亟當維持秩序。利用厚生。建設從穩健入手。措置以實事爲歸。譬如營造巨室。須將基礎審慎測量。擇工選料。層層穩固。處處堅實。非可徒侈外觀。虛事粉飾。然後廣廈落成。方能歷久不敝。倘以孟浪潦草出之。恐牆壁未立。而傾覆隨之。其損失何可勝言。是以必須根本完固。再行急起直追。則觀成可操左券矣。百廢待興。要在財政。去歲度支預算。雖云入不敷出。然尙號稱有二百六十餘兆兩之歲入。半年以來。工商荒廢。稅入銳減。外債暫不能償。近以改良政治。必須輸入外貲。故先定整頓財政大綱。增加財政信用。每年應還借款賠款本息。約五千萬兩。借款多以關稅作抵。亦有以釐金作抵者。賠款以關稅及鹽課作抵。速與有約之國。商議加稅。一面廢去釐金。及減少出口稅。每年海關常關所入。可由四千四百萬兩。增至六千餘萬兩。可抵支前項外債而有餘。至鐵路及他項借款。另以鐵路及他項進款償還。不足則由鹽課撥補。尙有各省所借外債。其總數約一千餘萬兩。又去冬欠交庚子賠款。一千二百餘萬兩。均歸入組織新政府所用。大借款項下。速

爲償還。建設行政所需。應迅速成立預算。以定支用。大借款標準。目前先發出暫時短期庫券。以濟急需。此項庫券由將來大借款歸還。此事極爲要著。舍此無他法。可恢復財政信用。仿照新法整理鹽政。可增鹽課五千萬兩。清理田賦。剔胥役之積弊。輕人民之負擔。未經升科之地。搜集專門人才。從新測量。酌定稅率。改良國幣。劃一團法。爲財政最要關鍵。即須迅速實行。我國財政。專門人員尙少。又乏經驗。將來庶政具舉。亦須借用異材。以資先導。而備顧問。民國成立。宜以實業爲先務。故分設農林工商兩部。以盡協助提倡二義。凡學校生徒。尤宜趨重實業。以培國本。吾國實業。尙在幼稚時代。質言之。中華寶農國也。墾荒。森林。畜牧。漁業。茶桑。富藏於地。類多未闢之菁華。願我國民。無從空中討生活。須從腳底下著想。即以礦產言之。急須更改礦章。務從便民。力主寬大。以利通行。且商律與度量權衡。亦應迅速妥訂實行。近日軍隊複雜。數逾常額。幾倍。消耗過鉅。閭閻何以堪此。已飭財政陸軍兩部。實行收束之方。人民信教自由。舉凡各教。均一視大同。毫無偏倚。不論其信教與否。亦不論其信仰何教。均須互相尊重。悉泯猜嫌。冀享幸福。我國民習慣積重。急切難趨大同。教育尙未普及。改革尙多疑沮。

軍人缺乏精神。訓練當探根本。法律亦未完備。法權仍多放棄。交通未能暢達。風氣轉期。盡一均當與國務員。隨時籌商。力求進行。邇來外國。對我態度。類皆和平中正。藉示贊助之誠。固徵世界之文明。更感友邦之睦誼。凡我國民。務當深明此義。以開誠布公。鞏固邦交爲重。凡從前締結之條約。均當切實遵守。其已締約而未辦之事。迅速舉辦。從數千百年專制之後。一躍而躋共和。宜吾國民之色然而喜也。然世凱深以吾國之未進步爲憂者。深望吾國民。常處於不足。勿誇張自滿也。深望以公誠推與。勿互相猜忌也。四萬萬心惟一心。國乃強。此次特任國務總理唐君。與各部總長。皆一時濟變之才。世凱正資倚任。相與共支大局。願國民深信之。贊助之。爲幸。

附參議院致辭

維中華民國元年四月二十九日。即統一政府成立。參議院移至北京開會之第一日。臨時大總統袁世凱。躬蒞宣旨。本院代表國民。謹致之辭曰。國於大地。各殊其體。惟止至善。曰主於民。繫我中華民國。肇基於武漢。起義底定於南北統一。今者統一政府成立。大總統躬蒞本院宣旨。凡我五族同胞。罔不歡祝。冀觀厥成。惟搏拏四千

餘年之古國。廓清秦政以來二十二朝專制之鋼習。及晚近時代社會傳染之惡風。雖假敏手。是謂大難。望大總統。及執政諸君。用人各當其才。行政急所先務。所秉者公意。所察者輿情。民國前途。庶幾有身。本院代表國民。尤不能已於言者。當此內政廢弛。外交困阨。民庶窮蹙。軍士俶擾。政府排萬難。冒萬險。苟有利於國者。措施雖有時。以權濟變。本院亦靡不樂為贊助。期於成功。否則苟且之策。補苴之術。形式徒具。精神坐亡。本院職司所在。萬不能同流自陷。辜負國民。行政立法機關。相切伊始。共矢斯言。

蒞任正式大總統宣言

余不才。忝居政界數十年。向持穩健主義。以為立國大本。在修明法度。整飭紀綱。而後應時勢之所宜。合人羣而進化。故歷辦革新諸政。凡足以開風氣者。必一一圖之。但余取漸進。而不取急進。以國家人民之重。未可作孤注之一擲。而四千年先民之教澤。尤不可使斷喪無餘也。戊申以後。歸田課耕。不復與聞政事。生平救國之志。已如過眼烟雲。乃武漢事起。為時勢所迫。身當其衝。大懼吾國吾民之無以生存。而思減少其苦痛。

後清帝遜位。共和告成。以五大族之不棄。推爲臨時大總統。此種政體。吾國四千年前已有雛形。本無足異。乃事權牽掣。無可進行。夙夜徬徨。難安寢饋。然且忍之又忍。希望和平。乃本年七月間。少數暴民。破壞統一。傾覆國家。此東亞初生之民國。惴惴焉將不保。余爲救國救民計。不得已而用兵。幸人心厭亂。將士用命。不及兩月。內亂救平。極思解職歸田。長享共和幸福。而國民會議。羣相推舉。各友邦又以余被選之日。爲承認之期。未敢高蹈鳴謙。以致搖動國基。負我父老子弟之期望。蓋余亦國民一分子。耿耿此心。但知救國救民。成敗利鈍。不敢知。勞逸毀譽。不敢計。是以勉就茲職。今將以余極誠懇親愛之意。與我國民一言之。

西儒恆言。立憲國重法律。共和國重道德。顧道德爲體。而法律爲用。今將使吾民一躍而進爲共和國民。不得不借法律以輔道德之用。余歷訪法美各國學問家。而得共和定義曰。共和政體者。采大衆意思。制定完全法律。而大衆嚴守之。若法律外之自由。則共恥之。此種守法習慣。必積久養成。如起居之有時。飲食之有節。而後爲法治國。吾國民性最馴。惟薄於守法之習慣。余望國民共守本國法律。習之既久。則道德日高。而不

自知矣。

又共和國以人民爲主體。人民大多數之公意。在安居樂業。改革以後。人民受種種激刺。言之慘然。余日望人民恢復元氣。不敢行一擾民之政。而無術以預防暴民。致良民不免受其荼毒。是余所引爲憾事者也。余願極力設法。使人民真享共和幸福。以達樂利主義之目的。

國民生計日蹙。迫於飢寒。暴民之尤狡者。利用此等貧民。驅之死地。可憫之至。欲國之長治久安。必使人人皆有生計。而欲達此目的。則必趨重於農工商。余聞文明國頭等人物。往往願爲實業家。吾國天時地利。不讓諸強。徒以墾牧不講。工藝不良。礦產林漁。棄貨於地。無憑貿易。出口日減。譬諸富人藏窖。而日日憂貧。余願全國人民。注意實業。以期利用厚生。根本自固。

雖然。實業之不發達。厥有二因。一在教育之幼稚。一在資本之缺少。無論何項實業。皆與科學相關。理化之不知。汽電之不講。人方以學戰。以商戰。我則墨守舊法。迷信空談。余願國民輸入外國文明教育。即政治法律等學。亦皆有實際。而無空言。余對於教育

之觀念如是。

實業。非資本不辦。以吾國地質之膏腴。物力之豐富。豈得謂貧。生人所需。不出衣食住之屬。金錢其籌馬耳。但金錢不足。無以為兌換之資。缺少金錢。猶缺少籌馬。故欲備一切實業之開辦。資本。不得不仰諸富有籌馬之鄉鄰。迨地利既闢。無曠土。無游民。所借資本。子母相生。除償還本利外。尚有贏餘。比諸藏窖而憂貧者何如。故願吾國輸入外國資本。以振興本國實業。

夫輸入外國文明與其資本。是國家主義。而實世界主義。世界文明之極。無非以己之有餘。濟人之不足。使社會各得其所。幾無國界可言。孔子喜言大同。吾國現行共和。則閉關時代之舊思想。必當掃除淨絕。凡我國民。既守本國自定之法律。尤須知萬國共同之法律。與各國往來。事事文明對待。萬不可有歧視外人之意見。致生障礙。而背公理。邇來各國對我政策。皆主和平中正。遇事諸多贊助。固徵世界之文明。尤感友邦之睦誼。凡我國民。務當深明此義。以開誠布公。鞏固邦交為重。本大總統聲明。所有前清政府及中華民國臨時政府。與各外國政府所訂條約協約公約。必應恪守。及前政府

與外國公司人民所訂之正當契約亦當恪守。又各外國人民在中國按國際契約及國內法律。並各項成案成例已享之權利並特權豁免各事。亦切實承認。以聯交誼而保和平。凡我國民。當知此為國際上當然之理。蓋我有真心和好之證據。乃能以禮往來也。

余之所以告國民者。此其大略也。而又重言以申明者。仍不外道德二字。道德範圍廣大。聖賢千萬語而不能盡其詞。余所能領會者。約言之則忠信篤敬而已。

忠之本義。忠於一國。非忠於一人也。人人以國為本位。勿以一身一家為本位。乃能屈小己以利大眾。其要在輕權利重義務。不以一己之權利。妨害國家之大局。而義務心出焉。是謂忠。

孔子云。民無信不立。文明各國。有以詐欺行為誦人者。其受辱若撻之於市朝。華盛頓幼時受其父教。即不作誑語。吾國向重信義。近來人心不古。習為誇張。立身且難。何況立國。前清曾國藩云。立身以不妄語為本。故無論對內對外必當以信。何謂篤。文明各國。保存國粹。雖一名一物。惟恐或失。不害其進化之速也。吾國向以名

教爲大防。經四千年之胚胎變化。自有不可磨滅者存。乃或偏於理想。毀棄一切。不徹實事。專說大話。未得外國之一長。先拋本國之所有。天性澆薄。傳染成風。本之不存。業將焉附。故救之以篤。

何謂敬。有恒心然後有恒業。人而無恒。則有事時犯一亂字。無事時犯一偷字。職業所在。惰氣乘之。萬事敗壞于悠悠之中。而無人負責。徒爲旁觀嘲諷之語。而已之分內事。轉漠然不察。始知古人敬事二字。有味乎其言之也。故去傲去惰必以敬。

以上忠信篤敬四字。余矢與國民共勉之。日誦於心。勿去於口。蓋是非善惡。爲立國之大方針。民之好惡。雖不盡同。而是非善惡。必有標準。大致奉公守法者。則爲是。爲善。越禮犯義者。則爲非。爲惡。余願國人有辨別心。

人亦有言。文明日進。則由儉入奢。是已。若以貧弱不堪之國。不學他人之文明。而惟學其奢華。是以病夫與壯士鬥也。近歲以來。國民生活程度日高。而富力降而愈下。國奢示儉。古人言之。余願國民於道德心中。尤注意於儉德。

總而言之。法律與道德同時並進。則共和之國度。乃穩固而不搖。至國防問題。吾國正

在休養生息之時，倘非武力競爭之時，惟余所切切於心者，海陸軍人，以服從命令爲義務，以保護人民爲天職，各將領誰不知之。而此二者，頗爲近日風潮所鼓盪，未能完全收效。是余統率之責，有未盡也。此後當于精神教育十分注意，以對於人民。

故余以最誠摯親愛之意，申告於國民曰：余一日在職，必一日負責。願中華民國者，四萬萬人之中華民國也。兄弟睦，則家之福；全國之人，同心同德，則國必興。余以此祝我中華民國焉。

國慶紀念日宣言

一人專制之舊政，已不存於中國矣。今日爲民國國慶紀念之日。本大總統感於舊習之已除，新政之發展，凡政府種種設施，無不予人以共見。遠勝昔時之制度。徒謀一朝之幸福，苟非君主之權利，不棄置之。即禁阻之。溯自共和肇基，政府之嶄新政策，由此發生。更無帝制自爲者。夫國家者，國民之公產也。故效法列強先進之精神，當以國利民福爲前提。而尤以開放門戶爲溝通感情之先端。具此絕大知識，而柄理國是者，今日之政府是也。政府宜以公僕自待，盡其責任。凡所設施，必使與民同樂而後已。本大

總統之最希望。在使國民以根本上改革其知識。而後自得列強之贊同。夫列強之對待中國。情誼非不厚也。吾國財政最爲困難之際。得列邦之援助。非其左證耶。

參議院閉會致詞

中華民國元年四月二十九日。參議員移入北京開會。一年以來。世凱與諸君子艱難共歷。相見以心。倏忽歲餘。光景在目。雖立法行政。所處不同。而以國家爲前提。視政治如家事。實與諸君子均在憂勤惕厲之中。駭浪乘船。同心共濟。緩急輕重。絃章交資者。固可握手互譚。屑涕追語者也。正式政府成立之日。卽爲臨時政府報滿之期。世凱與諸君子退服田疇。行將判袂。而同憶一年共事以來。忠告善道。誼過執友。在國家固受其福。在世凱亦獲益不淺。他日民國歷史。留此永遠紀念。而世凱與諸君子實有提携一堂之雅。興言及此。輒復驟然。茲值參議院閉會之時。思臨別之感情。慕稽言之古誼。略述鄙臆。不盡所懷。

國會開會頌辭

中華民國二年四月八日。我中華民國第一次國會正式成立。實四千餘年歷史上莫

大之光榮。四萬萬人億兆年之幸福。世凱亦國民一分子。當與諸君子同謀幸福。賜我共和國民。由於四萬萬人民之心理。所締造之正式國會。亦本於四萬萬人民心理所結合。則國家主權。常必歸之民國全體。但自民國成立。迄今一年。所謂國民直接委任之機關。事實上尙未完備。今者國會議員。係由國民直接選舉。即係國民直接委任。從此共和國之實體藉以立。統治權之運用。亦賴以圓滿進行。諸君子皆識時俊傑。必能各抒議論。爲國忠謀。從此中華民國之邦基。益加鞏固。五大族人民之幸福。日見增進。同心協力。以造成至強大之民國。使五色國旗。常照耀於神州大陸。是則世凱與諸君子所私心企禱者也。謹致頌曰。中華民國萬歲。民國國會萬歲。

參衆兩院開院頌辭

惟中華民國二年。四月八日。爲我正式國會第一次開院之辰。參議院衆議院議員集禮堂。舉盛典。謹爲詞。以致其忱。曰。視聽自天。默定下民。億兆有與於天下。權輿不自於今人。帝制久斂。拂於民意。付託之重。乃及多士。衆好衆惡。多士赴之。衆志衆口。多士表之。張弛斂縱。爲天下轄。緩急疾徐。爲天下權。興歎廢歎。安歎危歎。禍福是共。功罪之尸。

能無懼哉。於乎多難興邦。惕厲蒙緦。當茲締造。敢伸吾輩。願我一國。制其中權。願我五族。正其黨偏。大讓陽雨。農首稷先。士樂其樂。賈安其慮。無政不與。無隱不宜。章皇發越。吾言洋洋。逖聽遠慕。四隣我臧。舊邦新命。悠久無疆。凡百君子。孰敢怠荒。

清隆裕太后壽誕祝書

大中華民國大總統。謹致書大清隆裕皇太后陛下。伏以徵音早播。式傳令德之徵。懿訓聿宣。更普大同之化。羣生賴以全濟。同承慈愛之施。中夏進乎昇平。宜懋期頤之慶。溯二十二朝之宮範。無此鴻庥。合九萬里之絃圖。胥慶盛美。茲際春熙輯瑞。欣逢壽宇延洪。符明新至善之經。協悠久無疆之吉。堯尊舜卣。示五帝之至公。華祝嵩呼。謳三多以介嘏。化干戈而爲揖讓。綜京垓伯兆以臚歡。光日月而頌熾昌。集祿位壽名而篤祐。謹遣梁士詒前往恭祝。代達鄙忱。臨書無任歡忭之至。

致謝美國承認中華民國國書

美利堅合衆國大總統閣下。承認國書。已由駐京貴國代表遞傳。其中親愛之盛意。歡迎之至誠。流露言表。足徵貴國互相扶助之美德。長存不衰。從此中美兩國。七十年來

之邦交，益生光彩。本大總統以中華民國之名義，敬此致謝。共和政體，於敝國雖屬創舉。然其精神之美備，而為貴國所代表者，敝國之民，已熟知之。以此敝國政府之目的，惟維持共和政體，完備行政機關，庶幾全國國民，得永享其澤。對內則調和法律自由，以增進國家之利益。人民之幸福，對外則履行所有之義務，以保國際之和平。列邦之睦誼耳。中華民國臨時大總統袁世凱。

附美大總統承認民國國書

大美國大總統致書於

大中華民國大總統。當中華民國人民新負自治性質及主權之時，美政府與美國人民，甚為表示同情。際茲代表全國國會業經召集，以盡其最高最重責任。發表民國輿情，所希望者之得有圓滿效果。是以美國政府及人民，皆以余當代表美國政府及我美人民，歡迎新中國加入萬國一家之內。余現因中華民國完全政體，將欲成立。果能從此發展盛興，達於極點，且將來國會造成之新政府，對於臨時政府之所續擔責任，亦能繼續擔負，是誠余所冀望而深信者也。

答清宣統帝祝詞

本大總統今日受任。承

大清皇帝派員齎書代賀。並承嘉譽。不勝感謝。此後深冀國步日進。民業日興。友邦益睦。五族彌和。以副盛意。特伸謝忱。並祝、

大清皇帝健康萬福。

附大清宣統帝祝詞

大清國皇帝。謹致祝詞與

中華民國正式大總統。自共和發軔之始。先皇太后深以民生爲憂。故慨然下諭息戰。而以國家政權讓與共和政府。俾舉資格適合如足下者。爲之元首。以期建設亞東第一共和國。今欣悉足下。已按選舉法。被選爲正式大總統。足見五族人民。皆任足下。蓋足下實爲今日阡危時代唯一勝任之人也。且各條約國。亦樂見中國得足下之治。日臻發達。西方之改革。得以實行。輸入民國。朕誠望此後民國以憲法政府治理。俾得與世界各國處同等之地位。而措民國於鞏固之基礎。五族人民皆蒙其

利。今特派溥倫貝子代表作賀。

答謝英皇祝詞

茲因本大總統被選舉爲中華民國正式大總統。承蒙大君主來電致賀。並祝民國福利。奉電不勝感荷。用特專電答謝。並頌中英邦交永篤。是所深盼。中華民國大總統。

附英皇祝詞

接奉惠電。私衷感謝。藉稔榮膺中華民國大總統之任。極深欣賀之誠。從此民國福利無疆。中英邦交永篤。臨電依依。有厚望焉。

答德皇祝詞

茲因本大總統被舉爲中華民國正式大總統。承大皇帝來電致賀。並致頌忱。本大總統不勝感荷。用特答謝。敬祝大皇帝政躬綏福。並祝帝國興盛。

附德皇祝詞

接准來電。欣慰無既。藉悉國會舉閣下爲民國大總統。並頌民國興盛。政躬康健。從此中德邦交。當益臻親密。想彼此有同情也。

答日皇祝詞

大日本國。大皇帝陛下。本大總統。兩承惠電。前者致賀被選。後者致賀受任。諄誼溢於言表。足徵貴大皇帝。敦睦鄰好。厚愛我中華民國。有加無已之至意。欣感無量。本政府暨全國人民。深願兩邦夙好。日益親密。本大總統。亦深願效力前途。以冀償此志願也。

答英國公使呈遞國書頌詞

貴公使。奉貴國大皇帝特命。授為欽命駐華全權公使。親遞國書。本大總統。深為慶幸。貴國大皇帝。希望我民國浸熾浸昌。於本大總統。並加藻飾。語摯誠諄。尤深感荷。並願將此意。還祝貴國大皇帝。中英邦交關係。綦重。令兩國友誼益親。本大總統。實嘉賴焉。所冀貴國大皇帝。及本大總統。竭誠敦睦之意。日起有功。是為至願。貴國大皇帝。切望我民國鞏固振興。建立雄健統一之境域。本政府。莫名欣感。本大總統。當竭力經營。以副盛誼。本大總統。與貴公使。夙稱至交。茲重膺使命。來駐敝邦。永篤邦交。益增國利。自當輸誠贊助。並頌貴國大皇帝。聖躬綏吉。貴公使。身體康泰。

附英國公使呈遞國書詞頌

大總統閣下。本大臣奉本國大皇帝欽命。作為駐劄中華便宜行事。全權大臣。將派作駐劄中華便宜行事。全權大臣之國書呈遞大總統。我君上之至意。切願永修兩國和好。敕本大臣向大總統陳述重視尊意。諄望中華民國鞏固振興。本國政府。願仰觀建立中國為雄健統一之境界。乃大總統之所深悉。更望中國現承閣下率領。必能臻此上理。本大臣現敢進而言之。此次欽奉我皇上命令。派至大總統董理之民國。私心甚為欣幸。嗣後擬就貴國政府之協助。竭力緊束我兩國敦睦進益之交誼。永存增固。

答美公使呈遞國書頌詞

貴公使承貴國大總統特命。任為駐華全權公使。親遞國書。並代前任公使嘉樂恒。代遞辭任國書。敬為貴國大總統。能得人賀。貴公使。學術湛深。經綸素裕。膺茲重任。來駐敝邦。不惟足以增貴國之榮。實亦為敝國之光。中美邦交。素以誠信相孚。休戚與共。方今中華人民。竭力以鞏固政府。建設共和。貴國人民。無不熱誠贊助。且不忘促其進行。以達最良政治之目的。尤可慶者。貴國希望我邦發達於平民政治之下。而收統一民

國之效。正與我國人民目的。暨本大總統政策。若合符節。所有本大總統感謝貴國大總統之忱。尙希代爲轉達。本大總統對於貴公使駐華。尤爲歡迎。貴公使促進兩國固有之夙好。使益臻於親厚。本大總統深願協力贊助。永久勿渝。順頌貴國大總統政躬康泰。國運熾昌。並頌貴公使在華身體康健。永受多福。

附美國公使呈遞國書頌詞

美國大總統。特派芮恩施。爲任紮中華民國全權公使。今來覲見。係將授任國書及前使嘉樂恒調任國書。一併呈遞大總統鈞覽。公使藉此時機。願將總統宣明韓睦之情。代爲陳之。溯此數年之間。貴國人民。建設共和各段。創造堅固全國政體。斯時正當設立基礎。本國對於中華人民之作爲。有和衷同意贊成之希望。此項共和各政成立之後。又兼大總統富有經驗。爲行政元首。舉凡一切措施。本國人民。深期均至盛興。尤望按照大總統就職宣言書內所言。國家前途應有宗旨。施行人民自由政體。得以建設鞏固。且使國家之聯合愈久愈堅。公使茲膺是職。對於兩國所有永久體貼相信之意。尤當矢志竭力。俾其鞏密。至於中美互相贊助之文明善舉。暨經

久之敦睦友誼。當必遞年增長不渝。是則公使之所厚望者也。

答德國公使呈遞國書頌詞

貴公使以奉貴國大皇帝特命。仍充駐華全權公使。親呈貴國大皇帝致本大總統國書。並面達貴國大皇帝祝頌之美意。詞意肫誠。曷勝感謝。本大總統素以敦篤邦交爲重。溯自貴公使駐節中華。中德友誼日益親密。此次貴公使重膺簡命。必能廣續夙好。鞏固邦交。本大總統尤深欣悅。卽請貴公使將本大總統實心友好之意。暨感謝之忱。代達貴國大皇帝陛下。並祝貴國大皇帝禔躬康泰。國運熾昌。貴公使福履安康。是所厚望。

附德國公使呈遞國書頌詞

貴大總統閣下。本使臣既蒙本國聖主大皇帝。兼大君主陛下。仍選在中華民國德國代表。充任特命欽差便宜行事全權大臣。茲敢在貴大總統之前。以此責任。自請進見。本使臣向際時不將中德兩國幸有之友誼。潛心保養。日益敦篤。嗣後仍將廣續。盡此心力。並冀此事亦賴大總統厚情。及貴國政府通融相助。除遵本國大皇帝

之命。代達大皇帝所深欽慕大總統之忱。及誠祝中國福祉之意外。本使臣個人亦謹表同情。茲將本國大皇帝派本使臣之國書。敬謹呈遞。

答法公使呈遞國書頌詞

貴公使承貴國大總統特命爲駐華全權公使。今日親遞國書。本大總統甚爲豫悅。貴國政府以中法兩國政體相同。有種種特別關係。所以精加選擇。將此代表重任。付託於貴公使。具見貴政府鞏固邦交。益加親密之厚意。本大總統尤深欣感。蓋自貴公使駐華一年以來。善體貴政府實心友好之意。深爲本大總統之所寶貴。至本大總統篤修夙好。誠摯無間。亦爲貴公使之所切信。自茲以往。本國政府與貴公使辦理交涉。必當常用協助。俾貴公使善盡厥職。所有本大總統感悅之忱。尙請貴公使轉達貴國大總統閣下。並祝貴國大總統政躬康泰。國運蕃昌。

附法國公使呈遞國書頌詞

茲奉本國大總統簡派本公使。充爲駐華特命全權使臣。謹於今日呈遞國書於大中華民國大總統之前。我大法民主國政府。因中法兩國共持民主自由高尚之趨

向。而交界毗連。又甚遼闊。舉凡事業及財政上。莫不有提攜之義。所以在兩國裨益中。更有連帶之關係。故委本公使充當駐華代表。特囑以鞏固維持。及親密兩國交誼。互相關注爲宗旨。嗣後諒蒙大總統殷勤助理。得可從容達此目的。殊爲本公使所切信者也。竊思一年以來。屢蒙大總統待遇極厚。本公使竭力圖報。則盡厥心。已將襄贊及擁護民國長久太平無疆興旺之意。表明無遺。是以本公使具徵本國政府。所頌大總統躬邀幸福。中華民國咸受其賜之詞。定有實驗矣。

答俄國公使呈遞國書頌詞

貴公使膺貴國大皇帝簡命。接充駐華全權公使。呈遞國書。進陳頌詞。述達貴國大皇帝對於本大總統及中華民國國民。永矢親睦之意。聆悉之餘。欣感良深。中俄國境密邇。交誼最深。本大總統。深願我兩國睦誼。日臻親密。素諗貴公使。早著隆勳。因而聲望丕懋。遇事必能與我政府和衷共濟。以篤邦交。本大總統實所厚望。本大總統對於貴國大皇帝。永矢親睦之意。極表同情。希將感謝之意。代達貴國大皇帝陛下。并祝貴國大皇帝。躬躬安泰。貴公使福履增祥。

附俄國公使呈遞國書頌詞

本國大皇帝。欽命本公使。充爲駐大中華民國全權公使。將此重任付託之際。特命代表本國大皇帝。與大中華民國暨大總統無替之睦誼。本公使茲膺駐中華民國。欽差全權公使。名榮貴重之任。曷勝欣幸。且遵本國大皇帝之意旨。必當盡心竭力。維持鞏固兩國世交之友誼。甚冀大總統暨貴政府。妥協相助。是爲厚望。茲將本國大皇帝國書呈遞大總統。敬頌大總統。福壽康強。大中華民國幸福無疆。爲祝。

答和蘭國公使呈遞國書頌詞

貴公使。承貴國大君后特任爲欽命駐華全權公使。親遞國書。本大總統。深爲欣悅。茲承貴公使。面達貴國大君后對於中華民國。暨本總統祝頌之忱。詞意。肫誠。曷勝感謝。貴公使駐節中華。歷有年所。聲譽優隆。素爲本大總統所深悉。此次貴公使重膺簡命。本大總統自當推誠相與。優加禮遇。兩國幸有之邦交。慶續鞏固。并使貴公使善盡厥職。所有本大總統實心友好之意。即請貴公使代達貴國大君后。並祝貴國大君后。福躬安泰。國運熾昌。貴公使在華身體康健。

附和蘭國公使呈遞國書頌詞

大總統閣下。本大臣謹奉本國聖主大君后陛下。派爲欽差駐紮中華民國全權大臣。得趁此時機。在大總統之前。代表本國大君后誠悃。實爲莫大之幸。中國變更之事。本國大君后甚爲關心。而對於貴大總統。素懷欽已敦睦之念。誠望中華民國事。事進步發達。日盛無疆。至於本大臣自身。嗣後甚願竭盡心力助理。各事必期中和。數百年之邦交。日加鞏固。一面勿負本國大君后委派重職之信任。一面甚望大總統對於本大臣信睦之意。日獲增篤。茲將本國大君后欽派本大臣駐華之國書。謹呈大總統鈞鑒。

答瑞典國公使呈遞國書頌詞

貴公使。承貴國大君主特任爲欽命駐華全權公使。親遞國書。本大總統深爲欣悅。茲承貴公使。面陳貴國大君主頌祝之詞。感銘敬謝。希貴公使代達此意。貴國大君主。所望中瑞兩國舊好。日益親密。與本大總統夙願相符。貴公使駐華六載。力顧邦交。今重膺新命。來駐敝邦。本大總統。深爲欣豫。日後本國政府。與貴公使辦理交涉。當常相協。

助。終始無渝。並祝貴公使政躬康豫。

附瑞典國公使呈遞國書頌詞

大總統閣下。本公使奉大瑞典國大君主特命。授爲欽命駐華全權公使。敬代表本國大君主。頌祝貴大總統。萬幾順理。並願中瑞兩國。舊有之夙好。繼續無間。睦誼益親。本公使承貴大總統眷顧有年。更望長荷優遇。並祝貴大總統政躬禔福。國運盛昌。

答丹麥國公使呈遞國書頌詞

貴公使。以奉貴國大君主欽命。充駐華全權公使。親呈國書。並面進頌詞。本大總統深爲嘉悅。本大總統。素以敦篤中丹邦交爲重。此次貴公使。重膺簡命。自當推誠相與。俾兩國夙有睦誼。廣續鞏固。至旅居中華之貴國人民。本國政府。仍必優加待遇。應請貴公使將本大總統實心友好之意。代達貴國大君主陛下。並祝貴國大君主親躬康泰。貴公使身體安健。

附丹麥國公使呈遞國書頌詞

大總統閣下。竊本公使欽奉我國大君主。派充駐華全權公使。并頒奉致大總統國書。茲特恭呈均鑒。并將我國大君主。教篤中丹邦交之誠意。代爲上達。本公使亦謹同斯旨。深願竭其棉力。勉副大總統厚意。伏思我兩國交誼。夙稱親睦。敝國商人。數士在華。素叨蔭庇。卽受備於貴國政府之本國人民。亦蒙優加待遇。此則我國大君主所深爲銘感者也。敬祝大總統政治丕益。福躬康泰。

答外交團頌詞

今日貴公使。以本大總統被選爲中華民國大總統。代表各公使。惠臨稱賀。并承貴公使。以被選正式總統爲中國開始新幸福之先步。致詞推許。本大總統感謝之忱。實爲無量。本大總統。深願履行條約。循守成例。與友邦敦睦爲唯一之基礎。前在臨時政府期內。固已早有明證。此後尤當竭其棉力。俾本國政府。與貴各國政府。聯絡之感情。懇篤之交誼。日益親密。有加無已。本大總統以保持和平秩序。發達經濟信用爲作新宗旨。貴各國公使熱誠贊助。樂觀厥成。本大總統深信彼此睦誼。卽爲他日永久不渝之徵也。願祝貴各國暨貴各公使。綏福無疆。

附外交團謁見頌詞

君現被選舉中華民國大總統。本領銜公使。代表外交團來述慶賀之忱。新政體建
設以交。此爲第一次集會於一中國正式國慶日。各國公使藉此請大總統深情所
祝於此選舉君爲正式大總統。能爲中國開始一新幸福時代之先步。且恪守條約
及各項成例。不但能維持中國之平和。保持民國政府之穩健。並能保國內富饒之
發達。各國於此舉。亦利助成。依中國情形如是。定望各本國政府與貴國政府。所有
今日幸結接洽。將必日益親密。諒於此情。各國公使。必承大總統貴重協助。外交團
於今日欣祝大總統政治丕益。大總統福躬康樂。

政治會議開會訓詞

正式政府業經成立。本大總統。以藐茲一身。謬蒙國民推戴。由臨時大總統。被選爲正
式大總統。復得諸國務員熱心國事。相與共擔危局。誓必竭盡愚忠。整飭庶務。期挽狂
瀾於將倒。而奠國本於苞桑。業與各國務員再四商酌。擬定大政方針。行將宣告於天
下。以期逐節進行。惟中國土地之大。人民之多。爲五洲萬國所罕有。於此而不博採衆

論。集思廣益。誠恐宜於此者。或不宜於彼。利於北者。或不利於南。閉門造車。出門豈盡合轍。稍不適宜。推行即多窒礙。故毅然組織政治會議。以補助政府之不及。諸君或優於學識。或富於經驗。既已惠然肯來。當能利民福國。惟以利民福國爲其宗旨。自當知國靈民病果在何點。武漢一呼。清帝退位。舉歐美數十年血戰所爭而不得者。中國於不數月間居然得之。薄海士民。遂侈然而稱爲共和國民矣。亦若國體改專制而爲共和。國旗變黃龍而爲五色。則其國力即可凌駕歐美。而其國民亦可俯仰寰宇。殊不知國力之強否。視其內政外交之若何。而內政外交之善否。又視其政府之強固與否。而國體之爲君主爲民主不與焉。共和政治。爲憲政之極軌。本大總統固欣然慕之。然初何敢謂招牌一改。國力即隨之充足。即以目今之內政而論。紊亂何堪設想。一般人民以國體既改。國民均屬平等。於是乎子抗其父。妻抗其夫。屬員抵抗長官。軍士抵抗統帥。以抵抗命令爲平等。以服從命令爲奇辱。而政治遂不能收統一之效。不知所謂平等者。係在國法上之平等。即無所謂貴族平民等階級是也。非謂一講平等。即無權力服從之關係也。此誤認平等二字爲內政紊亂之原因一。國民既屬自由。爲神靈

不可侵犯。於是乎讓權可以自由。爭利可以自由。假結社自由之名。而謀亂可以自由。藉言論自由之說。而造謠亦可以自由。種種違法舉動。無不可以自由二字爲卸責之地。則強有力者。遂可自由於弱無力者生命財產之範圍內。而大亂遂起。不知所謂自由者。在法律範圍內之自由。非謂一講自由。即可任意自由於法律範圍之外也。此誤認自由二字爲內政紊亂之原因二。歐美人所謂共和者。爲多數人圖謀幸福之謂也。在昔專制時代。政權操之一姓。強則爲一姓之家業盛。弱則爲一姓之家業衰。強弱盛衰。無與於大多數之人民。厥後民權漸次發達。羣知國家爲人民之國家。非一人一姓之國家。於是推倒專制。改建共和。主權公之億兆。而大多數人之幸福。遂不令一姓享受。然亦非一講共和二字。而天下遂無不可共和之物也。乃一般人民。將共和二字認錯。而自辛亥革命以來。共產共妻之說。騰諸國人之口。則搶掠人之財產。姦淫人之妻妾。及其他種種強賊行爲。幾視爲法律所許。而莫敢過問者也。此誤認共和二字爲內政紊亂之原因三。有以上之種種原因。而內政遂呈一極不穩固之現象。而所謂革命之偉人鉅子者。挾其手造民國之功。更覺睥睨一切。反抗政令。蹂躪人民。搶掠姦淫。無

所不至。成則把持大權。犧牲人民。敗則席捲公款。逍遙海外。名曰平等。實以少數人壓制多數。名曰自由。實以少數人侵畧多數。名曰共和。實以少數犧牲大多數之生命財產者也。況中國財政。本極困難。債臺高築。借貸無門。藏富於民。自古已然。近察歐美。尤爲明驗。古人云。百姓足。君孰與不足。百姓不足。君孰與足。君既如是。國豈不然。該暴民等。捲資而逃。公款既已無餘。恣情搜掠。民財亦復淨盡。於是乎民窮於下。國困於上。而凡百內政。均難舉辦。而猶欲侈談共和者。真不啻痴人說夢也。至於外交。棘手尤甚。中俄協約難成。而庫倫獨立。尙未取消。西藏交涉。至今而英人不肯讓步。其他各國。眈眈環伺。欲向亞東大陸染指問鼎。固未可因共和成立。便可高枕而臥也。况外交之進行。恒視內政之善否爲轉移。苟內政修明。則列強之對我自必親睦。否則我先自伐。又何怪人。今我內政既如彼紊亂。則外交上當有如是之現象。總之皆由政府權力薄弱之所致。理固然也。國與家關係至爲密切。自古已有恒言。於今爲烈。倘國土不幸而亡。身家豈能獨有。皮之不存。毛將焉附。且從前海禁未開。滅國滅種之說未倡。無論何人主持國政。尙不失其百姓資格。方今國亡種隨。雖百姓亦不能充當。不過作奴隸牛馬。以

至滅種而已。是以本大總統。際此內訌外患紛至沓來之頃。不惜以藐焉一身。支撐危局。時而身命財產。陷於危險之地。則不妨犧牲一己之身命財產。以保護全國人民之生命財產。時而名譽陷於危險之地。亦不惜從而犧牲之。以付諸身後之公論。以期鞏固政府。整飭內政。而伸展國力。爲國計卽所以爲家計。亦卽所以爲後世子孫計。蓋不欲近及其身。遠及子孫。使作人之奴隸牛馬也。諸君固當今之所謂愛國士也。此時既惠然肯來。固皆以救國救民爲宗旨也。惟救國救民。須有救國救民之方法。第一須有責任心。前清官吏。多因不負責任。以致淪亡。民國成立。愛國愛羣。幾成一種口頭語。卒之徒託空言。無濟實事。諸君宜切實負責。凡利之當興。害之當除。羣策羣力。一致進行。生命財產。及一身之名譽。概可犧牲。則轉危爲安。卽惟諸君是望。且尤有一言以奉告諸君者。卽諸君務以國情社習爲準。勿徒高談學理。卽以司法一節言之。孰不知獨立之爲是。本大總統在前清北洋大臣任內。卽主張司法獨立。無如困難情形。有非普通談學理者所能盡悉。第一無司法之人才。第二卽財政之支絀。民間設一審判廳。原期事平訟理。乃該司法官。既無審判之學識。又無社會之經驗。一案發生。曲直殊難剖決。

而含冤自不能免。加以財政難困。不足養司法官之廉。而貪贓受賄。又非峻法所能禁。必俟人才既經養成。財政亦復充裕。夫然後方能收司法獨立之効。否則既任其含糊判斷。而再加貪贓枉法。是徒恃司法獨立之名。而民間受害。轉較司法不獨立時爲甚。是司法不過一端。而其他政治。亦大都類是。日本維新有年。而足踏之木屐。尙未改革。以是知社會上之習慣。不易驟變也。是豈空談學理者。所能與語哉。諸君既有救國救民之責任心。復能犧牲一切。再斟酌社會上之習慣。以爲改革。將輔本大總統及諸國務員之不及。以圖大政之進行。自無宜於此不宜於彼。利於北不利於南之弊。內政既善。外交自易辦理。行見政府鞏固。國力發展。則真正之共和幸福。方可享受。是諸君之救國救民也。亦卽所以自救也。

政治會議開幕詞

今全國統一政治。亟待進行。本大總統。深維集思廣益之義。特開政治會議。嘉與邦人。圖新厥治。博求京外通習政治。與有經驗者。盡萃於茲。咨度全國利病損益之宜。凡舊制之待更。新規之當舉。與夫獻元元企慕之策。開列邦期許之盛者。皆將於茲是望。尙

其據發謀猷。殫竭誠悃。於政治之應興應革者。熟察時弊。揆度國情。議論是紓。措置有
效。於以登郵治而弼丕基焉。

附熊總理希齡頌辭

民國肇造。二年於茲。萬端待理。未遑制作。此次新政府成立。早經數月。凡百政治。仍
未進行。誠以因革損益。具有端緒。不可不根原中國之歷史。深察社會實情。未宜馳
驚理想。襲取徒法。以致不能推行盡利。是以此次國務會議所定大政方針。專意在
圖謀國利民福。而事體重大。小厭集思廣益。茲值大總統召集政治會議。周咨博採。
各會員皆海內人望。或達於學理。或富於經驗。將來所有國家地方政治之榮華大
端。自當諮詢貴會之計畫。深望會員諸君。各據讜言。相助爲理。則民國之福。亦本總
理之幸也。

附李議長經羲頌詞

政治會爲一種特別組織。大總統之所以召集本會。在使全國達於學識富於經驗
之人才。萃於一室。共謀國利民福。本席謬承議長之職。代表本會會員。深願本會遠

覽世界之趨勢。近察吾國之國情。懲前毖後。圖謀補救。使政治日趨穩健。無復深搖震撼之虞。本日大總統訓辭。兢兢以共同救國爲言。而救國之道。則以扶植強有力之政府爲歸。茲當本會開幕。特爲宣言。深望本會發摠譴諫。圖謀國事。以無負大總統召集本會之盛意焉。

接見華僑代表演說詞

現在天下大勢。隨重商戰。文明各國。無不以通商殖民爲當務之急。蓋殖民多則國富。富而後能服。此一定不易之理。例如吾國華工在外國作工。每歲所得工資。不可勝計。華商在外國營運。每歲獲利。亦頗不貲。除自養外。又以所積蓄者。寄回本國。其利於本國。自不待言。譬如有二萬人。每人但餘二百元。則輸入於本國者。已達四百萬元。中國自元明以來。人口繁殖。與年俱進。本國生計艱難。故人民多出洋從事工商各業。在國家並無保護之實力。而我華僑。奮志經營。氣不少餒。且人人具有愛國思想。雖久居外邦。而念念不忘祖國。此我國民之特性。直令人可欽可敬。即如此次民國成立。亦深賴華僑諸君之力。前此政府財政困難。頗有人提議派員赴外國各商埠。向華僑募捐者。

余大不謂然。蓋以華僑屢次出資助餉。數逾百萬。且近年華僑所經營之工商各業。不盡獲利。困苦不堪者。亦頗有之。政府何忍再事剝削。乃政府並未募捐。而華僑之樂輸。仍復源源而來。我國民忠愛祖國之特忱。不獨余感佩無已。即外國人亦皆稱贊不置。余前在北洋任內時。即主張竭力保護海外華僑。請派楊士琦前往海外。詢問疾苦。但國勢不強。所謂保護。亦只有名無實。政府所派直接保護僑民之機關。不外領事。故選派領事。極須慎重。然國勢不強。縱領事得人。仍少裨益。然則欲舉保護之實。非有完美之保護法律。及精強之海陸軍不可。現在民國初建。驟難語此。然究不可不力求進步。以漸達此目的。近日之患。在人人競爭權利。而昧於公理思想。黨爭靡已。故政治進步甚遲。余所願在發明公理思想。使政治逐漸進步。夫而後國勢可強。國強然後能舉保護之實。此次諸君來京。選舉議員。責任重大。請抱定公理思想。齊心進行爲盼。此外尙有請諸君注意者一事。即我海外華僑之子弟教育事業是也。華僑子弟。聰穎者甚多。居住外國。求學亦易。現今世界。乃一智識之世界。有智識則優勝。無智識則劣敗。願我華僑多設學堂。教其子弟。並多遣子弟入外國學堂讀書。誠使多數人民。具有政治智

職。法律智識。進可爲祖國宣勞。退亦可以自衛身家。自衛團體。此余所悉心期望者也。余夙願僑民。參與政事。同心協力。以達救國之目的。去年曾以僑民選舉權提出於參議院。今諸君蒼萃都邑。實行選舉。深望選出學識穩練之人。以爲代表。以鞏固中華民國。以與全國人民同享共和之幸福。余之欣幸。甯有既耶。將來僑民代表。常駐此間。時以僑埠情形。告諸國會。以訂完善之保護法律。余亦得常與諸代表相見。詳求各埠僑民之情隱。內外聯絡一氣。係於此矣。願諸君共勉之。

訓勉陸軍部人員詞

君等皆軍人。我亦軍人。當今軍政複雜。各省自爲風氣。兵皆如匪。或且不如匪。夫養兵所以保民也。今則不免殃民。我輩治兵之官。可恥孰甚。凡我軍人。不能不引爲可恥之一大端。然徒恥無益。必亟圖所以整頓之方。方能日有進步。勿僅以摹仿外國皮毛爲能。數十年來。軍政腐敗。已臻極點。未始非徒摹仿外國皮毛之病也。當求其真意所在。處。悉力行之。君等可精心悉力。輔佐段總長認真籌畫。至以爲望。所謂軍事計畫者。非僅以操練爲了事也。從精神上求整頓。始能具有實力。試問吾國今日軍人。有能真心

愛國者乎。雖不敢謂絕無一二。試問究有幾人。當茲邊患日亟。殊堪媿憤。君等其力圖之。又軍事最重服從。試問我國今日軍人。有能真服從者乎。我自二十餘歲練兵。迄今二十餘年。未嘗一日離兵事。軍事學問。明知不如君等後進。然自信閱歷尙屬實在。尙較君等爲多。幸勿以我言爲無據也。總之軍事以精神爲第一要着。軍學操練。皆其次焉者。精神不足。則如散沙。絕不足以禦外侮。危莫甚焉。諸君勉之。

約法會議開會頌詞

中華民國三年三月十八日。約法會議正式成立。行開會儀式。此實全國政治刷新之機。亦卽五大民族人民幸福增進之初步也。查臨時約法。爲南京臨時參議院各省都督。指任參議員所議決。無論冠以臨時之名。必不適用於正式政府也。卽其內容規定。束縛政府。使對於內政外交及緊急事變。幾無發展伸縮之餘地。本大總統証以種種往事之經驗。身受其苦痛。且間接而使四萬萬同胞無不身受其苦痛者。蓋兩載於茲矣。琴瑟不調。改弦更張。屬在今日。斯爲急務。前據政治會議一再討論。僉以宜特設造法機關。名曰約法會議。經定期選舉。組織告成。諸君富於學識經驗。聲望素著。其於吾

國民情國勢。必有灼見真知。而能謀福利以爲根本之解決者。况共和國家。所藉以鞏固者。惟憲法。方今吾國憲法。既因事實上之障礙。而猝難發生。若長守此不良之約法以施行。恐根本錯誤。百變橫生。民國前途。危險不可名狀。故本大總統對於此次增修約法。固信諸君發抒偉論。必有良好之結果。尤願諸君寶貴時日。能爲積極之進行也。謹致頌曰。中華民國萬歲。中華民國國民萬歲。

北京青年會開會祝詞

民爲邦本。教育用臧。休哉斯會。導源孔長。道德切磨。氣誼激昂。宏模式廓。廣廈聿張。惟輪惟奐。日堂日皇。莘莘髦俊。赫赫冠裳。禮門義路。言表行坊。樂羣敬業。悠久無疆。

袁大總統書牘彙編卷首完

袁大總統書牘統編

袁大總統書牘統編

卷首

文辭



四

袁大總統書牘彙編卷一

咨文

致參議院任命國務總理咨請同意文

爲咨行事。前據國務總理唐紹儀呈稱。因病請假赴津調治。當經本大總統給假五日。并任命外交總長陸徵祥暫行代理國務總理事務在案。茲復據該總理呈稱。連日延醫診視。舊病轉劇。慨膏肓之漸入。捐頂踵而何裨。懇請准免國務總理本官。迅簡賢能接任。以維大局。俾獲乞靈藥石。退處清閒各等語。本大總統迭次派員赴津診視。勉留據各該員回稱。該總理一再固辭。情詞懇切。毫無回京就職之意等語。民國肇興。百端待舉。邊方騷擾。尙未緩靖。友邦承認。尙無正式。總理一職。有保持行政統一之責。關係重要。未便久懸。除批准該總理辭職外。自應速行遴員任命。庶一切政務得以進行。現在國基初定。締造維艱。必須富有經驗。中外翕服之人。始堪勝任。本大總統一再遴選。查有現任外交總長陸徵祥。宅心正大。識見宏通。歷充參隨專使公使十有餘年。於外交情形。知之最稔。各國政治源流。尤能洞見本末。實爲中外信仰。匡時濟變之才。擬任

命爲國務總理。茲特照中華民國臨時約法第三十四條。請貴院之同意。即希查照。其見覆可也。此咨。

致衆議院爲大借款條件咨照備案文

五月二日

爲咨送事。本年四月二十六日。據國務總理趙秉鈞。外交總長陸徵祥。財政總長周學熙呈稱。竊維六國銀行團借款。先後磋商。已逾一年。上年九月間。曾經國務會議。擬定借款大綱。於十六十七兩日。赴參議院研究同意。以爲進行標準。唇焦舌敝。往復磋商。直至歲杪。合同條文。大致就緒。當於十二月二十七日。出席參議院。先將特別條件逐條表決。復將普通條件。全體表決。均經通過。正擬定期簽字。該團忽以原議五釐利息。藉口巴爾幹戰事。歐州市場銀根奇緊。要求增加半釐。祇得暫行停議。惟是賠洋各款。積欠纍纍。一再愆期。屢次商展。追呼之迫。等於然眉。百計籌維。無可應付。數月以來。他項借款。悉成蜜餅。美國雖已出圍。而其餘五國。仍未變易方針。大局岌岌。朝不保夕。既無束手待斃之理。復鮮移緩就急之方。近接各省都督來電相迫。如江蘇程都督電。每踰於一時之毀譽。轉爲萬世之罪人。安徽柏都督電。借款監督。欠款亦監督。毋甯忍痛。

須臾。尙可死中求活等語。尤爲痛切。迫不得已。而繼續磋商。尙幸稍有進步。利息一節。該銀行團允仍照改五釐。其他條件。亦悉如十二月二十七日通過參議院之原議。事機萬變。稍縱即逝。四月二十二日。奉大總統命令。五國銀行團借款合同。任命趙秉鈞。陸徵祥。周學熙。全權會同簽字。此令等因。遵於二十四日。與該銀行團雙方簽訂草案。同。復於二十六日。簽訂正合同。彼此分執存照。以免復生枝節。理合將華洋文合同各照備二分。並附用途單二分。呈請大總統鑒核。俯賜咨交議院。查照備案。以昭信守等情。查此項借款條件。業於上年十二月二十七日。由國務總理暨財政總長。赴前參議院出席報告。均經表決通過。並載明參議院議事錄內。自係當然有效。相應咨明貴院查照備案可也。此咨衆議院。計咨華洋文合同一分。並附用途單一分。

咨參衆兩院聲明借款事件并未蔑視議會文 二年五月二日

爲咨明事。財政總長呈稱。此次大借款之定議。係出於維持國家生存上萬不得已之舉。政府與銀行團反覆談判。全國皆知困難。並無何等反對。徒以該團條件嚴重逾恒。政府爲國權起見。不得不於死中求活。但求有一分之輕減。即少一分之負擔。是以交

涉數月。未能就緒。直至上年九月間。始將國務院決議大綱。提出參議院。要求同意。當經參議院討論大體。業經贊同。遂即依此標準。接續磋商。中間情形變幻。垂成輒敗。迨上年年底。俄使因大賠款到期。追迫甚急。是時適合同稿亦已擬定。當於十二月二十七日。由國務總理趙秉鈞。出席參議院。一面報告交涉之經過。並俄使催款情形。一面將合同底本。分爲特別普通條款。當場提出議案。經參議院將特別條件逐條表決。悉予贊同。末後又經議長將普通條件諮詢院議。僉謂毋庸表決。悉予贊同。即贊成政府。迅速照此進行。當經聲明。銀行團如無別項挑剔。當於二十九日。即行簽字。以免因大賠款牽涉他事。不意此項合同通過以後。銀行團忽以巴爾幹戰局未定。及增加利息等問題。頓翻前議。磋商數月。幾至無法挽回。今茲幸就範圍。大體悉如原議。實爲政府始願所不及。其中千回百折。牽及國際。經過之困難。至今追思。有難言之苦衷。亦有不忍宣布之隱痛。政府爲民服務。即係爲國效忠。但求大局之保持。何敢避人言之交責。且臨時政府成立以來。外人之對我雖承認國家之資格。而可行使前清之債權。統計上年結欠洋款賠款。及本年已過期之洋款賠款。各省歷欠之外債。已達英金一千二

百萬磅之多。皆屬政府應負之責。屢次催逼。百無一應。國信不立。安能奠定邦基。每一念及。此心如瘴。且前欠各款。均有抵押。設再遷延。勢必橫加干涉。實行監督財政。致陷民國有破產之虞。彼時政府。對於人民。不惟不能當此重咎。即萬死亦不足自贖。是此大簽字。固有不得已之情勢。且保案照前參議院表決案始行定議。正可證明政府之尊重議會。何敢蹈蔑視國會之罪戾。更何敢稍存輕視國會之心。若議院謂合同簽字形式上手續略未完備。則政府又有不得不反復聲明者。查上年十月二十七日參議院會議。係屬秘密。政府為鄭重起見。故提出方法。不用書面。而用口頭。當時累經聲明。係奉大總統命提案。試思此種重要合同。國務員苟非奉有大總統命令。豈能以私人資格遽行請求院議。若謂僅止報告。則又何須將合同提出。而參議院對於報告事項。更無逐條表決之必要。細觀當日議事錄。情形不辯自明。若謂未經三讀。當日到院報告條文後。先經要求。將此案一次通過。以省手續之煩。議長遂先諮詢全院。經衆贊同。繼用逐條表決之法。以實行通過。是實與參議院法第三十八條。政要求省去三讀會原法相符。且表決以後。政府聲明簽字日期。彼時無一人反對。假使當時銀行團。絕無

變動情事。則上年十二月二十九日。早經簽字。何待今日。凡諸所言。在政府并非執法理之爭辯。以圖卸責。按諸事實。委無絲毫遁飾之處。值茲財政艱窘。國際債權。催逼過甚。借款一日不成。國本一日不定。此次合同簽字。在勢無可取消。倘國會能諒苦衷。實爲國家之幸。否則惟有向國民代表。引咎自謝。以明責任等情。相應咨請貴院查照。此咨。

咨衆議院交議預算案文

爲咨行事。據國務院案呈。竊維預算之制。由來尙矣。冢宰制用。乃古代編制之權輿。政府交議。乃列邦辦理之通例。查臨時約法第十九條。列舉參議院職權。其第二目。戰議。決臨時政府之預算決算。又查中華民國國會組織法。第十四條。戰議。民國憲法未定以前。臨時約法所定參議院之職權。爲民國議會之職權。又其第二項云。預算決算。須先經衆議院之議決等語。然則政府之交議預算。與先經衆議院之議決。皆爲法律所指定。毫無疑義。本院爰遵照法律。將民國二年度之全國預算。編製成冊。訂繕完竣。呈請大總統。先行提交衆議院核議。惟是辦理此項預算。當其著手之先。則有種種困難情

形及其經過之後有種種解決方法。茲當交議之時。有不能不先行陳明者。查預算之制。大別有三。英制法制美制是矣。英制之於預算。行政部既編且核。法制則編而不核。美制則不編不核。僅由各行政部報告於立法部而已。然此種制度。悉原憲法。現在我國憲法。尚在籌議。會計會雖具有草案。然亦未議決。此次編訂預算。無相當之法律可以適用。此困難者一也。各國辦理預算。俱有法定時期。自民國成立以來。辦理全國預算。此為嚆矢。既無前例可援。又無法律可據。惟又為必當辦之政務。故於去年十二月間。通電各省。辦理全國預算。定於二月內送財政部。旋因省宜改組。紛語展期。雖極力催辦。而各省行政長官。仍多遲延。至五六月間。始陸續送部。然內容複雜。往返函商。又經數旬。遲至今日。始克蒞事。固非始事之時所可逆料。此困難者二也。又各國預算。莫不以收支適合為原則。然其所以致此者。亦非一蹴而就。幾經數十星霜之之經驗。國歷政治。以入於軌道。故其歲出歲入。恒列於平。苟不遇非常之事。必無超越鉅額之理。我國則不然。現在之政治。為新造之政治。其歲出趨向。恒隨政治而發展。現在之歲入。為固有之歲入。然固有之歲入。初未與新造之政治相謀。故每省報告不敷。率在二三

百萬或千萬以上。此新造國之現象。爲事實所不可幸免。然政府之編制預算。因此愈益棘手。此困難者三也。以上三端。俱在預算未編以前。至既編以後。則事實之解決方法。是矣。茲試分述於下。夫編制預算形式。上所必當先行解決者。爲年度及範圍問題。查各國預算。每以會計年度爲首尾。此次辦理。既無確定依據。然著手之先。亦當有暫行之方法。查前年編訂會計法草案。假定以七月一號。至次年六月三十號爲一年度。今依此假定之說。以著手編製。而與前次所辦之六個月臨時預算。亦互相銜接。蓋亦不得已之解決方法也。至預算範圍。亦無一定明文。臨時約法。但稱議決臨時政府之預算決算。而國會組織法。並未有所聲明。然預算者政務之計畫寓焉。現在憲法省制。俱未規定。政府政務。究應以何爲界限。別無法律可依據。故此項預算範圍。最難解釋。現在事實。既漸趨於統一。即不能不照統一國之辦法。以全國爲範圍。此蓋因法律未備。而由院假定編制。不能不聲明者也。又預算支配數目。所必當解決者。爲出入均衡問題。夫出入均衡之必不可得。既如前所述矣。然既有預算。即不能不合預算之原理。既不合預算之原理。即不能不求收支之適合。然而有難言者。蓋入不敷出。爲既成之

事實。而收支適合。爲今後之理想。苟處處顧全事實。則相差者累千億萬。政府將負數衍之名。若處處斬合理想。則形式合而執行多礙。政府將受武斷之誚。求之事實如此。求之理想又如彼。介此二難之間。欲求免責備難矣。政府所望者。決不在旁觀之評論。惟冀得當適用而已。故先將全國預算總數。由本院協議支配主管各衙門。再照協議之數。以實行其政策上之詳細支配。此次表中之核定數。卽主管各衙門詳細支配之數。此間有一二主管部。超過協議總數者。則竭力削減。其雖未超過而有可減之理由者。亦酌量核減。必不可減者。則仍之。至是而仍有出入不敷者。則添設新稅。並募集公債以彌補之。蓋但就事實固不可。但就理想亦有所不能。故於無可如何之中。不能不以此爲伸縮肆應之法。此支配預算數目之用意。不能不聲明者也。又預算歲入所必當解決者。爲確定國稅問題。夫確定國稅。當設國稅臨時已著手編訂草案。此次預算。卽以草案爲根據。凡各省歲入。悉比照草案辦理。其有未盡確當者。由部分別釐正。至其歲入數目。各省所報。率皆短減。現在國稅尙未直接徵收。消息盈虛。無從洞悉。祇能比照宣四預算收入之數。將各省短報各款。酌量增加。雖不敢謂爲確當。然亦不致大

差。此關於釐正國稅並審定歲入之手續。不能不聲明者也。至此外如修正問題。則因爲時過促。漏夜趕辦。其間數目。雖竭力核對。以求精確。然或因事實而生窒礙。或因時促而致疏忽。重疊錯誤之處。或所不免。惟有隨時發見。隨時更正。以期完善。又如預算金問題。則酌列六百萬元。日本以六億元之歲出。僅列三百萬元。以此例彼。似屬較多。然我國幅員廣大。當此法律未全。機關未備。政局變遷。瞬息萬狀。與其嚴以限政治之活動。無甯寬以備應急之要需。蓋惟款目外有餘地。可以通融。斯款目內無騰挪以費弊竇。此又編製之苦心也。惟是此次二年度預算。一切政策。均有根據。趙前總理所計畫。現時趙前總理。業經呈由大總統免官。熊總理甫由大總統咨請國會同意。尙未就職。將來新總理政策若何。未能逆億。惟年度業已經過一月。未便再延。如新總理政策。與此次預算有不合之處。自應另照修正案辦理。應請大總統。先行咨交衆議院核議。以免延誤等因。相應遵照約法第十九條。及國會組織法第十四條第二項。咨請貴院議決此咨。

致衆議院任命國務員咨請同意文

九月四日

爲咨明事。查國務總理熊希齡。現在業經就職。其餘各國務員。自應分別另行選任。查有孫寶琦。朱啟鈐。梁啟超。汪大燮。張謇。周自齊。均屬學識闡通。確有經驗。敬歷中外。聲譽素隆。茲擬任命孫寶琦爲外交總長。朱啟鈐爲內務總長。梁啟超爲司法總長。汪大燮爲教育總長。張謇爲工商總長。周自齊爲交通總長。特按照中華民國臨時約法第三十四條。咨請貴院同意。卽希查照見復。再現當建設之始。一切政策之進行。均與財政有關。國務總理熊希齡。長於理財。財政總長一職。卽由該總理兼任。不再另行提出。此咨。

咨參衆兩院請選舉正式大總統文

二年五月二日

爲咨行事。本大總統於中華民國元年二月十五日。經參議院選舉。爲臨時大總統。元年三月十日就臨時大總統之任。惟時軍事甫平。人心未定。悍將驕卒。衝突時聞。內政外交。益形困難。本大總統以國民委託。總攬政務。與前參議院議員諸君。互相提挈。勉自支持。凡所設施。要以國家爲前提。博徵人民之同意。既不敢操切以啟分裂之禍。亦不敢姑息以博煦子之名。無非求我四萬萬同胞。同登康樂而已。受職以來。已逾一稔。

環顧全國秩序漸定。而人民未挽瘡痍。綱紀初張。而建設尙鮮實效。夙夜擾心。神明負咎。所可自信與可報告於我國民者。區區此愛國之忠心而已。夫中華民國。既由中華人民組織而成。其主權當然屬於國民全體。而國民依法選舉之國會。實國民直接委任之機關。今正式國會完全成立。自此以往。臨時之事業將終。正式之時代開始。深望國民代表。迅速選舉正式大總統。以謀全國人民之福利。而固民國新造之宏基。無任跂禱。此咨。

致衆議院咨請增修約法案文 二年十月十六日

爲咨行事。查臨時約法原爲臨時政府而設。自公布施行以來。於茲已二十閱月矣。其於國家之根本組織。固係因約法施行之結果。而粗具規模。然於國家之政治刷新。要亦因約法施行之結果。而橫生障礙。綜計臨時時期內。政府左支右絀於上。國民疾首蹙額於下。而關於內治外交諸大問題利害。卒以相懸。得失僅以相等。馴至國勢日蹙。政務日墮。而我四萬萬同胞之憔悴於水深火熱之中者。且日甚。凡此種種。無一非緣約法之束縛馳驟而來。昨今兩年。各省行政長官之所慷慨建議。各政團之所反覆研究。

各報紙所朝夕鼓吹。大率主張以修改約法一端爲國家救亡之上策。其時本大總統。衡量事變。默察現情。非不知輿論集矢約法。幾於異口同聲。願遲遲未敢附和此議者。誠以民國肇造。大局未寧。設竟猝以增修約法爲請。在熱心改良政治者。固能諒提案之苦衷。而蓄意傾覆國家者。或將以提案爲藉口。是以百方隱忍。無論任用國務員之如何困難。任用外交公使之如何困難。制定官制官規之如何困難。締結條約之如何困難。以及發布保持公安防禦災患各命令。暨有緊急之需用。而欲爲臨時財政處分之如何困難。本大總統俱不惜以一身當困難事實之衝。所有竭蹶情形。諒爲國民所共見。夫以吾國幅員之廣。模人戶之衆多。交通之隔絕。革命而還。元氣凋喪。欲持急起直追之策。以謀閭閻一日之安。縱遇事假以便宜。猶恐有所未逮。何況臨時約法。限制過苛。因而前參議員涉干太甚。卽無內憂外患之交迫。必且窮年累月莫爲功。此稍知吾國內情者。亦能悉其病根之所以發生。而亟思有以挽救之者也。本年四月。國會成立。方冀憲法之制定。不久可以告成。約法之施行。爲期當屬無幾。本大總統。年來曠地刑天之痛告。或可於臨時政府之將終。隨我國民洪水猛獸之奇災。以俱澹。乃國會常

會期滿。憲法猝難議行。而先舉總統。後定憲法之議。一偏不旬日間。隨有國民選舉會之出現。本大總統。衰朽無能。又承國民推重。謬膺中華民國第一次正式大總統之寄。繼續而為公僕。揆諸救民之素志。固亦不敢告勞。惟查憲法會議。議定大總統之職權。在憲法未制定以前。暫依臨時約法。關於臨時大總統之規定等語。推立法者特設此項附則之意。不過以為大總統之職權。在國法上。須有一定。目前憲法。尙未產出。暫依約法規定。本大總統。亦認爲必要。而不敢非難。然而臨時約法之良否。究爲政治良否之所關。本大總統。証以二十閱月之經驗。凡從約法上所生障礙。均有種種事實可憑。竊謂正式政府之所以別於臨時政府者。非第有一正式之大總統。遂可爲中華民國國際上之美觀而已也。必其政治刷新。確有以。爰足吾民之望而後可。以收拾亂極思治之人心。顧政治之能刷新與否。必自增修約法始。蓋約法上行政首長之職任不完。則事實上總攬政務之統一無望。故本大總統之愚。以為臨時約法第四章。關於大總統職權各規定。適用於臨時大總統。已覺有種種困難。若再適用於正式大總統。則其困難將益甚。苟此種種之困難。其痛苦若僅及於本大總統之一人一身。又何難以補

宜彌縫之術。認與周旋。無如我國民喁喁望治之殷。且各挾其身命財產之重。以求保障於藐躬。本大總統一人一身之受束縛於約法。直不啻胥吾四萬萬同胞之身命財產之重。同受束縛於約法。本大總統無狀尸位以至今日。萬萬不敢再博維持約法之虛名。致我國民之哀哀無告者。且身受施行約法之實禍。查臨時約法第五十五條所定大總統有提議增修約法之權。茲特於受任伊始。將約法內應行增加修正之處。彙提一增修案。并逐條附具理由。俾咨討論。除約法公布在前。按照後頒法律。須即酌加修正者。如各條內之臨時字樣。應請刪除。參議院字樣。應請改爲國會字樣。暨其餘事實業已變更。應行刪除各條各項。由國會併案議決外。相應將提出增修約法案。另繕清單。咨行貴院查照。事關緊急。并希從速議決見覆可也。此咨。

咨復衆議院查詢解嚴辦法文

爲咨覆事。前准貴院咨開。南方亂事戡平。已無戒嚴之必要。請於亂事已定地方。依戒嚴法第十五條。迅卽爲解嚴之宣告。以復原狀。而維治安等因。當飭國務院電詢各省該地方戒嚴情事。能否終止。迅速電復。以便依法辦理。茲據國務院呈稱。據各省都督

陸續電復到院。湘省電稱。近情安謐。戒嚴令已經取消。閩省電稱。現頗靖謐。戒嚴情事。尚能終止。直督電稱。接電後。分飭各司令官。詳查現狀。據覆擬照京師章程。即日解嚴。仍將戒嚴法第十四條之第一第三兩項留存。以收繼續之功。其餘鄂蘇皖浙贛粵桂等省。均因伏莽未靖。以從緩解嚴為請。至川省因交通遲滯。迄未據電覆。理合先將各省電覆各情。備文呈請鑒核訓示。遵行等語。除四川一省。應候電覆到日。另行辦理外。所有覆到各省。均如各該督來電所擬辦理。相應咨覆貴院查照。可也。此咨。

咨憲法會議派員至會代表陳述意見文

為咨行事。查國會組織法。載民國憲法案。由民國議會起草及議定。迭經民國議會組織民國憲法起草委員會。暨特開憲法會議。本大總統。深維我中華民國開創之苦。建設之難。對於關係國家根本組織之憲法案。甚望可以早日告成。以期共和政治之發達。惟查臨時約法載明大總統領有提議增修約法之權。誠以憲法成立。執行之實在大總統。憲法未制定以前。約法效力。原與憲法相等。其所以予大總統此項特權者。蓋非是則國權運用。易涉偏倚。且國家之治亂興亡。每與根本大法為消息。大總統既為

代表政府總攬政務之國家元首。於關係國家治亂興亡之大法。若不能有一定之意。思表示。使議法案者得所折衷。則由國家根本大法所發生之危險。勢必醞釀於無形。甚或補救之無術。是豈國家制定根本大法之本意哉。本大總統。前膺臨時大總統之任。一年有餘。行政甘苦。知之較悉。國民疾苦。察之較真。現在既居大總統之職。將來即負執行民國議會所擬憲法之責。苟見有執行困難。及影響於國家治亂興亡之處。勢未敢自己於言。况共和成立。本大總統幸得周旋其間。今既承國民推舉此重任。而對於民國根本組織之憲法大典。設有所知而不言。或言之而不盡。殊非忠於民國之素志。茲本大總統謹以至誠。對於民國憲法有所陳述。特飭國務院派遣委員施愚。顧鼐。饒孟任。黎淵。方樞。程樹德。孔昭焱。余榮昌。前往代選本大總統之意見。嗣後貴會開議時。或開憲法起草委員會。或開憲法審議會。均希先期知照國務院。以便該委員等。隨時出席陳述。相應咨明貴會請煩查照可也。此咨。

致憲法會議咨詢憲法案公布權文

為咨行事。查臨時約法第十九條內載。參議院之職權。議決一切法律。又第五十九條

內載。中華民國之憲法。由國會制定。又第二十二條內載。參議院議決事件。咨由臨時大總統公布施行。又第三十條內載。臨時大總統公布法律各等語。凡此規定。均屬前參議院在約法上議決法律及制定憲法之職權範圍。民國議會成立以來。依國會組織法第十四條之規定。民國憲法未定以前。臨時約法所定參議院之職權。爲民國議會之職權。則民國議會無論議決法律事件。抑係制定憲法事件。皆應以臨時約法國會組織法所定程序爲準系。實無絲毫疑義。乃本年十月五日。准憲法會議咨開。大總統選舉法案。業於十月四日在本會議議決宣布。並公決送登政府公報。爲此抄錄全案。咨達大總統。卽希查照飭登等因前來。本大總統。當以民國議會前經議決。先舉總統。後定憲法。保爲奠定民國國基起見。本月四日。憲法會議議決。大總統選舉法案來咨。雖係備止聲明議決宣布。并公決送登政府公報等語。顯與臨時約法暨國會組織法規定不符。然以目前大局情形而論。內憂外患。紛至沓來。友邦承認問題。又率以正式總統之選舉能否舉行爲斷。是以接准來咨。未便過以臨時約法暨國會組織法相繩。因卽查照來咨。命令國務院飭局照登。惟此項咨達飭登之辦法。既與約法上之國

家立法權程序大相違反。若長此緘默不言。不惟使民國議院蒙破壞約法之嫌。抑恐令全國國民敗弁髦約法之漸。此本大總統於憲法會議之來咨。認爲於現行法律及立法先例。俱有未安。不敢不掬誠以相告者也。查民國立法程序。約法暨國會組織法。定有明文。一爲提案。二爲議決。三爲公布。斷未有但經提案議決。而不經公布。可以成爲法律者。大總統選舉法案。若爲法律之一種。則依據臨時約法第二十二條第三十條之規定。當然應由大總統公布。若爲憲法之一部。則依據臨時約法第五十四條之規定。雖應由民國議會制定。然制定權行使之範圍。仍應以國會組織法第二十條第二十一條所規定者爲標準。斷不能於國會組織法第二十條之起草權。及第二十一條之議定權以外。而侵及於臨時約法第二十二條及三十條之公布權。是來咨所稱之宣布。既爲臨時約法暨國會組織法規定所無。而又未別經議決公布一種法律。賦予憲法會議以此項宣布權。乃竟貿然行使。其蔑視本大總統之職權關係猶小。其故違民國根本之約法影響實鉅。本大總統此次訪局照登。設我國民起而責以放棄職權之咎。固屬百喙莫辭。而我最高立法機關。乃置現行約法及國會組織法於不顧。竟

使本大總統不得不出於放棄職權一途。恐亦非代表國民公意者所應出此也。況民國肇造。二年於茲。憲法未施行以前。約法之效力與憲法等。民國元年前舉參議院議決之臨時約法時。業於是年三月十一日咨送臨時大總統公布存案。而臨時約法第五十六條。并定有本約法自公布之日施行各明文。夫與憲法效力相等之約法。既經參議院議決咨送大總統公布於前。則依照民國立法之先例。無論此次大總統選舉法案。或將來議定之憲法案。斷無不經大總統公布。可以施行之理。總之民國議會。對於民國公布憲法案。只有起草權及議定權。實無所謂宣布權。此為國會組織法所規定。鐵案如山。萬難任意搖動。此項大總統選舉法案。既為憲法案之一部分。若執臨時約法上之制定為詞。即謂制定云者。可包宣布於內。是必國會組織法無第二十條及第二十一條起草及議定之專條而後可。否則憲法會議。對於大總統選舉法案。除起草議定以外。絕不能蹂躪及於臨時約法第二十二條第三十條之公布權。此猶得曰臨時約法與國會組織法先後規定有歧出也。查臨時約法稱制定者凡二。一曰臨時大總統制定官制官規。一曰中華民國之憲法。由國會制定。若謂國會對於憲案之制定

權。兼提案議決宣布三者而有之。則大總統對於官制官規之制定權。亦必兼提案議決宣布三者而後可。顧何以大總統之制定權。須受本條但書之拘束。而國會之制定權。不受本法各獨立條文之拘束乎。可知民國立法程序約法有一貫之精神。大總統而侵及國會之議決權。固爲約法所不許。國會而侵及大總統之公布權。亦爲約法所不容。本月五日准咨大總統選舉法案。本大總統雖經查照飭局照登。不過出於一時委曲求全之苦心。而國家立法各有定程。以如此重要法案。所有公布手續。竟不依與憲法效力相等之臨時約法。暨國會組織法辦理。竊恐此端一開。今日民國議會之職權。既可以自由軼出於約法規定範圍以外。而獨以遵守約法者責政府。服從約法者責國民。固失雙方情理之平。尤非民國前途之福。究竟來咨所稱飭登之大總統選舉法案。是否即應依照約法公布施行之規定辦理。將來民國議會制定憲法案。應否依照國會組織法第二十條第二十一條之規定。以起草議決爲限。事關立法權限。亟應諮詢國會。從速答覆。相應咨行貴會查照。依法辦理可也。此咨憲法會議。

大總統書牘總編

大總統書牘總編
卷一
書文



袁大總統書牘彙編卷二

政令

布告內外文武官員文

本大總統於中華民國元年三月初十日舉行受職禮。自念德薄能鮮。膺茲重任。兢兢業業。惟以隕越是懼。惟我民國建設伊始。統一政府初立。所以策安全求幸福者。千端萬緒。肇造艱難。是皆賴我內外文武各官協力同心。共担義務。諸君皆具愛國之熱誠。爲斯民所倚託。當此瘡痕未復。實望正殷。苟有可以破除成見。保持公安。謀秩序之挽回。籌政事之統一者。本大總統當與諸君竭力圖之。並當相見以誠。相規以善。以期互維大局。奠我邦基。是則本大總統所望。望諸君交勉者也。特此布告。期衆週知。

布告內外文武各官員照舊供職文

現在共和國體業經宣布。世凱忝膺組織臨時政府之任。力小荷重。深懼弗勝。竊念政府機關。不容有一日之間斷。現值組織臨時政府。所有舊日政務。目下仍當繼續進行。庶政方新。百端待舉。全賴羣策羣力。互相匡濟。務以保全治安。共扶大局。爲要。現在新

官制未定於前。凡現有內外大小文武各項官署人員。均應照舊供職。毋曠厥守。所有各公署所行之公務。應司之職掌。以及公款公物。均應照常辦理。切實保管。不容稍懈。倘有借端詭避。曠厥職守者。不獨違背官規。抑並放棄國民義務。竊願在官諸君子。共懷此意。

勉勵海陸軍人文

本大總統。辱承國民推舉。今當受職禮成之日。爰抒所見。勗我同胞。民國建義。我海陸軍人。卓著勳勞。然此不過爲扶持國家之初基。目下改革告終。締造伊始。我軍人應建之事業。應負之責任。實尙不知凡幾。其重且大。蓋遠過於破壞之時。未容以前此之成功。視爲滿足。所望愛國軍人。曠觀大局。益矢血誠。萬衆一心。皆以鞏固我民國初基爲目的。凡所舉動。務宜從中央命令。以期實行統一。至於軍士。尤當恪遵上官命令。養成整肅之精神。保全光大之名譽。毋或少有怠忽。以玷全體。而躡半途。庶不負我軍人前此之苦心孤詣。而諸君勳業。亦當與國基而偕永矣。

布告軍警各界文

現在共和政體業經宣布。本政府組織伊始。地方治安關係至重。全賴軍警協同維護。免使居民驚擾。現軍警各界贊成共和。早經聯絡一致。尤應各盡義務。合力維持。所有舊定之軍紀警章。仍當繼續施行。藉以統一政權。保持秩序。倘有不逞之徒。藉端生事。擾亂治安者。定當按法懲治。以維大局。凡各級長官。務當共申此愷。認真約束。勿得稍有疏懈。至于咎戾。

通飭保護外人文

現在共和成立。人民程度日進文明。凡我友邦在華人士。尤宜誠悃相孚。益敦睦誼。以期邦交穩固。共享和平。獲躋世界於大同。保我國民之名譽。值此大局初定。人心浮動。地方秩序。諸待維持。所有旅華各國人民生命財產。應由該地方官及駐紮各軍隊。切實保護。倘有疏虞。該地方文武將吏。均難稍辭其責。本大總統鑒承國民推舉。勉擔義務。所惓惓在抱者。尤以國利民福。輯睦邦交爲重。望各地方長官及各將領轉飭所屬所部。共悉此意。一律遵行。特此布告。

布告赦免刑罰文

國體變遷。首在盪滌繁苛。與民更始。我國民向受專制官吏之弊。失教權罰。政多不平。陷於囹圄。或非其辜。當茲民國初基。正宜剪除舊染。咸與維新。凡自中華民國元年三月初十日以前。我國民不幸而罹於罪者。除真正人命及強盜外。無論輕罪重罪。已發覺未發覺。已結正未結正者。皆除免之。我國民其自納於軌。勿懷茲刑辟。毋蹈非法。以保我同胞之身命。與名譽於無極。

布告軍界文

本大總統自小站創練陸軍以來。先後募兵。近二十年。凡所以待遇我軍人者。無不以誠悃相孚。恩義相結。有功必賞。有勞必錄。有過必教。有罪必懲。秉大公之心。行至信之法。如家人骨肉之相愛。如師長子弟之相規。其在本部下。由士卒擢升統將者。頗不乏人。而各將士等。相從多年。亦皆聽我指揮。遵我約束。且不獨我陸軍爲然。卽我巡防各軍。亦莫不同隸範圍。共遵號令。是以同胞之中。咸重氣誼。薄海之內。蔚起聲名。至於武衛左軍。創始於宋忠勤。飽經戰陣。懋著勤勞。迄今五十餘年。人皆推爲勁旅。此皆無媿本大總統之贅言。亦我各軍同人所自喻。而並堪共喻者也。近數年來。本大總統養疴

家園無志問世。四方多難。迫我出山。督師於餉械兩絀之秋。受任於國事頹危之日。焦思勞慮。心竭力瘁。察大勢之所趨。順羣情之所嚮。始終希望。惟以國利民福爲歸。幸得共和確定。衆志翕然。南北東西各省。滿蒙回藏各族。文電交馳。僉以大總統之任。相屬孫大總統辭職。復薦以自代。參議院正式選舉。全院一致。均以大總統相推。南來歡迎各使。亦無堅持南行之意。統一政府。行將成立。自維薄德。曷足堪此。第念艱鉅投遺。勉擔義務。值此民國初建。締構方新。如我軍界同人。齊力一心。竭誠贊佐。從此太平可致。郵治可臻。非但鄙人受其光榮。實我國民蒙其樂利。前途幸福。自必與我軍人共之。儻其樂禍。幸災。意存破壞。不知大體。徒懷自私自利之心。誤聽浮言。甘爲病國病民之舉。則是作全國之公敵。爲人羣之敗類。非但負本大總統十數年教育之苦心。亦且辜舉國四萬萬同胞之厚望。中外交詬。天下不齒。於爾軍人。又何利焉。萬一因暴動而釀交涉。因內亂而召外釁。大局瓦裂。土字瓜分。目前則血戰橫飛。有化爲沙虫之慘。後顧則神明眚裔。有作人牛馬之悲。爾軍人縱不爲一身計。獨不爲子孫計耶。總之軍人者。亦國民之一分子也。人伍則爲兵。離伍則爲民。兵與民本屬一體。民出餉以養兵。兵輸餉

以衛民兵與民更同休戚。故愛民保民乃軍人之惟一天職。至於服從命令遵守紀律。又凡爲軍人者之第一要義。古今中外莫不同之。能不失軍人之資格。方能不失軍人之名譽。本大總統用是諄切相告。涕泣陳言。願我軍人共體此意。共明斯理。此勸彼勉。念茲在茲。勗哉三思。懷之母忽。此布。

布告各省嚴整軍律文

從來養兵原以衛民。軍餉之所出。莫非民間之所供。若不能保護民人生命財產。難持地方秩序。大失養兵之本意。至軍人名譽。以嚴守紀律爲第一要義。軍隊性質。以服從命令爲第一要義。失此二者。卽失軍人之資格。況今共和成立。尤須軍民同心。共謀前途幸福。今違法之舉。乃先出自軍人。實堪痛恨。應行通飭各軍隊長官及地方官吏。嚴拿犯事各兵。暨附從搶劫之土匪。一律按照軍法從事。此後如再敢滋生事端。擾害商民。除重懲該犯外。並將該管長官一併懲處。決不姑容。以肅軍紀。而彰國法。凜之勿違。此布。

整肅官箴文

傳曰國家之敗由官邪也。官之失德龍賄彰也。近歲以來。賄風熾甚。除授如市。道路駭聞。用者爲人擇官。官者爲紳擇利。政治腐敗。民怨滋深。現民國創興。必須滌蕩穢惡。以正百官。而懲亂本。所有苞苴賄賂。亟應一體禁絕。此後如有嘗試及招搖者。飭所司執法嚴繩。決不寬貸。切切此布。

誥誠百僚文

方今民國初基。政治之原。首在任用賢能。掃除弊蠹。近歲以來。是非倒置。黜陟不公。致鑽營奔走之風大開。謹厚者或貶節。以求全巧滑者益趨炎而忘恥。官方既紊。職守全乖。傾覆之由。多在於此。此等惡習。自應痛加澗滌。務絕根株。爲此通諭百僚。須知凡屬官員。皆係爲民服務。官規具在。莫不負應盡之責任。而無特別之利益。何得存非分之希冀。而作無謂之營求。况佐治需才。果有寸長。奚患淪棄。自今以往。該管長官。毋得以好惡爲取舍。喜怒爲進退。如有此等情事。屬員准其申訴。倘屬員對於長官。再有鑽營奔競情事。必當重於懲戒。以肅官常。維我同官。各宜精白。乃心東身。自愛。毋負本大總統殷殷誥誡之意。此布。

勸誡軍人文

現在政府成立全國統一揆厥原因多由我陸海軍人同心戮力一致進行之功自今以後破壞之局既終建設之事方始所有我陸海軍人熱誠愛國同贊共和自以捍衛國民爲天職蓋民田餉以養兵兵出力以衛民惟軍人有自尊自重之風斯國民有相敬相親之意我軍人櫛風沐雨勞動□□見民間之困苦流離詎不惻然於心引爲己責分爲軍民義猶兄弟將欲維持現狀希望太平必能服從統一命令保持地方秩序以鞏固民國之丕基始垂歷史之榮譽其有違犯紀律擾亂治安或假借名義動搖國體者必與愛國軍人共棄之大本總統生長兵間習知甘苦徒以肇基伊始日昃不遑愧未能躬蒞戎行拊循士卒望傳告各該官長目兵嘉獎慰問並將此意普爲訓勉咸各恪遵

致撤藩屬名稱文

現在五族共和凡蒙藏回疆各地方同爲我中華民國領土則蒙藏回疆各民族卽同爲我中華民國國民自不能如帝政時代再有藩屬名稱此後蒙藏回疆等處自應通

籌規畫。以謀內政之統一。而冀民族之大同。民國政府。於理藩不設專部。原係視蒙藏回疆與內地各省平等。將來各該地方一切政治。俱屬內務行政範圍。現在統一政府業已成立。其理藩部事務。著即歸併內務部接管。其隸於各部之事。仍劃歸各部管理。在地方制度未經劃一規定以前。蒙藏回疆應辦事宜。均各仍照向例辦理。

語誠百官有司文

民國肇建以來。各省政令。猶仍用一時權宜之制。以是籌裕民生。謀復秩序。事非易易。現今統一政府完全成立。凡內外百司。職權所在。責任宜明。所有各省都督軍警長官。及地方官吏。既以保民為專職。即以定亂為考成。使法出不信。令出不遵。則亂日以滋。民日以困。安危存亡。機決於此。自今以往。各機關以次完備。各法令以次察施。不得自為風氣。各顧其私。設有阻撓侵越。致妨大局。是為人民之公敵。即為國法所不容。若復姑息遷延。養癰成患。辜負國民付託之重。其何以對天下。應責成各省都督軍警長官。及地方官吏。宣布斯意。申儆邦人。毋長強禦。毋侮鰥寡。庶幾公道日明。人心相替。民國之基。得以鞏固。本大總統受五大族公同推舉。際此時艱。惟不能稱職。是憂。夙夜軫念。

惟在民生未敢博寬大之美名而贖隱忍之實禍也。

布告各省從速組織省議會文

查臨時省議會爲代表本省人民及監督地方行政之機關至爲重要。迭據各省來電。此項議會尙有未經成立者。殊於進行有礙。此次選舉參議員方法。依約法既由地方自定。若代表地方之機關先未成立。則一切從何著手。現在期限迫促。亟待組成。查各省臨時各議會多由原設諮議局改組而成。該局議員本係地方公民。依法選出。今國體雖更。人民猶是。以固有正當之代表爲暫時繼續之機關。於法於理均無不合。除業經改組各省外。所有未經設立此項議會之省。應各就原設諮議局撤去諮議局之名。改爲臨時省議會。卽以原選議員作爲該會議員。行使其應有之職權。以歸簡易。而免稽延。此項議會既以臨時爲名。本非常設。一俟參議院成立。將常設之省議會組織。及選舉各法議決公布後。再行按照執行。希卽迅速辦理。千萬勿延。

布告國民注重選舉文

世界公權發達之國民。其運用政治之能力愈強。則競爭選舉之熱誠亦愈富。蓋其競

爭心之所由集。即其公共心之所由生。雖急進漸進主義。容有不同。而好爾好風民情。於焉可見。故每經一次選舉。無論競爭之程度如何。要皆以國家爲前提。競爭之手段。如何。要皆以法律爲軌道。斷未有犧牲國家之利益。衝決法律之範圍。而徒爲無意識之競爭。可以得選舉之公平。期政治之發達者也。我中華民國艱難締造以來。將及一年。建設之業。何啻萬端。無一不待正式國會之解決。本大總統前於元年八月。公布國會組織法。及參議院衆議院議員選舉各法。迭經飭由內務總長。督令籌備國會事務局。趕速籌備。並通令各省行政長官。於國會選舉事務。各依法定程序。慎重執行在案。現已初選屆期。據各省呈報。選舉人之總數。每省多者竟達五六百萬。少亦不下數十萬。足見我國民之尊重公權。已非帝政時代之自甘放棄者比。惟查近來各省地方。往往有以競爭選舉。因而激動風潮者。或強奪投票匣。以妨害選舉之進行。或擅毀投票。所以擾亂選舉之秩序。甚或暴行脅迫。種種壞法亂紀之事。日出不窮。究其原因。率由黨派意見之不同。地方觀念之各別。互相攻擊。遂若仇讐。其有因一人私圖。少數私見。起而爲犯法之競爭者。利害雖僅係於一隅。而影響實可及於全體。似此情形。若不嚴

行查辦。誠恐我國民欲藉總選舉以求幸福者。將因總選舉而買奇禍。民國前途之危險。念之。寧不凜然。各省行政長官。身爲監督。既有辦理選舉之責。尤有維持秩序之權。自此次布告以後。如有藉競爭選舉爲名。敢於干犯國家法律者。務須督飭該管官吏。卽時按照刑律妨害選舉各罪。從嚴懲治。無論何人。不得稍涉寬假。至刑律爲國常憲。國民本宜週知。應由各初覆選監督。摘錄刑律第八章。關於妨害選舉之罪各條。揭示於投票所。俾我國民咸曉然於科條所在。不敢嘗試。一面依照選舉法。於投票所開票所周圍。臨時增派警兵。保持秩序。但有違背法令情事。輕則立予制止。重則立加處罰。以維國本。而保公安。總之。國會議員。爲組織國會而設。非一黨派一地方所得而私。我國民既已久處於水深火熱之中。含辛茹苦。以至於今日。而猶不於正式選舉。激發公誠。使得有夙具政治常識。素悉地方利病者。出而爲我新造之國家。多數之人民共謀幸福。徒爲一黨派之勢力。一私人之意見所左右。則我神聖莊嚴之中華民國建設事業。尙何可言。自此次布告以後。我國民於初覆選舉時。務須各於法律範圍以內。行使公權。不得曠事違法之競爭。致阻政治之進步。本大總統亦國民之一。區區愛國之誠。

當爲我五大民族所共諒。現在國會召集。爲期不遠。非僅執符約法定限。遂謂責任已完。本大總統迭次肫肫告誡之苦心。尙望我國民三復教意。此日之注重選舉。將來之共濟艱難。國利民福之前途。實深倚賴焉。特此布告。

豁除五大民族婚姻禁令文

現在國體改定。聯合五族。組織新邦。必宜使畛域。消除情誼日洽。查舊例於漢滿蒙。皆有擅通婚姻之禁令。卽回藏兩族與漢族結婚者亦少。近年屢議豁除舊禁。疏通習俗。或頒布而尙少奉行。或勸告而猶多疑阻。刻下共和伊始。五族一家。若仍於婚姻一節。有此疆彼界之拘。則睽隔殊多。何以免參差。而昭聯合。爲此用勸漢滿蒙回藏五大族。各宜互通婚姻。一以除異同之跡。一以期情誼之孚。其習俗確有窒礙。如纏足等類。均宜亟爲改更。所有五大族士紳耆老。苦口相勸。毅力堅持。作爲楷模。用廣推暨。庶我國民共睹。奮見敦睦新風。行聯合之實。使我五大民族相親相愛。於無極。所有各地方民政各機關。均卽出示勸諭。俾衆周知。益擴胞與之懷。同登熙皞之治。是則本大總統有厚望焉。

通飭軍農保商文

現在國體確定。組織新邦。百務所先。莫急於培元氣。興實業。東南各省。自上年重罹水患。又迫軍興。農商之業。損失已多。困苦流離。言之淚下。現居春令。耕作既貴。得時。絲茶。又將上市。而警耗時。告人心未安。設誤農功。荒商市。則收穫無望。闔閭大傷。富者化爲窮民。貧者流爲餓殍。民不聊生。何以爲國。此本大總統所最痛心者也。應責成各省都督勸諭農民。及時耕種。嚴飭兵警。鎮懾地方。保護市面。使農勤於野。商悅於途。庶秋稔可期。商市漸復。民皆有以贍其生。而殖其產。以共迓幸福於無既。凡有軍民地方之責者。其共體此意。

保護旗人公私財產文

據民族大同會會員劉揆一吳景濂等呈稱。民國肇建。五族一家。旗人公私財產。宜設法保護等語。上年軍興之際。各省旗人公私財產。間被沒收。現在五族共租。已無畛域之分。查關於滿蒙回藏待遇條件內。載明保護其原有私產。又載先籌八旗生計。我中華民國人民。一律平等。方念八旗生計之艱難。豈復有沒收其財產之理。除近來迭據

京外旅人呈報私產被收者已分別飭查外亟應再行通令聲明凡入旗人民私有財產統應按照待遇條件仍爲該本人所保有其公有財產應由地方官及公正紳清查經理以備籌畫八旗生計之用倘有藉端沒收侵害者准由該本人或有關係人按法提起訴訟地方官吏應即分別查覆發還切實保護以示廓然大公之至意

通飭禁種鴉片文

禁烟爲除害救民之要政前經特令內外各長官將從前辦法繼續進行乃聞各省自上年軍興以來禁令廢弛無知愚民往往貪圖近利偷種煙苗若不痛予剷除則毒卉復萌何以導新機而除舊染應責成各省都督無論已報禁絕及未報禁絕省分一律剷切曉諭如再有私種鴉片情事即嚴飭分別犁拔凡我國民尤宜互相懲戒毋得干犯禁網致貽後悔

嚴禁強迫勒捐文

民國建設經緯萬端而財政困難達於極點於是仁人志士思欲合全國之力共相維持遂發起國民捐之議忠義激發可敬可嘉凡具愛國熱心者自必忍痛割愛以謀公

益乃發軔未久。流弊頗滋。間有好事之流。動託美名。陰行逼勒。實爲倡議諸人所不及料。本大總統既受國民委託。愧未能培養元氣。若復聽閭閻驚擾。而不爲之所問。心何以自安。查臨時約法。定有保護人民財產之條。若非自願樂捐。斷無侵犯自由之理。當此凋敝之餘。乃以餉項支絀。貽累民間。撫衷循省。怒焉如搗。爲此申告全國人民。如有強迫勒捐情事。應由各地地方長官。指交司法衙門。各按本律辦理。其卽一律曉諭。俾衆咸知。

布告豁免官員因公虧累欸項文

往者政綱不振。以弊養官。貪猥者每擁厚資。虧累者間多廉吏。非所以勵官常也。軍興以來。各省地方官吏。每因交代短絀。託跡他方。追究雖嚴。措交無幾。其中多財自殖。意存觀望者。固不乏人。而生計維艱。勢成坐困者。亦殊可憫。當此共和底定。宜以仁政爲先。除侵吞有據。仍當分別勒追外。其餘自民國成立之日起。凡從前廉能之吏。實係因公虧累。無欸可措者。應卽由各省都督或民政長。查明概予豁免。以崇寬大。而昭公允。特此布告。

布告閩粵等省保護華僑文

閩粵各省人民。懋遷爲業。轉徙海外者。所在多有。以彼久居殊域。猶復瞻懷祖國。先後來歸。乃地方有司。往往撫綏無方。致情意每多隔閡。前清末造。亦有保護僑民之議。而奉行不善。實效未彰。方今民國肇興。凡屬中華國民。咸得享同等之權利。所有閩粵等省。回國僑民。應責成各該省都督民政長。通飭所屬。認真保護。其有藉端需索。意存侵害者。務當隨時查察。按法嚴懲。俾遠僑民內嚮之誠。益彰民國大同之治。特此布告。

通令國民尊崇倫常文

元年九月二十日

前據南京留守黃興電陳。民國肇造以來。年少輕躁之士。誤認共和真理。以放恣爲自由。以蔑倫爲幸福。綱紀廢喪。流弊無窮。請講明孝弟忠信禮義廉恥。以提倡天下挽回。薄俗等情。仁人之言。聞之感喟。本大總統深惟中華立國。以孝弟忠信禮義廉恥爲人道之大經。政體雖更。民彝無改。蓋共和國體。惟不以國家爲一姓之私產。而公諸全體之國民。至於人倫道德之原。初無歧異。古人以上恩利民。朋友善道爲忠。原非局於君臣之際。自餘七德。雖廣狹有殊。而人羣大紀。包舉無遺。自頃以來。人心浮動。於東西各

國科學之精微。未能通曉。而先醉心於物質文明。以破個人道德。緣飾哲學。比附名詞。厚誣彼賢。私遂己過。抑知立國各有本末。豈能舉吾國數十年之嘉言懿行。一掃而空。前述八德。百姓與能。乃妄者以爲不便於己。棄如弁髦。造作莠言。誤人子弟。幾欲化全國人民。爲不孝不弟不忠不信。無禮無義無廉無恥而後快。孟子有言。去人倫無君子。率獸食人。人將相食。若任其自然。不爲別白。則五季之蕩。無法紀。復見於今。必爲人類所不容。環球所共棄。言念及此。憂心如焚。爲此申明誥誡。須知家庭倫理。國家倫理。社會倫理。凡屬文明之國。靡不殊塗同歸。此八德者。乃人羣秩序之常。非帝王專制之規也。當此存亡絕續之際。固不必墨守舊說。拘拘於一家之言。亦豈可侵軼範圍。毀冠裳而隨鱗介。惟願全國人民。恪循禮法。共濟時艱。其或倡作詖詞。引人入阱。國有常刑。豈能寬縱。本大總統痛時局之阡危。悚紀綱之廢弛。每念今日大患。尙不在國勢而在人心。苟人心有向善之機。即國本有底安之望。凡我邦人父兄子弟。敬而聽之。此令。

通飭嚴禁秘密結社文 元年九月二十九日

結社集會之自由。載在約法。凡我國民權利。但使無妨公益。無害治安。自不能強爲限

制。惟自由應由法律爲範圍。現在破壞已終。建設伊始。我國民之組織政事。結社。政談。集會。以及關於公事之結社。集會者。既係爲改良政治。合謀公益起見。是有正當之自由。應受約法之保障。若易公開爲秘密。陽假結社集會之美名。陰爲藏垢納污之淵藪。國法具在。豈便姑容。查近日沿江海各地方。尙有巧立會社種種名目。一切組織。均取秘密。既無宗旨。又無政綱。惟日以號召黨徒爲事。若輩假託名詞。當緣誤解自由所教。殊不知約法上之自由。惟書信乃能秘密。其餘權利。無一非與國民以共見。是以東西立憲各國。無論自由程度如何。而對秘密社會。莫不各有限制之法條。我國國體甫更。人心未定。此等秘密之集會。結社。若不先事預防。小之則流毒社會。大之且危及國家。應由各省都督民政長。督飭軍警。嚴行查訪。各該地方如有秘密組織。意圖聚眾騷擾者。不問是何名稱。均卽按照刑律。命令解散。自經解散以後。倘再秘密組織。意圖聚眾騷擾。甚或有陰謀內亂及妨害秩序各情事。則刑律均列有專章。儘可隨時逮捕。按法懲辦。一面令行各該地方官。振興實業。並謀普及教育。以爲安插游民。改良社會之資。務使業經解散之會黨。人人足以謀生。各該官吏。方稱盡職。本大總統以愛國爲心。斷

不能任艱難締造之共和。轉爲巨猾奸所敗壞。各該都督民政長亦須共念大同之危迫。實力奉行。語曰涓涓不塞。將成江河。幸各都督民政長三復斯言也。此令。

嚴禁種植販賣吸食鴉片文

元年十月二十八日

鴉片之害。至爲劇烈。損人神志。害人生命。耗人財產。不可紀極。而種煙之處。吸食尤易。竟致老幼男女。皆染此習。易嘉禾以蠹賊。視毒品爲良劑。馴致穀麥日少。游惰日繁。災浸猝遘。餓殍滿野。丁口減少。市井爲墟。竟將召滅國滅種之禍。此必宜禁絕者也。現行刑律。于製造販賣收藏栽種者。均訂有罪名專條。所以芟除害本。防遏流毒者。至爲周密。自上年以來。各省秩序。多未十分還復。有司未暇注意于此。風聞向來以此爲業者。間或故態復萌。冀牟厚利。外召譏議。內長貧弱。此害不去。國何由振。應再由民政各機關。嚴切出示。曉諭國民。力除痼習。吸者立即戒除。販者分別停歇。尤要者。現在時令正當。從前煙苗下種之期。切宜勸令相地所宜。種植他項農產。萬勿輕棄工本。植茲毒卉。如有違抗者。一經發覺。均照律治罪。決不寬貸。官員故縱者。一併分別重懲。按律懲治。總期沈痼悉蠲。生機日裕。以邀共和之幸福。此令。

通飭解散秘密結社集會文

元年十一月初九日

前因各項秘密結會多有妨害秩序危及國家情事業令各都督各民政長分別解散及按法懲辦在案近聞各省秘密結會之風仍未稍戢名目繁多宗旨毫無併有驅取重資設會結黨以圖暗殺破壞大局者現在局勢甫定人心未定凡我國民均應聯合一致謀新治之進行期國基之鞏固方為正辦且查秘密各會結集之初多出明代遺老痛憤神州陸沉迫而為此今民國告成五族聯合皆如一家一人若再圖同室操戈豈非自相殘害以速滅亡禍及全國甘為罪魁此而不懲何以立國應再由該都督等飭所屬民政各機關剴切出示設法勸諭凡以前秘密結會如能知悔自首解散者均准予不咎既往其有願改組社會者但能不背法律不擾公安自應在保護之列我國民其共維邦本毋蹈匪彝以承共和幸福於無極特此布告

飭令宣布優待蒙回藏條件文

元年十一月二十三日

現在聯合五族組織新邦務在體貼民情敷宣德化使我五族共享共和之福前據綏遠城將軍張紹曾電呈烏蘭察布盟扎薩克等來文以共和為擾害蒙古拋棄佛教破

壞游牧。請民國內務部。嗣後關於飭令。遵行新政。異怪各事件。暫行停止等語。查優待蒙回藏民族條件第七條。蒙回藏原有之宗教。聽其信仰。是宗教申明信仰。何有拋棄之事。第二條保護原有私產。是產業申明保護。何有破壞游牧之事。又參議院議決公布待遇蒙古條例第一條。中央對於蒙古行政機關。不用殖民等字樣。第二條各蒙古王公原有之管轄治理權。一律照舊。是皆重在維持蒙古原有權利。何有擾害之事。又原電該盟呈內。指銷除藩屬名稱。為混亂蒙人種族一節。查宣布共和。迭經申明。聯合漢滿蒙回藏五大族。為中華民國名。為蒙族。何得謾為混亂。至不用理藩字樣者。所以進為平等。免致待遇偏畸。中央刻又復封達賴振興黃教。各呼圖克圖來京及助順者。均加進封號。優予禮賚。蒙回王公之贊同共和者。亦併優進爵秩。民國優待蒙回藏各族崇重宗教。實有確徵。無非欲同我太平安生樂業。惟該盟原呈。既多有誤會。自應趕為宣播。以釋羣疑。即由國務院將優待蒙回藏各族條件。待遇蒙古條例。及復封達賴禮賚各呼圖克圖優進各王公爵秩等公布命令。譯成各體合璧文字。刊刻頒發。各旗各城。榜示曉諭。俾衆周知。此令。

通飭各地方官統一名稱令文

元年十一月二十六日

民國成立以來。各省府廳州縣。分職設官。率皆自爲風氣。或早改從知事之新名。或尙沿襲牧令之舊制。同此一國。而官吏名稱。乃竟歧出若此。其何以示統一而策進行。現在地方官制。制定需時。自宜體察各省情形。暫行畫一辦法。查知事一官。沿江沿海各地方。多有成例。應令各省參照。覆選區表所列各初選區。將所屬各縣。及凡府直隸廳州之有直轄地方者。所有長官官名。一律先行改爲知事。一應管轄區域。暨辦事權限。悉依現制辦理。其未裁道及無直轄地方之府。各省分該道府官名。均暫仍舊。一俟地方官制公布施行後。再行分別遵照。至各省行政長官以下。現設各司。南北不同。尤非整齊之制。應由各該都督民政長。限於令到十日內。迅將該省現設若干司。連同其他直轄官署局所。現行名稱。分別電呈。以憑核辦。此令。

令各省民政長整頓吏治文

元年十一月二十六日

共和國家。非有極良之政治。則人民幸福。亦屬空談。本大總統受職以來。於中央之統一地方之秩序。夙夜兢兢。各都督民政長。身任地方。當亦同以國民福利爲前提。乃政

府成立半載有餘。起而環顧吾民生計。竟日趨於困窮。元氣遂日淪於凋敝。寇讎者不絕於道。流亡者莫安其居。火熱水深。羣生弗遂。此種現象。念之心恫。本大總統推原禍始。則吏治不修。法度不立。實爲地方政治腐敗之原。蓋惟吏治不修。則任用非材。而與者或以官爲市。法度不立。則考成失實。而受者愈以利爲緣。馴至催科弭盜。視爲具文。溺職爭權。漫無督責。長民之吏。適以厲民。若不責成各省行政長官。立予更始。誠恐民怨所集。隱患不可勝言。現在各項官制。官規。制定議決。均尙需時。倘再因循坐待。恐吾民之疾苦愈深。將來之補救愈晚。特此通令各省都督民政長。嗣後任用府廳州縣各知事。務當慎擇賢能。分別保薦。其資格標準。悉以夙有政治經驗及政治學識者爲限。至現任各官政府業已另定甄別辦法。應由該管都督民政長。先自現任各府廳州縣知事起。一律嚴加考核。如果現任人員。毫無學識經驗。而服官後又一無成績者。卽行撤任。無論何人。不得率以有功民國爲詞。稍涉瞻徇。其才能勝任之員。亦不得以本籍外籍定其去留。但有政績可指者。准由各該都督民政長。列其事實。隨時呈報。本大總統必量加優獎。以勵賢勞。此外佐治各員。本爲輔助行政而設。亦應留賢汰冗。以肅官

常至於任免職員。按照約法。爲本大總統特權。迄民國初建。以至於今。在任府廳州縣地方各長官。尙多未及任命者。似此擁官吏之職權。而不具任命之形式。實非統一國家所宜。應由各省都督民政長。於此次遵令考核後。除佐治各員。准其就近核辦外。迅將勝任知事各員。開具詳細履歷。並分別加具切實考語。彙案呈由國務院。呈請本大總統補行任命。以後如有調任之員。均應依此程序分別辦理。惟是地方長官。責任既重。事權宜專。凡經呈請任命各員。但能勉負責任。恪守職權。法律自必予以保障。不使之有患得患失之心。庶居官者人人能盡其材。則在野者人人可蒙其福。共和之治。此其權輿。各都督民政長。忠於謀國。諒有同情。須知澄叙官方。卽所以盡心民瘼。幸其力圖進行。勉旃毋忽。此令。

令各省行政長官不得逾越範圍文
元年十一月二十六日

官制官規。應由本大總統制定。參議院議決。約法專條具在。無論各省行政長官。及地方議會。均不得稍逾範圍。昨據國務院呈。據直隸都督馮國璋呈稱。現經酌擬考試府廳州縣官。暫行辦法。咨送順直臨時省議會開會公決。爰將前經議決。任免簡章。酌量

加入並略爲修改。定爲辦法十七條。准咨錄請核覆等語。查考試官吏辦法。係屬官規性質。既非該都督所應提議。亦非該督議會所應議決。此等顯違約法之案。若不立予撤銷。設或各省相率效尤。則國家統治大權。勢將旁落。現既外患內憂之變迫。正以振綱飭紀爲要圖。長此政令紛歧。試問何以爲國。况任免職員。爲本大總統約法上特權之一。該議會竟將任免簡章。率行加入。是中央議會所不能自行提案者。而地方議會轉得因以爲伸張權限之謀。弁髦約法。莫此爲甚。應飭將該議案作廢。以一政權。惟細核所呈考試府廳州縣各辦法。尙出於整頓吏治之苦心。本大總統前已制定文官考試任用各法案。提交參議院。不日即將議決。一俟公布施行。該都督該議會所欲藉以爲澄叙官方之具者。屆時不患無所遵循。在各項官規未公布施行以前。所有府廳州縣以上各官吏。應責成各省行政長官。依照現行法令認真考核。隨時分別呈由本大總統任免。俾策進行。其現行法令之關於官制官規事件。如須改定辦法。均應呈明本大總統核辦。應咨參議院議決者。本大總統自當按照約法。分別交院。各該都督民政長。不得率向省議會提議。以符約法。而杜糾紛。此令。

通令嚴懲倡言二次革命黨徒文

元年十一月二十六日

自政府成立。五族一家。溥海人心。傾向共和。實爲千載一時之會。乃有不軌之徒。藉端煽惑。意在搖動民國。擾亂治安。以重生靈之禍。幸人心厭亂。迭經先事破獲。不致危及地方。本大總統深維國勢之艱難。不忍見五族人民罹於塗炭。所望共爲良善。鞏我邦基。若任少數凶徒。隱謀蠢動。養癰成患。本大總統何以對我人民。近據廣東都督胡漢民電稱。各省立心不正之徒。每以二次革命爲口實。若不嚴誅一二。將何以遏止亂萌。請諭知各省。現在國本已定。如有倡言革命者。政府定予嚴辦。俾奸人知所歛迹等語。指陳剴切。洵爲弭亂要圖。著各省都督民政長嚴飭所屬。凡有倡言革命。敢爲國民公敵者。查有實據。卽行按法嚴懲。以寒匪膽。而順民情。斷不能徇煦煦之仁。以貽民國前途之隱患也。此令。

誥誡軍人訓令

元年十二月二十六日

粵我中華民國。位於亞洲中部。文化之興。遠自隆古。溯黃帝開基。戰勝蚩尤。首以兵力。奠茲中土。迄今共和成立。四千六百有餘年。其間國勢迭更。兵制屢變。三代盛時。司馬

總戎田賦出卒。寓兵於農。法良意美。弊在封建衆多。權失統一。秦改郡縣。廢井田。兵農始分。徵變爲募。漢唐初制。尙稱近古。沿及宋明。積成文弱。兵事非所樂聞。武人多不識字。重文輕武。遂爲積習。兵學不昌。爲日久矣。願爾時用兵。不逾東甌。鹿逐中原。楚弓楚得。雖內備稍弛。未足爲虞。西力東漸。世變日急。以我脆弱。當人精強。並無正當防衛之方。惟有張脈憤興之氣。割地賠款。爲國大辱。於是改練新軍。與學講武。愛國志士。發憤爲雄。卒起義師。革除專制。不數月間。合漢滿蒙回藏成一民國。增歷史之光榮。闢亞洲之奇局。非軍人之力不及此。本大總統有統率陸海軍之責。取軍國民制度。以定官制。冀去文弱之舊。而躋強盛之城。我軍人當念締造艱難。同心戮力。以復我國權。漸我國恥。本大總統受五族付托之重任。軍人對於本大總統。有服從之義務。休戚相關。榮辱與共。軍人乎。國之爪牙。責在禦侮。我璀璨之河山。莊嚴之境土。神明肯齋。生斯長斯。自前古以迄今茲。何莫非國民鐵血之所鑄鑄。擐甲枕戈。發揚奮厲。鞏我民國之丕基。而遠紹我黃帝之武畧。名譽之美。永垂無窮。本大總統在任時。願達其盛。離任時。亦樂享其成。我軍人其深體此意。所有應加訓諭之件如左。

一軍人宜愛國家也。中華民國。以鐵血成之。必以鐵血保之。軍人以身許國。視死如歸。尊重國體。保衛國權。不惑於浮言。不牽於政治。熱心從事。舍命不渝。毋出位以侵權。毋忘分而曠職。毋逞忿以輕生。毋苟全以惜死。軍人其念諸。

一軍人宜正禮儀也。禮以致敬。儀以成之。所以示別。所以表親。階級不同。無別則亂。出入爲伍。不覲則離。服務之時。加以威嚴。不爲刻。公餘之暇。聯以情意。不爲私。禮儀不正。貌離情疏。雖有技能。道同鳥合。軍人其念諸。

一軍人宜尚武勇也。無雄健之力。不足言武。無充足之氣。不足言勇。沈毅剛果。不避艱險。奮發精神。前無勁敵。怯於私鬥。奮於公戰。勿庸莽以儆事。勿粗暴以啓爭。勿以拔山之力。等於匹夫。勿以蓋世之氣。儕於堅子。軍人其念諸。

一軍人宜重信義也。語云。人而無信。不知其可。又云。義以爲質。信以成之。矧在軍人。云爲動作。關於成敗。一時失信。則時時可疑。一事不義。則事事難倚。勿欺人以自欺。由不爲達。有爲。甯慮謹。毋詐虞。甯迂拘。毋放恣。軍人其念諸。

一軍人宜崇質樸也。好務外者。中必無有。求悅人者。已先自輕。浮華爲貪污之媒。侈

麗卽文弱之漸。歲費億萬。養成驕子。國家有事。將安用之。况吾儕來自田間。終歸鄉里。踵事增華。何以自給。儉爲美德。誠者天道。身體而力行之。軍人其念諸。

一軍人宜知廉恥也。淡泊爲高。惟廉乃恥。羞惡未泯。惟恥乃廉。分外之權利。絲毫不苟取。應盡之義務。纖介不苟遺。輕私惠。重公憤。砥廉礪隅。明恥效戰。養成高尚之性質。勉爲愧奮之精神。軍人其念諸。

誥誠軍人訓條

元年十二月二十六日

中華民國。雖改元於二十世紀。實創始於五千年前。首闢鴻蒙。開化最早。英豪代作。賢聖相承。黎庶衆多。物產饒富。大好河山。實賴數千年間神聖軍人保護維持之功。繼自今億萬斯年。永永無窮。仍惟軍人是賴。必也能堅信用。增榮譽。具超拔之性質。有純潔之精神。始足拱衛國家。雄飛寰宇。茲特布告訓條。用示圭臬。吾軍人其共懷之。

第一條 本忠誠。守信義。不容有虛僞矯詐之行爲。

第二條 正禮貌。肅威儀。不容有褻蕩慢放之行爲。

第三條 修道德。崇樸素。不容有紛華侈麗之行爲。

- 第四條 敵長官。睦同儕。不容有倨傲粗暴之行爲。
- 第五條 重服從。明退讓。不容有抵抗誇張之行爲。
- 第六條 愛名譽。勵廉恥。不容有污辱貪鄙之行爲。
- 第七條 耐勞苦。盡職分。不容有推諉敷衍之行爲。
- 第八條 奮事功。競進步。不容有萎靡柔懦之行爲。
- 第九條 急公益。端志趣。不容有營私結黨之行爲。
- 第十條 尊人道。重公德。不容有殘忍擾害之行爲。

以上所揭。實軍人不易之法守。亦軍人應有之精神。吾等軍人宜各珍重寶愛。拳拳服膺。倘違此旨。不啻自放其法守。自滅其精神。何以對前人。何以示來者。况陸軍刑法懲罰令。條例綦嚴。出此範圍。必將陷入刑網。得罪民國。辱及家聲。甚且剝奪天賦之公權。喪失平等之勢力。小則辱及一身。大則累累子孫。尙何面目立於四萬萬同胞之羣乎。善惡榮辱。皆所自取。何去何從。吾軍人其慎之哉。

飭令軍人服從命令文

軍人以衛國保民爲天職。即以服從命令爲天性。古今中外。咸同此義。凡上級軍官之命令。俱有絕對服從之義務。不明此理。則喪失其當然之人格。不啻戕賊其固有之天性。天怒人怨。爲五洲萬國所唾罵。辱莫大焉。將恃此毫無紀律之軍人。以衛國保民。豈不可危可痛。自軍興以後。四民失業。播散流離。所仰賴於軍人者。實任何等重大。若不能恢復秩序。除暴鋤強。無論內閣天良。固多悚歎。卽以一身利害而論。軍人同是國民。而衣食所需。又無非同胞担負。試思誰無家室。誰無子弟。被人滋擾。情何以堪。設身處地。能無痛恨。且軍人不守紀律。必至牽動大局。圖一時之放恣。忘國勢之阡危。國之存。身於何有。追原禍首。孰執其咎。故欲保國衛民。必先服從命令。使全國軍隊。如一身之使臂。臂之使指。萬目一的。萬衆一心。起國民愛敬之感情。卽貽己身以無窮之福利。本大總統。素以衛國保民爲宗旨。而軍人之能否衛國保民。卽視其能否服從命令。深望我軍人。以本大總統之心爲心。視國民之苦樂。與軍人之苦樂爲一體。乃能保全榮譽。鞏固國基。是用三令五申。不憚諄諄告誡。各該將領。其傳知此意。俾各凜遵。此令。

飭令各省弭盜安民文

安民之事。弭盜爲先。迭據各省探報。尙有多數地方。盜賊橫行。民不安枕。吾輩同爲公僕。退卽國民。詰暴無方。當知慚慙。設身處地。其何以堪。自軍興以來。遇有警盜。率以兵力從事。或分軍駐守。此係一時不得已之辦法。終不足正本清源。凡駐兵之區。逃吳在所不免。一經流落。與匪爲伍。軍兵之親族。往省而無賞。回籍者及投效而不得入伍者。皆易流而爲匪。而生匪之路甚多。各地方警察。俱未完備。團防更爲脆弱。全在慎擇強幹之地方官。准其招募土著小隊。量其煩簡。酌配數十名。購覓眼線。實以捕擊。遇有零星匪徒。立卽掩獲嚴辦。使其不得結成大股。蓋大股匪徒。斷非一朝一夕之故。率由地方官隱忍畏葸。釀爲厲階。必須加以懲處。再用兵力剿辦。迨其既散。仍責成地方官清理搜索。以絕根株。一面妥籌教養。使得各謀生計。庶盜風可以稍息。凡著名盜藪之邑。應不具成見。遶用年力精強官吏。斷不可徇私姑息。使數十萬生靈。受其隱禍。一家哭。何如一路哭。民之利害。懸於縣官一身。總之用人者。時時視民如傷。見有害於民者。如鷹鷂之逐鳥雀。而後本固邦寧。本大總統謬承付託。每聞民間疾苦。寢饋難安。惟望各省都督民政長。善體此意。求真能愛民之官。痛治盜匪。以安良懦。庶可答國民期望之

意。而秩序亦以保持焉。此令。

飭令各省整理財政文

民國建設。以財政之整理與否。爲存亡生死惟一問題。自政府統一以來。各省秩序。尙未恢復。軍隊林立。需餉不資。應解中央之賠款借款。京餉。爲數寥寥。而重要地方。與瘠苦省份。須有中央接濟。已逾八月。財政困難。左支右絀。六國借款。又有監督財政。管理鹽務等條件。揆情度理。萬難允從。現在倫敦借款。雖已議定。而對待之銀行多抵制。能否實行交款。尙無把握。昨據使館。開具索償帳單。除以海關入稅抵償外。尙找還庚子賠款。算至本年十二月。計三百七十五萬磅。明年八月。計一百十餘萬磅。比國借款。明年三月到期。計一百二十五萬磅。六國墊款。明年六月到期。計一百八十萬磅。整理財政借款。本年十月到期。計四十萬磅。政府擔保。各省借款。計四十萬磅。雜項借款。計一百萬磅。共計至明年六月。總數約計一千萬磅之多。年內應付還五百餘萬磅。倘愆期不付。將要求更甚於前。大局恐不可收拾。中央本特外費爲來源。若專以借款爲生。斷非長局。現在政府支出之款。如前清皇室優待經費。入旗糧餉。及直隸中央之海陸軍餉。

中央政府行政費。雖竭力收縮。每月尙在四百萬左右。而接濟各省。尙不在內。况舊債積欠過鉅。及期弗償。失信外人。恐啟分裂之禍。夙夜焦慮。殆難爲懷。各省艱窘情形。政府亦所洞悉。豈忍專事剝削。但長此逋負纍纍。如不急起自圖。何以立國。各省官民。與政府誼同一體。愛國心長。斷不忍使國家步埃及之後塵。必能同心協力。勞怨不辭。以整理財政。爲目前救亡之第一義。查各省財政不足之故。或因軍隊太多。耗餉無算。或因盜賊充斥。民不聊生。故輸納租稅。遠遜舊時。或因州縣長吏。鮮治事之才。財政收入。因之滯塞。致應解各款。不能履行。譬諸人身。血脉停滯。麻木不仁。將成危症。各省都督深明時局。憂國憂民。望熟權輕重。於裁兵、治盜、慎擇良吏三者。迅速進行。及時開源節流。整理財政。以收全國流通之效果。凡關於財政部國稅統一之法令。官民務協力贊成。勿因已見。而生畛域。蓋主腦既虛。卽百體難以獨存。凡我四萬萬人。利害切生。同其休戚。本大總統。既受國民付託。惟知以救國爲前提。值此存亡關鍵。何敢隱忍貽誤。用是諄諄警告。俾各剴切誥誡所轄官民。慄然猛省。亟圖補救。共扶阨危。此令。

通飭各省組織畫一行政官廳文

二年一月八日

利國福民。首在改良政治。而改良政治之樞紐，繫於法律之良窳與官制之得失。自統一政府成立以來。雖中央官制業已公布施行。而地方官廳。尙多各爲風氣。誠以共和宣布。其時政府計畫。惟注重於軍事財政外交諸大端。對於各省地方。亦祇以回復秩序爲急。故官廳之如何組織。不暇一一深求。究非整齊畫一之道。就目前現象而論。各省同此一司。而南北之名稱互異。同爲一長。而彼此之權限各殊。至於道府並存。府縣相轄。則尤沿襲前清之弊政。大戾改革之初心。此外特別官廳。警察官署。系統既不明。編制復多歧出。以致紀綱愈墜。政令愈疲。官治愈勢。民生愈悴。本大總統慨念時艱。疚心無已。迭經飭據國務會議。僉以地方制度。固爲民國百年之遠謨。而現行機關。宜有暫時畫一之辦法。是以本大總統決定方針。特就各該地方現行官廳。先從畫一組織入手。所有現設各省各道各縣以及特別行政。並警察行政各官廳。於其各本官制未公布以前。均應悉依各本令辦理。爲此通令京外各官廳。凡現行各項官廳組織。有與各本令所定畫一辦法不符者。均須分別遵照改定。一面爲整齊現制之圖。卽一面爲施行新制之備。至地方制度。其關係於國家之強弱。與國民之休戚者。非常重大。究

應採取如何主義。始可得國利民福之精神。政府提案。業已至於再三。現正從長修正。不厭求詳。一俟參議院決議。再行公布施行。各該長官當念國體驟更。物力不易。行政所需費用。悉出國民脂膏。組織能早一日就緒。即地方可少一分更張。我國民亦可稍輕一重擔負。此次各令公布後。務各力任其難。按照政府計畫。以民國二年三月以前爲限。一律辦齊。以慰國民喁喁望治之心。共和建設。來日方長。曰爲改歲。勗哉勗哉。此令。

通令各省宣布文官任免執行令文

二年一月九日

國家設官分職。原所以保衛民生。任免之途。即應以法令爲衡。力彰公道。本大總統前經將關於官規之文官考試任用。及懲戒保障各法案。按照約法制定。先後提交參議院。咨請議決在案。各項法案。關繫重要。自非一時所能議決。惟民國成立以來。地方行政機關。率皆改組。用人行政。既無共貫同條之制。遂有此疆彼界之嫌。甚且任免自由。各爲風氣。蕭艾雜進。吏治不修。破壞之餘。難期建設。此任用無法之失也。至於賞罰不明。人懷僥倖。名譽既所不惜。率以踰閑蕩檢爲自由。政事尤所不諳。日以罔利營私爲

慣技。遂致巧宦者。圖一時利祿之計。賢者存五日京兆之心。百事悉從委徇。上下務爲姑息。揚清激濁。受受其難。此又懲戒及保障二者無法之失也。本大總統深鑒於此。前經特頒訓令。責成各省行政長官。將所有現任人員。分別嚴加考核。願無依據之明文。斯愛憎得行於察典。欲臻上理。其道莫由。茲特制定關於文官任免執行令。聲明以上各項法案。未經正式公布以前。所有文官任用懲戒保障各事宜。暫行適用各該草案辦理。一俟參議院議決後。再行公布施行。爲此通令中央地方各該行政長官。自關於文官任免執行令公布之日起。嗣後薦任以上文官。無論何省。有未呈請本大總統任命者。速行依照各該草案所定資格。分別呈請任命。凡未經呈請任命之員。卽不得受相當之保障。其餘懲戒事件。既有一定範圍。亦應切實舉行。以肅官紀。各該長官。務宜力謀行政之統一。共濟時局之艱難。本大總統有厚望焉。此令。

通令整飭官常文

一月十三日

民國成立。瞬逾一年。百度更張。日不暇給。深維禮教之不修。法律之未備。對於從前秕政未能一一廓清。本大總統深爲負疚。願提綱挈領。以整頓吏治爲最先。正本清源。以

旌別人才爲尤急。國家之敗。由於官邪。將欲慎選賢能。必須嚴懲貪蠹。自吏道墮壞。賄賂公行。剝民脂膏。以官爲市。社會不平之氣。鬱久必洩。故人人以改革爲方針。今政體既已變更。斷不容蠅營狗苟之惡風。稍留萌孽。况平民政治。官吏所受俸給。不啻雇傭之對於主人。此外妄取絲毫。卽干重典。現行刑律。官員於其職務。要求賄賂。或期約或取受者。處三等至五等有期徒刑。因而爲不正之行爲。或不爲相當之行爲者。處一等至三等有期徒刑。懲罰不爲不重。用特申儆京外有職人員。如有容受賄賂。一經發覺。立卽按律懲治。其各洗心滌慮。謹爾官常。倘或簠簋不飭。失德昭彰。決不能稍予寬容。致爲民國前途之汙點也。此令。

令湖北民政長查拏裘平治文

三月十九日

共和爲最良之國體。治平之極軌。中國共和學說。醞釀於數千年前。祇以歷伏於專制之威。未能顯著。近數十年來。志士奔呼。灌輸全國。故義師一舉。遂收響應之功。洵爲歷史之光榮。環球所敬嘆。本大總統。受國民付託之重。就職宣誓。深願竭其能力。發揚共和之精神。滌蕩專制之穢瑕。永不使帝制再見於中國。皇天后土。實聞此言。乃竟有湖

北商民裘平治等呈稱總統尊嚴。不若君主。長官命令。等於弁髦。國會成立在即。正式選舉。關係匪輕。萬一不慎。全國糜爛。共和幸福。不如亡國奴隸。曷若暫改帝國立憲。緩圖共和等語。謬妄至此。閱之駭然。本大總統受任以來。自維德薄能鮮。夙夜兢兢。所以爲國民策治安求幸福者。心餘力絀。引爲愧疚。而凡所設施。要以國家爲前題。合共和之原則。當爲全國人民所共信。不意化日光天之下。竟有此等鬼域行爲。若非喪心病狂。意存嘗試。卽是受人指使。志在煽惑。如務爲寬大。置不深究。恐邪說流傳。混淆觀聽。極其流毒。足以敗壞共和。謀叛民國。何以對起義之諸人。死事之先烈。何以告退位之清室。贊成之友邦。輿言及此。憂憤填膺。所有呈內列名之裘平治等。著湖北民政長。嚴行查拿。按律懲治。以爲猖狂恣肆。干冒不韙者戒。此令。

飭令粵省軍官維持大局文

三月二十一日

廣東開通最早。夙稱富饒。民情勤樸。尤長貿易。乃光復以後。商賈凋敝。老幼流離。富者以港澳爲樂郊。貧者爲荏苒所魚肉。未享共和之幸福。先遭特別之奇災。卽使生聚十年。尙未知能否復回元氣。本大總統猥以涼德。謬膺付託。一念及此。悲愧交深。幸賴我

廣東軍界同人。皆明大義。共矢服從。尤以保衛居民綏靖地方爲天職。人民賴以獲全者。實居多數。本大總統實所嘉慰。都督胡漢民。治粵經年。軍民情誼。迄未融洽。但其才長肆應。諳於外交。是以寄以使命。陳炯明篤實明達。頗得軍心。是以任爲都督。該師長等向以鞏固統一。服從命令爲宗旨。當此新舊交替之際。務宜各負責任。恪盡職守。督飭所部。維持秩序。保護地方。使全省人民桴鼓不驚。安居樂業。總之人民多一分幸福。本大總統卽減一分罪戾。該師長卽大張曉諭。俾地方父老子弟咸喻此意。並轉知防營各將領。一體遵照。不得稍有驚擾。以副本大總統戡暴安良之至意。切切此令。

通令嚴捕圖謀內亂黨徒文

五月三日

民國肇始。伊始推翻帝制。締造新邦。當義師之興。未遑悉加裁制。遂使依草附木者。假借名義。魚肉良民。致羸穉轉於溝壑。丁壯膏乎鋒鏑。瘡痍滿目。海內騷然。一年以來。秩序雖漸甯謐。元氣迄未昭蘇。本大總統受國民付託之重。不肯張皇武力塗炭生靈。遇有陰謀破壞者。亦不惜曲予優容。冀其悔悟。誠以時局顛危。至斯已極。財力枯竭。民不聊生。道途怨恚。羣情惶惑。怯弱者莫不僑寄租界。託生命財產於外人。甘受取締。視爲

固然。失業貧民。所在皆是。此等現象。言之痛心。即使舉國一心。日謀生聚。安居樂業。未卜何時。若再蠟螬沸羹。內訌無已。即不敢分割之機。亦必使國民罹兵火之劫。是以五夜焦思。椎心泣血。忍辱負詬。委曲求全。現在國會開幕。行將選舉正式大總統。方期繼起之賢。艱難宏濟。拯生民於水火。措全國於乂安。本大總統藉得與四萬萬人民同享幸福。區區此心。當爲天下所共諒。乃近閱上海四月二十九日路透電。稱有人在滬運動第二次革命。諄勸商家助捐餉餉。反對中央。又英文大陸報。稱上海有人運動滬甯鐵路。預備運兵赴甯各等語。披閱之餘。殊堪駭怪。雖西報登載。風聞不必實有其事。而既有此等傳說。豈容坐視亂萌。用特明切宣示。昭告國民。須知總統向稱公僕。與子孫帝王萬世之業。勞逸迥殊。但使衆望允孚。即能被選。何用藉端發難。苦我生靈。倘如西報所言。奸人乘此煽亂。釀成暴動。則是擾亂和平。破壞民國。甘冒天下之不韙。本大總統一日在任。即有捍衛疆土保護人民之責。惟有除暴安良。執法不貸。爲此令行各省都督民政長。轉令各地方長官。遇有不逞之徒。潛謀內亂。歛財聚衆。確有實據。立予逮捕嚴究。其有無知愚民。或被人誘脅。或轉相驚擾者。一併婉爲開導。毋得稍涉株連。將

此通令知之。此令。

通令各省維持治安文 五月三日

共和國。以道德為基礎。以法律為範圍。就司法方面言之。非推究全案本末。又經法庭公開者。不得輕加論斷。就行政方面言之。非考求此事原委。實與法律違反者。不宜信口雌黃。覬國者。將以此卜人民程度之隆污。不可不慎。近日迭接各處電文。語極離奇。淆人耳目。一為前農林總長宋教仁被刺案。因洪述祖與應夔丞往來函件。影射國務總理趙秉鈞。一為五國借款告成。誤認為議院未經通過。並疑及監督財政。市虎杯蛇。深堪駭異。宋教仁被刺一案。業經趙秉鈞通告說明。五國借款一案。亦由財政總長詳細宣布。閱者酌理準情。當能瞭然於兩事之真相。乃有不問是非。不顧虛實。竟將立法行政司法各機關。一筆抹倒。憑個人之成見。強舉世以盲從。直欲釀成絕大風潮。以遂其傾覆政府擾亂大局之計。豈共和國。固當如是耶。雖或一時狂熱。事出無心。或本擬維持。受人挾制。其情不無可原。然而宵小生心。民情震懼。友邦騰笑。商業觀望。非細故也。為此通令各省都督民政長。通行曉諭。須知刑事案件。應俟司法機關判決。外

債事件。確經前參議院贊同。豈容散布浮言。坐貽實禍。本大總統有維持治安之責。何敢坐視擾攘。致無以對我國民也。此令。

通飭軍警遵守紀律文 五月七日

軍人以保衛疆土。維持和平爲天職。萬不可聽信訛言。輕爲附和。致召擾攘之禍。近日中外報章。載有人在上海運動第二次革命。諄勸商家助捐籌餉。并運動滬甯鐵路。預備戰兵赴韓各節。未必實有其事。業經本大總統通令各省都督民政長轉飭所屬查究在案。茲又以尹督昌衡來電。稱國基未固。險象環生。實由於宵小縱橫。軍令不肅。有以致之。今雖不能以軍法治國。亟應以軍法治軍。請特下軍令等語。本大總統深惟民出財以養兵。兵出力以衛民。此古今之通義。矧民國主權。屬於國民全體。各軍界爲民服務。卽爲國効忠。尤宜深明大義。有勇知方。前清末造。人民苦專制久矣。武漢首義。各地響應。大功於以告成。雖賴軍警之協力同心。而人民之隱受其害者。亦所在皆有。痛深創巨。寧不疚心。本大總統方欲蕩滌瑕穢。與天下更始。故將戰時責任。一律解除。各軍警須知共和底定。五族一家。正宜休戚相關。共謀幸福。若再猜疑互啟。禍亂相尋。致

令國本動。搖生民塗炭。匪惟國法所不。敢抑亦人道所不容。現既風聞有人潛謀內亂。難保無煽惑勾串情事。在各軍警忠勇性成。當不至爲其所惑。設有無識之徒。盲從其間。猝發難端。恐內訌未靖。外患紛乘。必且國種淪胥。萬劫不復。卽幸而人心厭亂。戡定非難。彼時首亂之魁。尙可席捲重賞。逋逃海外。惟有軍警從惡之羞。無從湔濯。孰順孰逆。何去何從。各具天良。亟宜自擇。本大總統久縮軍符。與士卒同甘苦共患難之心。初終如一。爲此詢忱相告。令行各該管將領官弁。詳晰開諭。嚴加防範。遇有藉端煽亂之人。卽卽按照軍法盡法懲治。一面仍隨時剴切勸諭。以養其遵守紀律服從命令之資。格。庶無負本大總統敬愛軍警之本意。此令。

通令禁止造謠保衛商民文 五月十三日

迭據北京漢口上海蘇州等總分商會。蜀商公益會。旅滬全浙工業團。洋貨九業公會。旅滬各幫商務聯合會。香港各銀行團。暨各業公會公所來電。略稱上海少數之人。託名全國公民。開會鼓吹。有意破壞大局。牽動商業。各埠成交貨物。紛紛止退。乞嚴飭各省。禁止謠言。保衛商民。維持秩序。無使我商民喘息餘生。再罹慘禍。致貽革命豐功之

玷等語。慨自前清以來。實業蕭條。商情彫敝。人民急求改革。不惜捐棄生命財產。助成共和。兵燹所經。流亡載道。呼號奔走。觸目傷心。而海外僑氓。尙復踴躍捐輸。傾心祖國。卽內地商民。動遭逼勒。或迫於金融之低落。或耗於家室之播遷。富者罄其蓄藏。貧者轉於溝壑。綜計損失。奚啻萬萬。迄今瘡痕漸復。元氣未蘇。五夜焦思。淚隨聲下。本大總統受國民付託之重。何以對我生靈。雖竭力撫綏。猶恐不及。何忍再加傾陷。自營生機。共和國家。以人民爲主體。我國地大物博。人民智識不讓他邦。使於公債銀行貨幣租稅各種財政。徐圖統一。合力改良。不獨爲人民福利之原。並可躋世界和平之福。乃成有意破壞。煽動訛言。逞少數人權利之私圖。絕四百兆人民之生路。本大總統尊重人道。不願我父老子弟稍有震驚。是以忍痛包荒。冀免兵凶戰危之慘。但嚴防軍警保衛地方。服從命令。幸我軍警深知大義。咸思順民意而伸國權。所願商旅不驚。塵市不變。安居樂業。爲十年生聚之謀。本大總統方爲盡職。著各省都督民政長。查禁造謠生事之人。從嚴懲辦。一面剴切曉諭商民。勿墮奸謀。照常營業。卽由各處商會。分印傳單。廣爲勸導。不得聽從痞棍。託名勒捐。不得輕信浮言。受人恐嚇。并著各該長官。督飭軍警

竭力保護。如有匪徒藉端擾亂。損害商人。惟該都督民政長是問。本大總統誓將犧牲一切。以扞衛我無罪之良民也。此令。

通令整飭學風文

六月二日

國於天地。必有興立。治亂之原。文野之判。視國者一視乎教育程度。以別等差。環球各國。各有所以立國之故。國體有專制共和之分。而教育本原。首重道德。古今中外。殆有同規。前清末造。學風之衰。論者多歸咎於以利祿爲誘。無異科舉。以故獎勵爭優。學年求短。惡習濡染。人不自知。民國肇建。百度維新。本大總統深維治國大綱。必以教育全國人民。合於共和資格。爲凡百建設之本。視之至重。故責之彌嚴。乃考察京外各學校。其管理認真。日有起色者。實不多見。大都敷衍荒嬉。日趨放任。甚至託於自由平等之說。侮慢師長。蔑棄學規。準諸東西各國學校。取服從主義。絕不相同。倘再事因循。不加整飭。恐學風日壞。民俗隨之。關係於世道人心者至大。爰特別切申明。凡各學校教職員學生。須知共和國體。必養成人民優美高尚之風。而後自由平等方能以法律爲範圍。況學生在校。最重服從。詎可任其囂張。敗壞規則。著教育部行知京師各學校校長。

並督飭各省教育司長。凡關於教育行政。一以整齊嚴肅為主。學生有不守學規情事。應隨時斥退。以免害羣。而示懲儆。總期德育日興。學風丕變。本大總統有厚望焉。此令。

令免江西都督李烈鈞官職文

六月九日

江西都督李烈鈞。前經臨時參議院。咨送議員郭同等。以專制殘毒。暨罪惡五端。兩次質問。又據江西旅京公益會李盛鐸等。全省商會羅志清等。鐵路股東會朱益藩等。旅滬公會陳三立等。以違法殃民。恣睢暴戾。條列十四罪。呈請派委鎮撫使。以拯人民等情。嗣因任命汪瑞闓爲江西民政長。該省有反對情事。當派王芝祥前往併案查辦。該督旋又擅自改編師團。並調兵派員管理九江礮台。迫脅鎮守使戈克安離滬。曾據王芝祥電稱。迭經責問李督非空言所能警覺。懇請派兵赴滬。本大總統因不忍地方人民財產重罹鋒鏑。屢經開誠誥誡。乃數月以來。復有調兵運械進逼鄂境之舉。商賈停滯。居民播遷。怨讟繁興。亂機四伏。迭准參議院衆議院咨送參議員陳銘鑑等。及衆議員張大昕。郭同等。先後提出質問。九江等公會籲訴。并經黎副總統稱據陸軍少將陳鎮藩。興國縣知事。暨武穴自治商會。先後報告。情事昭彰。殆已無可諱飾。現又據王芝

群將查辦情形呈復前來。察閱原呈。雖稱各款未能逐件詳查。惟反對汪民政長一節。即非李督本意。而縱容軍人藐抗。已難辭責。至調兵逼導一案。則稱因個人意見。遂冒侵職官輕舉之嫌。拘拿鐵路協理羅郎山一案。則稱辦理不免操切。該督於政治上學識經驗均缺。年少氣盛。閱歷未深。事理重輕。人情向背。皆無體驗等語。綜核情形。該督李烈鈞。措置乖方。實屬不稱厥職。念其初蒞任時。平治會匪。尙稱得力。仍望其感觸時艱。痛傷民瘼。以恢復軍人名譽。以表本大總統與人爲善之誠。乃迭閱人民代表呼籲之詞。至再至三。不忍卒讀。即王芝祥呈復。查辦各節。亦有定評。是該督無術維持。確係不孚衆望。倘仍優容姑息。坐視閭閻疾怨。商業凋殘。何以對續省厭亂望治之窮民。何以告各省戢暴安良之賢吏。李烈鈞應即免江西都督本官。即日交卸來京。聽候酌用。此令。

通令裁減行政經費限制兵額文

六月二十一日

立國之道。首重理財。往者吾國風氣未開。政綱不振。舉一切擴張實業。整頓金融。諸政策。皆未能切實進行。馴致經濟困難。債累山積。改革以來。支出愈增。收入無幾。不得不

抑給外債。暫資救濟。顧目前多一日因循。即將來重一分負擔。以言開源之計。既非且夕可期。若不通盤籌畫。力節虛糜。則破產之期。翹足可待。言念及此。誠可寒心。博稽歲出。軍用爲多。迭經國務會議。食以裁兵節餉爲切要之舉。應由參謀陸軍兩部。會商財政部。妥籌限制兵額。分配軍區。核實簡練。以足維持地方治安爲度。所有應裁之兵。均應酌量給資。一律遣散。即由各該部核擬辦法。呈候察奪。至京外行政經費。亦應由各部各省權衡緩急。大加裁減。製定預算。依法頒行。務使漏卮盡塞。絲毫無滲。值此民生窮蹙。國步多艱。凡有理財之責者。各當悉心整頓。實力奉行。以期無忝厥職。尤賴全國一心。共維危局。咸以整理國家經濟。等諸個人切要之圖。庶幾財政既修。邦基以固。民國前途。實利賴焉。此令。

通令尊崇孔聖文

六月二十二日

立國之本。在於政治。而政治新舊之遞嬗。恒視學說爲轉移。我中國之尊孔子。始於漢武帝。擢黜百氏。表章六經。自是學說遂統於一尊。願孔學博大。與世推移。以正君臣爲小康。以天下爲公爲大同。其後歷代人主。專取其小康學派。鞏固君權。尙疏諸家。幾本

加厲而專制之威。能使舉世學者不敢其出範圍。近自國體改革。締造共和。或爲孔子言制大一統。而辨等威。疑其說與今之平等自由不合。淺妄者流。至悍然倡爲廢祀之說。此不獨無以識孔學之精微。卽於平等自由之真相。亦未有當也。孔子生貴族專制時代。憫大道之不行。哀斯民之昏墊。乃退而祖述堯舜。刪修六經。春秋據亂之後。爲升平太平之世。禮於小康之上。進以大同共和之義。此其導源。遠如顏曾思孟。近如顧黃王諸儒。多能發明宗旨。擇精語詳。大義微言。久而益著。醞釀鬱積。遂有今日民主之局。天生孔子。爲萬世師表。既結皇煌帝諦之終。亦開選賢與能之始。所謂反之人心而安。放之四海而準者。本大總統證以數千年之歷史。中外學者之論說。蓋灼然有以知日月之無傷。江河之不廢也。惟民國以人民爲主體。非任其自由信仰。不足以證心理之同。前經國務院通電各省。徵集多數國民祀孔意見。現在尙未覆齊。茲據尹昌衡電稱。請令全國學校。仍行釋奠之禮等語。所見極爲正大。應俟各省一律議覆到京。卽查照民國體制。根據古義。將祀孔典禮。折衷至當。詳細規定。以表尊崇。而垂久遠。值此詭邪充塞。法守蕩然。以不服從爲平等。以無忌憚爲自由。民德如斯。國何以立。本大總統維

持人道。日夜兢兢。每於古今治亂之源。政學會通之故。反覆研求。務得真理。以爲國家強弱存亡所係。惟此禮義廉恥之防。欲遏橫流。在循正軌。總期宗仰時聖。道不虛行。以正人心。以立民極。於以祈國命於無疆。鞏共和於不敝。凡我國民。同有責焉。此令。

通令崇尚節儉文 六月二十二日

民國成立以來。國家財力困竭。卽社會生計。亦何嘗不備極艱難。本大總統徵諸已往歷史。大部開國多儉。亡國多奢。前清之季。財源涸竭。怨讟繁興。而京外官僚以及富商巨族。奢侈之風。爲數十年前所未有。小民困苦。殆不樂生。而上下酣嬉。不知儉戒。豪家一夕之費。足耗中人十家之產。深識之士。早知敗亡之將及矣。民國新創。正宜引爲殷鑒。痛加革除。尤而效之。寧非大謬。本大總統就任之始。卽以屏奢華。節勤儉。勗我國民。乃歷時寢久。而教化未行。竊甚愧之。自茲以往。凡我國民。須知物力艱難。至今已極。在官吏爲國家服務。事畜之資。莫非民力所出。稍涉浮糜。卽爲罪戾。卽商民之家。自婚喪交際。以至日用飲食。亦宜以撙節爲衡。大凡人民習慣。由儉入奢易。由奢人儉難。然嗜欲無窮。物力有限。一切資本。投諸消耗之地者。鏽銖無復返之時。投諸生產之途者。則

開源之功。尤勝於節流十倍。所望憂時賢哲。以身爲倡。庶幾風會轉移。養成尙儉之習。使國民皆有艱難締造之苦心。實業自日趨於發達。而生計自日趨於優裕。務期野無曠土。國無遊民。無負本大總統頒誥誡之意。此令。

通令各省提倡實業文 七月十三日

裕國之計。藏富於民。未有民不加富。而可侈言國富者。我國一般人民。實業觀念。迄未發達。皆由迷信舊習。貨棄於地。而力不出於身。未脫閉關自守之風。不知疏濬富源之術。現值軍興之後。百廢待舉。金融益見恐慌。民生日形彫敝。流離之子。蹙蹙四方。滿目瘡痍。未遑恢復。本大總統每念及社會經濟。與國家財政。息息相關。且物質救國之效。與人倫道德。又實互相爲資。深愧德薄能鮮。無術匡濟。今幸時事漸就收斂。元氣急宜培養。凡關於保護興業各法令。業經前清規定者。但於民國國體。毫無牴觸。應即遵照前次布令。概行適用。次第施行。各省民政長。有提倡工商之責。須知營業自由。載在國憲。尤應尊重。務望督飭所屬。切實振興。以裕國計。舉凡路礦林鋸蠶桑畜牧。以及工藝場廠。一切商辦公司。其現辦者。務須加意保護。即已停辦。及有應辦而未辦者。亦應設

法維持。善爲倡導。一面由農林工商部。迅將各種應行修訂法律。分別擬議草案。提交國會公決施行。尤望我流寓異地之素封。共念國計艱難。民生困蹙。投資興利。相率言歸。果使全國才智之士。咸趨重實業一途。不惟專門人材。得各效所長。卽無業游民亦資生有路。收效之鉅。豈遜歐美。用特懇誠勸導。願我國民之上。祈國利民福者。三致意焉。此令。

誥誠政黨並禁軍人入黨文

七月十三日

據彙領湖北江西都督專黎元洪電稱。近日亂黨多借政黨名義。勾結軍隊。散給黨證。作爲票布。透突破獲機關。拿獲罪犯。有某黨證收儲甚夥等語。查政黨結合。本爲國利民福。是以世界立憲各國。無不有政黨。而政黨之作用。首重公開。其規畫久遠者。則有黨綱。使天下共見共聞。以徵其趨向。其臨事肆應者。又有黨議。令黨員必信必守。以一其進行。凡以爲公概無所容其詭飾。倘假黨證爲票布。陰謀不軌。卽爲秘密結社。顯係託庇政黨。以爲藏身之地。利用政黨以爲比匪之媒。國法具在。斷難寬宥。本大總統爲保全政黨名譽起見。用特明白誥誠。務望各政黨識時俊傑。研求政治。咸趨正軌。以

共謀國利民福。斯乃國家之床。抑亦政黨所以競存之道。至軍人入黨。前經下令施禁。尤宜服從。乃日久玩生。仍有被人誘惑甘心附和者。亟宜嚴密取締。預遏亂萌。應由陸軍部安定此項章程。通令遵守。一面嚴飭各師旅團長及各路統領。隨時查察。如有軍人收受黨證者。立即銷燬從嚴革究。以肅軍紀。而維大局。此令。

宣布前贛督李烈鈞逆跡文

九月十五日

前據兼領湖北江西都督事黎元洪。先後電稱。據九江要塞司令陳廷訓電。因近日亂黨挾帶鉅資。前來九江湖口。運動煽惑。約期舉事。懇請就近酌派軍隊。赴潯鎮攝。即經派兵前往。嗣據江西護軍使歐陽武電阻。已諭令前往軍隊。預備撤回。各等語。茲又據黎兼督暨鎮守使李純先後電陳。李烈鈞帶同外國人四名。於本月八號晚。乘小輪到湖口。約會九十兩團團長。調去輜重工程兩營。勒令各台交出。歸其佔領。以各營振紮湖口。遍布要隘。分兵進逼金雞山礮台德安之混成旅。並向沙河鎮進駐。該鎮南之續軍隊。突於十二日上午八鐘開槍。向我軍進攻。且以湖口地方宣布獨立等情。閱之殊深駭異。李烈鈞前在江西。擁兵跋扈。物議沸騰。各界紛紛籲訴。甚謂李烈鈞一日不去。

贛民一日不安。本大總統酌予免官。調京任用。所以曲予保全者。不爲不至。且爲贛省計。深恐與師問罪。驚擾良民。故中央寧受姑息之名。地方冀獲救安之慶。不意逆謀叵測。輒復潛至湖口。佔據礮台。稱兵構亂。謂非背叛民國。破壞共和。何說之辭。可見陳廷訓電稱。運動煽惑。約期舉事。言皆有據。似此不愛國家。不愛鄉土。不愛身家名譽。甘心叛逆。爲虎作倀。不獨主持人道者。所不忍言。實爲五大族人民所共棄。值此邊方多故。應付困難。雖全國協力同心。猶恐弗及。而乃幸災樂禍。傾覆國家。稍有天良。寧不痛憤。李烈鈞應卽褫去陸軍中將。並上將銜。著歐陽護軍使及李鎮守使設法拿辦。其脅從之徒。自願解散。概不深究。如或抗拒。則是有心從逆。定當痛予誅鋤。並著各省都督民政長。剴切諭曉軍民。共維秩序。嚴加防範。本大總統既負捍衛國民之職任。斷不容縱亂之輩。亡我神州。凡我軍民。同有拯溺救焚之責。其敬聽之。此令。

宣布贛省亂事文（一）七月十六日

贛省自上年改革後。財匪民窮。元氣未復。繼以會匪肆擾。劫掠頻仍。洪水爲災。流亡載道。閭閻凋敝。閭閻蕭條。軫念民瘼。可爲隱痛。李烈鈞前在江西都督任內。諸多荒謬。本

大總統忍之又忍。爲贛省生命財產計。不惜委曲求全。區區此心。當爲國人所共諒。此次因九江要塞司令陳廷訓之請。酌派李師長純所部軍隊。赴潯鎮懾。亦無非爲戢暴安良起見。迭經電飭李純及護軍使歐陽武。鎮守副使龔世均。諄諄申明。以防亂安民爲宗旨。如果地方無警。自可即時撤回。不意李烈鈞潛回湖口。果有勾煽軍隊。圖謀作亂情事。幸陳廷訓先時舉發。迅速派援。潯鎮得以保守。否則湖口被佔。蔓延各屬。贛省全境。勢必遍遭蹂躪。糜爛不可收拾。李烈鈞退職已去。同爲贛民。叛國仇鄉。自必爲贛省人民所切齒。卽各路軍隊。深明利害。其爲所煽惑者。亦必寥寥。現在沙河鎮叛兵。業已敗退。湖口逆巢。當可指日盪平。惟念贛民當水深火熱之餘。困苦顛連。復遭兵禍。卽使亂事剋日敉定。而地方人民之驚擾。與夫財產之損失。固已有不忍言者。本大總統感孚無甯。又不能躬問疾苦。痍痍在抱。怒焉如傷。茲特派委上將段芝貴。馳往宣撫。須知本大總統負全國委託之重。始終以防亂安民爲宗旨。該宣撫使沿途所至。宣布德意。通達下情。咸使聞知。務祛隔閡。凡被災及受害地方。察看情形。會商江西民政長。妥籌善後。其災害較重者。請款補助。謀所以勞來安集之方。軍隊不捍衛地方之責。著段

芝貴歐陽武等。諭令官佐士卒。各勤職務。各守紀律。以保治安。毋爲浮言所惑。本大總統有厚望焉。此令。

宣布贛省亂事文（二）九月十七日

共和民國。以人民爲主體。而人民代表。以國會爲機關。政治不善。國會有監督之責。政府不良。國會有彈劾之例。大總統由國會選舉。與君主時代子孫帝王萬世之業。迥不相同。今國會早開。人民代表。咸集都下。憲法未定。約法尙存。非經國會。無自發生監督之權。更無擅自立法之理。豈少數人所能自由起滅。亦豈能因少數人權利之爭。掩盡天下人民代表之耳目。此次派兵赴潯。迭經本大總統及副總統一再宣布。本末瞭然。何得信口雌黃。藉爲煽亂營私之具。今閱歐陽武通電。竟指國軍爲袁軍。全無國家觀念。純乎部落思想。又稱蹂躪淫戮。廬墓爲墟等情。九江爲中外雜居之地。萬目睽睽。視察之使。絡繹於途。何至無所聞見。陳廷訓之告急。黎兼督之派兵。各行其職。堂堂正正。何謂陰謀。孤身救援。何謂三道進兵。卽歐陽武蒸日通電。亦云李烈鈞到湖口。武開兩圍。往攻等語。安有叛徒進踞要塞。而中央政府該管都督。撤兵藉寇之理。豈陳廷訓對

世均。近在九江之電不足憑。而獨以歐陽武遠在南昌之電爲足信。豈贛省三千萬之生命財產。獨非中華民國之人民李純所率之兩團。獨非江西兼督之防軍。歐陽武以護軍使不足。而自爲都督。並稱經省會公舉。約法具在。無此明條。似此謬妄。欺三尺童子不足。而欲欺天下人民。誰其信之。且與本大總統防亂安民之宗旨。與迭次之命令。全不相符。捏詞誣譏。稱兵犯順。視政府如仇敵。視國會若土苴。推翻共和。破壞民國。全國公敵。萬世罪人。獨我無辜之良民。則奔走流離。不知所屆。本大總統心實痛之。本大總統年逾五十。衰病侵尋。以四百兆人民之付託。茹苦年餘。無非欲我黎民子孫。免爲牛馬奴隸。此種破壞舉動。本大總統在任一日。卽當犧牲一切。救國救民。現在正式選舉。瞬將舉行。雖甚不肖。斷不至以兵力爭攘權利。况艱辛困苦。尤無權利之可言。副總統兼圻重任。經本大總統委託討逆。實有攸歸。或乃視爲鄂贛之爭。尤非事實。仍應責成該兼督。速平內亂。拯民水火。各省都督等。同心匡助。毋視中華民國爲一人一家之事。毋視人民代表爲可有可無之人。我五大族之生靈。或不至斷送於亂徒之手。查歐陽武前日電文。詞意誠懇。與此電判若兩人。難保非僉壬挾持。假借名義。俟派員查明。

再行核辦。此令。

通令宣布定亂方針文

湖口徐州等處。暴徒倡亂。政府爲整肅紀綱。維持國本起見。不得不以兵力戡定。迭經先後布告。本大總統躬承國民付託之重。值此變出非常。盪平內亂。實無旁貸。耿耿此心。當爲我國民所共諒。各友邦所悉知。惟恐傳聞之異詞。或疑方鍼之未定。國民以姑息養奸相責備。外商以身命生產爲隱憂。若不明白宣告。使我全國人民。咸知順逆從違之所在。各外商共悉鎮壓暴亂之有方。其何以靖人心而昭大信。爲此通令。條舉三端。一。該暴徒等勾煽叛兵。僭竊土地。擅行宣布獨立。破壞民國之統一。擾害地方之治安。此等行爲。實係亂黨。政府不得不依照國家法律。以兵備警戒。是用兵定亂。爲行使約法上之統治權。民國政府。當然有此責任。二。各國商民之通商傳教。戰在條約。凡有亂警地方。該地司令官。均應照約實力保護。務使各外國人之身命財產。不致因亂事稍受危險。嗣後各該地方之外國人。所有身命財產。如因鎮壓變亂。而直接受有損失者。民國政府。必完全負其責任。三。亂黨到處勾結。如有本國人或外國人。與之訂立一

切契約。而影響可以及於國家。或一地方者。無論用何種方法。及何種名義。民國政府絕不承認。以上三端。自本令發布以後。應由各該地司令官通行布告。仍著外交總長行文駐京各國公使查照。以慰友邦熱誠贊助之雅懷。而示本大總統除暴安良之至意。此令。

通令各省宣布中央困難情形文

本大總統受國民付託之重。承乏今職。於茲經年。國基甫定。百廢未興。乃忽有贖寧亂耗發生。本大總統不能消禍未萌。致釀此變。震擾閭閻。循實返躬。負疚何極。一年以來。國中待治極殷。而政府措施。不足以慰衆望。此不待國民督責。即返諸本大總統之良知。亦豈能一日即安者。雖然政象不振之原因。由於本大總統德薄能鮮者固半。由於各方面形格勢禁者亦半。謹述甘苦。爲國民一言。夫用人實行政之本。而國務院爲大政所從出。本大總統爲國擇才。尤深兢業。遵據約法。必須求同意於議院。議院果清白乃心。協商共濟。則物色一國最高之才。使荷一國最重之任。善後之業。或尙非難。乃自黨見既興。意存掣肘。提出否認。至再至三。夫賢才之士。孰不愛惜羽毛。未受任而動已

見擯。則延攬益難爲力。降格以求。實勢所逼。躊躇滿志。事安可期。且施政程功。在明黜陟。一度政府成立。疏通需數月。求才則幾罄丹穴。共事則若撫驢兒。稍相責難。動言引退。別提以圖補缺。通過艱於登天。挽留且難。邊論黜斥。既不願常以無政府貽笑萬國。自不敢妄以大甄別施諸百僚。紀綱無自修明。政本安能澄肅。至於各部司員。半經偉人薦拔。本大總統求才若渴。固願禮羅。各部總長。慶屋及烏。亦難固拒。彈冠相踵。濫竽日多。政務叢脞。當局者固責無可辭。什途濁昏。挾功者亦宜分其咎。中央艱窘。既已若是。其在地方抑又甚焉。最初都督總領軍民。率以光復元勳。遂乃真除受事。等漢牧之就拜。類唐藩之留後。威令本自不行。功過安從責課。厥後亟籌分治。民政別置長官。而乃簡命朝頒。拒電夕告。本大總統。因循瞻徇。咎固難辭。願亦嘗再四思維。實不願漫然變置。夫人既有自私土地之心。豈肯復爲顧全大局之計。削藩召亂。移鎮生變。往代常聞。取鑑非遠。本大總統以民國新造。創痍未蘇。誠不願炎漢七國之難。復見於今。猶庶幾日本西南之師。可以倖免。俯心遷就。職此之由。而一省擅命。諸方效尤。罰既有所不行。績安能而得舉。况復上自諸司。下逮州縣。皆恃黨籍爲奧援。藉長官而自譽。盡人

皆革命元勳。敗口輒有功民國。人靡言難。進易退難。亂致法紀視若弁髦。名器日趨淫濫。以茲圖治。寧異面牆。誰生厲階。至今爲梗。廓清無狀。私衷固所懷慚。作俑以詒。健者能無分謗。至如治國大經。理財爲要。自前清之末葉。久歲入之不敷。一年以來。原有賦稅地方。節節截留。中央徵解無幾。而善後之費日增。舊債之期更迫。乃或利用感情之弱點。倡爲無責之游談。國稅則屢徵而屢抗。外債則旋贊而旋否。借風作浪。節外生枝。以黨略爲前提。置國命於孤注。稍盡急公之職。輒蒙專擅之譏。責無從負。政何自行。况國家既采法治主義。庶政皆藉法律以行。而國會紛爭。議案叢脞。累日不能決一條。經月不能頒一律。律文既缺。何所遵依。而國家作用。一日不能滯停。政府措施。觸處動成違法。以云任責。更安取裁。凡此諸端。略述一二。其他百舉。循類可推。本大總統非敢陳訴艱窘。希圖諉卸。亦欲我國民知積重之勢。非旦夕所能驟回。而轉圜之機。在各方皆宜有責。今欲濟此時艱。勤求治道。條理雖多。本原惟一。首在規復政令之紀綱。建行國家之威信。此本苟撥。他復何難。本大總統昔以仁柔姑息。延茲厲階。今當以勇猛精勤。贖彼前愆。叛黨欲破壞民國。惟本大總統責當保之。叛黨欲塗炭生靈。惟本大總統責

當拯之。垂涕伐罪。掏心質天。紀綱所繫。威信所關。雖懷痛悼。其安得已。當茲千鈞一髮之會。或亦除舊布新之機。方將集天下之才。共天下之事。則挽墜日於虞淵。完漏舟於駭浪。雖云甚艱。何遽無術。所冀國人共宏斯願。本大總統老矣。六十衰翁。復何所求。斷不忍五千年神明古國。顛覆自我。但使一息尚存。亦不許謀覆國家之凶徒。得以自恣。冀與邦人諸友。含辛茹苦。冒險犯難。奠此國基。他日作共和幸民。扶杖山谷。以觀治化。庶遂初志。敢告有衆。此令。

通令申誡軍人文

年餘以來。各省暴徒。擾害人民。蹂躪地方。本大總統不忍坐視。生靈塗炭。不得已遣兵平治。剷除強暴。正以安輯善良。凡我軍所到之處。務以保護人民爲唯一之宗旨。倘有騷擾情事。是以暴易暴。徒受亂黨以口實。將何以對我國民。此次用兵以來。我軍將士。忠勇異常。爲環球士庶所傾服。凡此優美之聲譽。悉由我將士等性命所鑄成。必須格外愛惜。使五大洲永爲口碑。若稍有擾害人民之行動。是已得之令名。將致一旦掃地。深爲諸將士惜之。況從來用兵地方。須顧本地人民。歡迎扶助。照常交易。乃易成功。如

與人民互生惡感。必致挺而走險。助逆拒順。或畏擯累身家。反爲匪守。或更貪圖厚利。爲作間諜。或商民逃避。無處購食。勢將受困。卽專爲軍事一方計。其害亦不可勝言。各官長均有約束目兵之責。務宜時時申戒。認真管束。設有疎忽。軍法具存。萬難姑貸。各目兵等。亦應互相糾察。遇有此等敗壞軍紀之徒。隨時舉發。勿令少數人之暴亂。使全軍受其惡名。無以昭白於天下。總之保護人民。爲軍人莫大之天職。仰各傳諭諸誠。責成諸將士等。切實奉行。務使軍臨地方。望如時雨。用副本大總統伐罪弔民之本意。勉之勿忽。

布告督師文

本大總統竊維方今國競極烈之時。非團結於內。不能競存於外。百年以來。世界各國。或起自葢爾。而忽躋盛強。或本席豐基。而剪焉漸滅。揆厥所由。大抵衆志協和之邦。雖小莫禦。民情睽乖之國。雖大必亡。睽乖所起。率緣數端。或階級互閼。或教宗分爭。或種族相猜。或地方生畛。有一於此。則國家失其統治之本能。勢且離析分崩。自招宰割。國亡種滅。恒必由茲。我中國藉先民之威靈。植統一之崇址。前舉四弊。他國所引爲公患。

者。我無一焉。用能以四百兆衆。共棲一域。相友相助。無貳無虞。歷數千年。發揚盛大。雖喪亂間作。而國本不搖。自前清之季。民苦稅政。欲圖改革。爲障滋多。振奇之士。舍經行權。時或利用簡單之感情。標舉種族界限。以相刺激。雖一時獲收奇效。然識者深懼以此開國民反目之漸。鑿然憂之。幸我邦人諸友。洞明理勢。防患未然。當帝制既訖之時。申五族一家之義。前此種姓猜忌之跡。雲過天空。民國始基鞏固不拔。職此之由。乃數月以來。少數不逞之徒。爲野心所驅。不惜倒行逆施。假名號以爭權利。遂乃倡南北地方之邪說。妄肆箠鼓。熒惑聽聞。夫我國之大一統。秦漢迄今。二千年矣。幽燕楚越。同軌同文。率土普天。如兄如弟。况自共和聿布。憂樂相共。萬衆一心。以戴民國。譬則赤子之怙恃其父母。誰恩誰怨。何嫌何疑。今無端造作妖言。希圖挑撥。一若深憾國家之統一。而必從而譎之。惟恐人民之協和。乃故從而間之。詩曰。讒人罔極。交亂四國。又曰。自有肺腸。俾民卒狂。本大總統誠不解彼輩何仇於宗國。乃必欲裂之毀之。而始爲快也。夫感情之爲物。挑撥極易。而融弭甚難。苟地方畛域之見。一度中於人心。則豈惟南北而已。必且省與省相猜。縣與縣相妒。鄉與鄉相持。勢將舉先民艱難締造之國家。剖爲什

伯千萬。以返於部落之舊。其人民則互相搆貳。動如寇讎。雖在閉關自守之時。猶不足以爲國。況今日承累世之敝。而立於羣雄之間者哉。今茲用兵。奉辭伐罪。蕩彼羣醜。夫亦何難。願本大總統所最痛心者。當此國家多難之時。乃更有此不祥之事。就令指顧之間。廓清戡定。而人民生命財產。所損幾何。國家財政負擔。增窘安極。言念及此。無淚可揮。養癰厚毒。循省既有所不安。斷臂全身。苦痛亦曷其有既。本大總統既以不德。濫膺重寄。綆短汲深。卒遭大難。奉職無狀。受事之日。父老既以此完全。一國家。託諸藐躬。受代之時。藐躬義當以此完全。一國家。還諸父老。是用雪涕誓師。哀矜執訊。豈云黷武。實以完責。一俟凶慝蕩平。國基奠定。行將自効。以謝天下。尤願我國民上懷先德。念綱維締構之維艱。外鑑時勢。懷競爭生存之不易。勿更以猜忌渙大羣。勿更以訐爭耗元氣。勿更以分閥啟戎心。勿更以擾攘滯進步。昔日本經西南一役。而憲政以成。美國經放奴之爭。而國權斯振。多難興邦。禍兮福倚。倘我國民。念今日之深痛鉅創。而平心以察其受病之由。其惡因造自政府者。則督責政府。使懺改之。其惡因造自社會者。則合全社會之人。各自懺改之。人人皆有悔禍之心。國家庶有自存之道。轉危爲安。因

劉得復。天時人事。或將在茲。本大總統不敏。竊願與國人共矢斯志也。此令。

飭令解散續議會文（八月六日）

省議會為地方人民代表機關。一切舉動。首當根據法律。契合民意。乃查江西省議會。於七月十四日通電各省。謬舉都督。並宣言與中央脫離關係。顯係大違輿論。破壞統一。此等背叛行為。實非法律所能保護。本大總統行使約法統治權。應即責成宣撫使段芝貴護軍使李純勒令解散。一俟軍事稍定。另行依法選舉。以期符合民意。其各省用兵地方。如省議會正在開會期中者。亦准由各該行政長官。或司令官。細酌量情形。暫行停止該議會開會。此令。

飭令蘇省長官籌辦善後事宜文（九月五日）

江甯本東南重鎮。北與齊魯遙相控制。逆首黃興假託名義。在寧謀叛。經程德全通電取消。逆黨何海鳴等。屢次煽動。一再獨立。人民身命財產。喪失無窮。困苦顛連。達於極點。該逆等寡人之妻。孤人之子。致生者播散流離。死者斷吭絕脛。不知該逆等與吾民何怨何仇。必置之死地而後快。輿念及此。殊堪痛憤。現在金陵雖已收復。而民間流離

失所。慘不忍言。善後事宜次第籌辦。業飭鄭汝成采辦米石。迅速前往。分別散賑。一面招商集款。接濟民食。並由該省長官遴選愛民良吏。加意撫綏。仍遵疊次頒令。剴切誥誡軍人。使知以保衛人民爲天職。庶可輿情融洽。感召天和。凡我士庶。亦各父詔兄勉。勿再信叛徒煽惑。人人長長親親。使數千年人道之大防。不至墜地。否則紀綱廢弛。暴亂相尋。君子犯義。小人犯刑。卽亡國滅種之禍本。當此痛深創鉅。宜以恐懼修省爲懷。治亂之機。在此一線。嗟爾有衆。其敬聽之。此令。

通令查明各省商會拒亂有功人員呈請獎勵文（九月十七日）

此次叛徒倡亂。蘊孽甚深。蓄謀已久。自贛事發生以後。牽動至六七省。耗損至數千萬。本大總統德薄能鮮。誠信未孚。致人民慘罹凶殃。地方橫遭蹂躪。痛定思痛。負疚良深。猶幸各都督維護有方。諸將士踴躍用命。兩月之內。次第救平。具徵順逆存亡。至理不爽。獄亂悔禍。人心皆同。而抵拒邪謀。倡提正論。則尤得各省商會維持之力。查該亂黨競爭權利。潛謀起事。陽託於鞏固共和。爲欺人之標幟。這一經佔據城鎮。搜括財帛。恣所欲爲。屠戮善良。慘無人道。兵至則驅民以殉。居心毒如虎狼。事敗則掠資以逃。行徑

甚於盜賊。各商界燭其奸邪。絕其資助。遂使逆謀無由大逞。亂事得以速平。曲突徙薪。功匪鮮淺。前因上海商會。嚴拒亂黨。曾經電令前江蘇民政長應德閔。傳令嘉獎。並查明在事出力之人。呈請獎勵在案。現在亂象漸定。大局粗安。推究始終。端資羣力。各省商會。同心拒逆。實多深明大義之人。應由各該都督。民政長。確切查明。分別呈請獎給勳章。以爲愛國保民者勸。此令。

通令查燬偽造軍用鈔票文（九月二十六日）

查此次叛徒倡亂。蹂躪地方。敲詐商民。公私損失。不可勝計。本大總統念國勢之阨危。嗟民生之疾苦。徬徨終夜。引咎未遑。現值亂事敉定。所有各商民有形之損失。各地方官固應切實調查。加意安撫。至該亂黨貽人民以無形之負擔。亦應明白宣告。免受欺騙。茲據各處呈報。破獲亂黨機關。發見逼勒之紙幣。盜匿之公債票。往往盈箱累篋。井聞近有偽造中華銀行軍用鈔票五千萬。分百圓五十元十圓五圓一圓五種。上有國軍兩旗。暨各種記號。派遣黨羽。分運內地。以爲勾結煽惑之資等情。似此騙詐行動。恐難免挾其濫行不換紙幣之故智。散布各處。擾亂金融。無辜商民。何堪重遭此劫奪。

之慘禍。總之此項偽造鈔票。層出不窮。既無承受之機關。即無行使之效力。偷竟被欺收受。無從兌換現金。一經混入市廛。尤易潛人觀聽。亟宜豫爲防範。以遏亂萌。著財政部迅將倡亂各省分。以前暫行軍用公債各票。分別清理。一面由稅務處。分飭各關。務將偽造軍票。嚴行搜查。立即銷燬。隨時呈報。并著各省都督民政長。通飭各屬一體查燬。仍將此令曉諭軍民人等。咸使聞知。此令。

通令整肅官箴文（十月二十日）

國家設官分職。所以爲民任事。俸給公費。皆國民之脂膏。凡行政官吏。應如何竭誠奉職。盡心公務。斯無負於被治者之負託。民國初建。庶政待理。既出筮仕。即有應負之責任。乃近日官常紊亂。人人謬解共和。並無紀綱。不受拘束。既受任命。又視爲無足重輕。或除授日久而不到任。到任之後。稍遇挫折。即相率辭職。名爲高尚。其實畏難規避。履官居如傳舍。視命令若弁髦。遁脫浮妄。寔成風氣。此而不革。何以爲國。著國務總理內務總長。迅即釐定各官吏到任憑限。並將文官考試任用甄別懲戒各法。再行嚴定。次第實行。凡屬內外官吏。均由各長官切實稽察督率盡職。毋任藉口辭卸或營謀遷調。

以杜獵官倖進之途。至贛寧肇亂之時。地方官吏。或乘職潛逃。或甘心附逆。肆無忌憚。尤屬有玷官箴。嗣後如遇有前項情事。一經拿獲。卽行盡法懲治。毋稍寬假。自古鞠躬盡瘁。臨難不苟之忠臣義士。大抵効忠於君。今則共和國體。凡從政之人。卽當効忠於國。忠之爲義。亘古不廢。官常所在。夫豈有他。本大總統受國民負託之重。惟有旁求俊乂。同負責任。明定賞罰。以肅紀綱。凡我百僚。務宜共體斯意。先盡厥職。有厚望焉。此令。

通令各省解散國民黨省議員文

據直隸民政長劉若曾電稱。查省會議員。人多隸籍國民黨。應否照國會辦法。一律取消其議員資格。敬候鈞示。以憑辦理。又據山東都督靳雲鵬。民政長田文烈電稱。省議會隸籍國民黨之議員。應否與國會議員同例取消。乞示遵各等語。本大總統前令。曾經飭由各省都督民政長。將國民黨所設機關。不拘爲支部分部及其他名稱。一律解散。查各省省議員。其屬國民黨籍者。本不乏人。前曾由各該省議會分推代表。組織省會聯合會。於五月間挾衆赴滬。屢次開會。馳電中外。反對借款。嗣亂黨首魁李烈鈞免官令下。更敢藉詞通電。假借名義。鼓煽風潮。是省會聯合會組織既已違法。舉動尤屬

乖張。實爲地方人民公意所難容。且國民黨支分各部之勢力。早已潛滋暗長。於國會省會選舉時期。則隸籍該黨之省會議員。當亦與之互相勾結。密預亂謀。查李逆烈鈞等。往來逆電。有本黨現處極險地位。省會聯合會。望督促進行。若得人指揮。或可矯正一二等語。充該暴徒等之隱謀。一面利用中央議會。一面復欲利用地方議會。無一非爲攘權搆亂之私。若不及早廓清。誠恐地方高級議事之機關。長爲亂黨所利用。影響大局。爲害實多。除廣東江西湖南等省議會附和獨立。業經飭令解散另行選舉外。仰各都督民政長。迅即查明自江西湖口地方倡亂之日起。所有省議會議員。籍隸國民黨者。一律追繳議員證書。一面查明本屆省議會議員之合格候補當選人。如額遞補。以清政本。而遏亂萌。并著將追繳議員證書各員。彙案呈報。此令。

通令停止兩院議員職務文
三年一月十日

本日政治會議呈覆救國大計諮詢一案。據稱前兼領湖北都督黎元洪等。原電修正憲法一節。若指約法而言。應於諮詢增修約法程序案內。另行議覆。其對於國會現有議員。給資回籍另候召集一節。應請宣布停止兩院現有議員職務。並聲明兩院現有

議員。既與現行國會組織法第十五條所載。總議員過半數之規定不符。應毋庸再為現行國會組織法第二條暨第三條之組織。至如何給資之處。應由政府迅速籌畫施行。是否回籍。可聽其便。政府毋庸問及等語。本大總統詳加披閱。該會議議覆各節。與該前兼領都督黎元洪等救國苦心。深相契合。原呈所陳大要。以為非速改良國會之組織。無以勉符尊重國會之公心。洵屬審時度勢正當辦法。查兩院現有議員。既與現行國會組織法第十五條所載總議員過半數之規定不符。應即依照政治會議議決宣布停止議員職務。毋庸再為現行國會組織法第二條暨第三條之組織。所有民國議會。應候本大總統依照約法另行召集。此次停止職務各議員。由國務總理財政總長迅將如何給資之處。籌畫施行。餘如該會議所陳辦理。至兩院現有議員。自宣布停止職務之日起。既均毋庸再為國會組織法第二條暨第三條之組織。一應兩院事務。應由內務總長督飭籌備國會事務局。分別妥籌辦法。免滋貽誤。以副本大總統尊重國會之初意。此令。

布告解散國會原因文

三年一月十日

民國正式國會。係約法上國家機關之一。本大總統。前在臨時任內。業於民國元年八月公布國會組織法。暨參議院衆議院議員選舉各法。當飭國務總理內務總長。督飭籌備國會事務局。尅期籌備。二年一月十日。本大總統依照約法所定期限。發布第一次民國議會召集令。曾經聲明民國正式國會爲共和建設所關。共和政治之良否。政府固有完全之責任。而尤以國會爲筦樞等因。綜計一年以來。政府對於國會經過兩種時期。一爲籌備。二爲成立。方其在籌備時期以內。選舉法令之制定。選舉程序之進行。慘澹經營。諒爲我國民所共聞共見。及幸而國會成立。四月八日開會禮成。不惟本大總統以爲吾國數千年有史以來未有之光榮。對此莊嚴神聖之國會。欲其一德一心。共圖盛業。卽我四萬萬水深火熱之國民。亦復延頸企踵。想望太平。以爲國會開幕。從此民國國家建設大計。國會政府。可以共濟艱難。而革命時代所身受之苦痛。或可取償於代議制度。徐以待共和幸福之來。凡斯種種。均出於政府尊重國會及國民希望國會之誠心。國會議員之能以國家爲前提者。諒不以本大總統之言爲河漢也。乃政府與國民。愈重希望之愈殷。而國會常會四閱月。一法未經議決。延長會期以後。邊

進至於上年九月。始議決一議院法案。其餘應有職權。則悉爲挾持黨見者所蹂躪。釀成暴民專制之局。而議員中之持穩健主義者。率相與太息痛恨而無可如何。因此結果。立法機關。既無法之可議。行政機關亦無法之可行。本大總統之責。咎於我國民者。乃愈重。然本大總統則以爲共租國家。究重國會。故始終以維持調護爲懷。凡可以委曲求全之處。決不欲國會自損其法律上之尊嚴。豈意天禍吾國。事與心違。而國會議員之隸籍國民黨者。竟不幸而蒙亂黨之嫌疑。上年十一月四日。本大總統乃不得已而下追繳該黨國會議員證書之令。惟國會爲國家機關。議員乃個人資格。與亂者雖應取消。合法者仍須遞補。是以令飭內務總長。從速行令查取候補當選人之合法者遞補如額。無非求所以宣達真正之民意。鞏固真正之共和。上年十二月二十二日。據前兼領湖北都督事黎元洪等（中略）電稱。共和國家。以法治爲歸宿。當破壞之後。適宜爲建設之謀。所有應行法治。千端萬緒。雖急起直追。猶恐不及。民國初創。以參議院爲立法機關。而成立年餘。制定法案。寥寥無幾。惟以黨爭聞於天下。適爲建設之障礙。決無進行之計畫。中外士庶。乃移易其渴望之心。屬諸國會。以爲國會既成。必可將

各項法制。依次制定。不意開會七閱月。糜帑數百萬。而於立法一事。寂然無聞。欲儻如前參議院。尙能立東鱗西爪之法。而亦不可得。民國前途。豈堪久待。蓋因各議員被舉之初。別有來由。多非人民公意之所推定。謂爲代表。夫將誰欺。其有愛國思想者。固不乏人。而爭權利。徇黨見。置國家存亡。人民死活於不顧者。反佔優勢。且人數過多。賢者自同寒蟬。不肖者如飲狂水。餘皆盲從朋附。煙霧障天。雖有善者。或徒喚奈何。寧與同盡。上下兩院。性質相同。無術調劑。因之立法成蹟。毫無進步。中外援爲詬病。國家日益阡危。上無道揆。下無法守。賴我大總統。以救國爲己任。毅然剛斷。將亂黨議員資格。一律取消。令候補當選人。以次挨補。願候補人員。與前次人員。資格相同。無論一時斷難如額。即使如額。而八百餘人。築室道謀。仍恐議論多。而成功少。現在國本初定。重要法案。何啻數百件。由今之道。以七閱月而未立一法。雖遲以百年。亦復何濟。而強鄰環伺。破產在即。豈從容高論之秋。我不自謀。必有起而代我者。欲不爲人之牛馬奴隸。何可得耶。元洪等。行政人員。亦國民一分子。國苟不存。身於何有。苟利於國。邊論其他。用敢聯名切懇。大總統始終以救國爲前提。萬不可拘文牽義。以各國長治久安之成式。施

諸水深火熱之中華。歷考中外。改革初期。以時勢造法律。不以法律強時勢。美爲共和模範。而開國之始。第一次憲法。即因束縛政府不能有爲。遂有費拉德費亞會議修正之舉。是役也。全體會員無不有政治之經驗。其會議之所議決。多軼出原有憲法範圍以外。而自操制定憲法之全權。論者不詆爲違法。先例具在。可爲明徵。現在政治會議已經召集。與美國往事由各州推舉之例正同。請大總統飭下國務院。諮詢各員以救國大計。若衆意咸同。則共和政體之精神。即可因茲發軔。卽例以南京政府以十四省行政官代表之參議院。其完缺大相懸殊。正與華盛頓修正憲法若合一轍。元洪等承乏地方。深知人民心理。痛惡暴亂之議員。各國論調。極亦公允。我大總統何所顧忌而不爲之所。文明國議員。無論何黨。皆以扶持國本爲宗旨。斷無以破壞阻撓爲能事者。現在國民黨議員。悉經解散。其餘穩健議員。素知自愛。聞已羞與噲伍。憤欲辭職。雖欲固結。已屬無從。留此少數之人。既無成立之希望。應請大總統。給資回籍。另候召集。各議員皆明達廉潔。決不戀戀於五千元之歲俸。而浮沉於不生不滅之間。以誤國家大計。狂夫之言。聖人擇焉。伏乞鑒核施行。民國幸甚等語。本大總統當以該兼領都督等。

瀝陳名節。洵爲救國起見。應交政治會議各員。迅速討論辦法。詳細具覆。本月十日。據政治會議呈稱。本案前奉大總統諮詢命令。係據兼領湖北都督事黎元洪等銑電之所請求。該都督等原電。又係鑒於民國建設伊始。法制紛繁。立法機關。成績甚少。是以特陳救國大計。綜其綱要。約有兩端。第一則請修正憲法。而以拘文章義爲戒。第二則請資遣議員。而以扶持國本爲宗。凡此所陳。具徵遠識。惟原電修正憲法一節。經本會議詳細討論。愈以民國憲法尙未制定公布。自無修正之可言。若謂憲法未施行以前。臨時約法之効力與憲法等。該原電所稱應行修正。卽指約法而言。則應於大總統諮詢修改約法程序案內。另行議覆。其對於國會現有議員。給資回籍。另候召集一節。本會議意見以爲原電所陳。不無可採。蓋就國會本體而論。其組織法發生於約法。選舉法又發生於組織法。種種不良之點。既經一度試驗。已屬無可諱言。知者以國會不良之故。歸咎於組織。不知者以國會不良之故。集矢於議員。情理雖失其平。而影響實有所自。方今國勢岌岌。改良國會組織。幾於異口同聲。兼之本屆國會分子。既以亂黨嫌疑。多數議員資格一律取消。人無半數。遞補需時。雖前奉大總統命令。曾飭內務總長

查取本屆合法候補當選人如額遞補。以重國會等因。內務總長亦經飭由籌備國會事務局遵辦。現據河南等省。選舉監督電陳。遞補補選各項礙難情形。奉交本會議併案討論。本會議細核原電。自係實情。夫以現有議員。既不足法定人數。而候補議員。又難於尅期遞補。是我國民所恃以爲運用共和政治之國會。目前決不能行使職權。少數議員。即無到院之必要。況國會定期四個月。延長之限。雖未明白規定。而各國國會通行辦法。遇有延期情形。絕無倍於法定會期之例。我國國會開會。計自民國二年四月至今。已逾九月。延期倍過正期。立法機關。終歲常設。即使人數過半有餘。亦非政治良軌。何況議員實存少數。更無庸再擁延會之虛名。查兩院議長。業於上年十一月十三日。代表兩院以停發議事日程等因。通告有案。議事既以停止。則該都督等。原電所謂無成立希望者。尤爲切中事實之談。至大總統取消亂黨議員。前次命令。業以聲明。係爲挽救國家之危亡。減輕國民之痛苦起見。事非得已。誠具苦心。而各都督民政長。關心救國大計。尤注重於修正憲法。亦無對人關係之可言。現在國會組織不良。萬不獲已。而求改善。此心既可共信。此希望必期速達。對此組織不良之國會。又事實上職

權業已停止。何必於現有議員。虛示維繫。以重違我國民渴望改良國會之公心。要之我國。決不能無國會。國會組織。且暮改定。大總統決不能不仍行召集。約法具在。無可懷疑。則今日即徇各省地方長官之請。明白宣布。使濟濟賢能議員。暫結殘局。而養朝氣。以待將來之結合。實亦無戾於救國精神。且可以促國會之再造。此原電之可採者一也。至就議員個人而論。自國民黨議員悉經解散後。其餘穩健明達之士。留則無職可盡。去則棄職爲嫌。進退兩難。身心俱苦。爲國家愛重人材。豈宜如此。此原電之可採者二也。本會議全體決議。認原電所請。另候召集一節。係屬度勢審時。正當辦法。應請大總統俯納各都督民政長之議。宣布停止兩院現有議員職務。并聲明兩院現有議員。既與現行國會組織法第十五條所載。總議員過半數之規定不符。應毋庸再爲現行國會組織法第二條暨第三條之組織。况議員職務雖停止於一時。而國會尊嚴自確立於民國。所有組織各法。及選舉程序。一經釐訂召集。國會不患無日。與其聽個人之浮沉無定。致敗國民以輕視國會之心。何如求機關之進步改良。尙留國民以尊重國會之地。其現有議員。既經停止職務。如何給資之處。或依據院法所定。或斟酌財

政情形。應由政府迅速籌畫施行。至現有議員。停止職務後。是否回籍。可聽其便。政府毋庸問及。本會議討論至再。全體議決等情。呈覆前來。除令行外。爲此布告我國民。須知改良國會。關係於共和政治之前途非常重大。該會議原呈各節。既於尊重國會之本旨。再四聲明。一俟釐訂組織各法。及選舉程序以後。政府自必切實進行。依法召集。以慰我國民喁喁望治之心。我國民休戚與共。素有同情。切勿輕信浮言。貽誤大局。本大總統。誓當力謀政治刷新。尅期以待。最良國會之出現。我國民其敬聽焉。特此布告。

布告軍旅勿驕勿懈文

國家編練軍隊。係爲保護疆土。捍衛人民而設。一旦有事。戰勝攻取。效命疆場。本屬軍人應盡之天職。前因贛粵浙事起。中央爲除暴救民起見。不得已而用兵。固由將士一心。立平巨亂。然一念及地方慘遭塗炭。未嘗不愀然於懷。何敢邀天之功。以爲一己之幸。乃聞近來各省軍隊。戰勝之後。不免驕惰漸萌。本大總統實深慮。兵法曰軍勝彌警。又曰戰勝而將驕卒惰。大敗莫敖。屈瑕徂於蒲騷之役。遂致敗亡。項梁因屢勝秦而驕。卒爲秦所破。成敗昭然。可爲炯鑒。況乎以兵學論。日新月異。既深造之未能。以軍

學論。內患外憂。復禍至之無日。平時苟戒備偶疏。臨時必至倉皇無措。一有蹉跌。已得之名譽。喪失俱盡。辱及邦國。殃及身家。居安思危。能無祗懼。用特嚴申訓誡。著各該都督將軍都統各使各軍師旅。嚴諭所屬陸防各軍。一體遵照。須知驕兵必敗。古有明訓。患每乘於所忽。禍恒起於不虞。毋恃爲已可。而掉以輕心。毋視爲已安。而長其暮氣。有備方能無患。百密不免一疎。其各振刷精神。互聯指臂。修明戰備。整肅營規。勵同人鴉澤之風。樹國家干城之選。於以保全榮譽。揚厲軍威。本大總統有厚望焉。

通令各省都督民政長國稅廳規復舊稅文

民國締造。基礎方成。將來之存亡。生死問題。厥惟財政。其在上年秋季以前。亂根未拔。無政是以無財。至秋季以後。元氣再傷。無財是以無政。將欲興舉百廢。固不得不吸收外資。但世無借債度日。而可以立國之理。亦無財政不脩。而可自立之理。前清時代。各省預算。已入不敷出。外債總額。已達至一千五百餘兆。暨入民國。賭款郵款。籌還舊債。添募新債。加以暴民席捲。公家損失各項並計。無慮三四百兆。如竟無術籌還。則財政將入外人之手。凡百政事。非財不行。國之於財。如身之於血。人無血則不能生活。惟國

亦然。血不足養身。則肢體非吾有矣。財不足養國。則土地非吾有矣。埃及朝鮮。覆轍可鑑。且民主政體。與君主異。人人皆爲分子。當視其國如一家。國安則民有安居樂業之望。國危則民有播徙流離之苦。蓋國家之謀治安。猶公司之保險。公司得保險之費。乃能盡力以保他人。開國之初。政尙寬大。自宜與民休息。不取煩苛。無奈債積如山。不得不權其利害輕重。與其日復一日。受制於人。何如忍痛須臾。及早奮發。但能過此厄運。轉危爲安。自有利國福民之一日。不然。爲朝鮮爲埃及。恐再欲求今日之自由而不可得。能勿寒心。是以本大總統。謂整頓財政。爲目前唯一之問題。並非聚歛取盈。實乃救焚救溺。況今日用款。均有預算登布。共見共聞。斷無可容揮霍之餘地。大宗用款。無非維持軍警。保全治安。鞏固金融。流通市面。以及洋賠各款。還本付息。毋失信於外人。前清皇室經費。與八旗生計。毋失信於前代而已。各省行政長官。誼均休戚。同舟及溺。誰能倖逃。萬一分裂勢成。外人干涉。何以自處。何以對人。所望各省行政長官等。將國家不得已之苦衷。隨時曉諭人民。勿生猜疑。對於財政部新頒各項稅則。如印花稅法。驗契條例。販賣烟酒特許牌照稅條例。所得稅條例。皆取諸民者甚輕。而聚諸公家則甚

鉅。各省實力奉行之。已屬有成效。可徵。務望實力奉行。以紓國家之難。不可沽名釣譽。亦不可畏難苟安。所有治軍之官。無論軍師旅團各長。均當知民力不易。國帑維艱。於軍事費用。竭力節減。遇有可裁之兵。悉力裁汰。萬不可醉心權力。擁衆自豪。須知先有國家。方有權利。國苟破亡。尙何權利可言。近歲以來。各國挾其債權。萬分催逼。急如星火。國體已傷。而各省貧瘠之區。日夜呼籲。前清皇室經費。與八旗軍餉。尤爲信用所關。種種困難。窮於應付。切望各官吏將舊稅速速恢復。新稅一一進行。以顧中央根本。根本能固。枝幹從之。各省地方情形不同。苟可自行籌畫爲部令所不及者。但使不至病民。均可呈請核辦。本大總統受全國人民付託。特與各文武官吏痛切言之。

通令各省派員參與政治會議文

自國體丕變以來。於今兩年。救弊補偏。日不暇給。創造宏業。多所未遑。今塔內亂敉平。正式政府成立。一切根本至計。亟待積極進行。所有大政方針。已由國務會議次第議決。惟是中央所定者。政策之大綱耳。推而行之。實在地方。各省風氣之閉塞不同。形勢之交通互異。雖大本之範圍不越。而損益之程序或殊。不有以溝而通之。何以收舉措

咸宜之效。上年嘗飭各省派員來京組織行政諮詢院。乃各代表性質不明。主張歧出。良法美意。致成具文。甚可惜也。現在擬開地方行政會議。各該省長官。皆素抱公忠。體國之忱。必能深明此義。其有年在三十五歲以上。於行政界經驗十年以上。明於世界大勢。品學兼優者。應即遴派兩員來京。如該省向有駐京人員合格者。亦可派充。以期早日齊集會議。總之社內外隔閡之弊。成集思廣益之功。戮力一心。固我邦本。本大總統有厚望焉。

袁大總統書牘彙編卷三

獎勵

授前任臨時大總統孫文大勳位證書

蓋聞赤松綠圖。古有尊崇之典。紅鷹金綬。今多投贈之文。實惟前大總統孫文。艱難卅載。奔走五洲。提挈華夏之羣豪。蹤躡法美之盛軌。遂建共和礎基。肇造民國規模。本大總統。依勳位令。第一條。親授大勳位。以彰殊績。無前偉業。挽歷代慘酷之風。對天鴻休。登斯民太平之世。此證。

授黎副總統大勳位證書

蓋聞旂常紀錄。夔龍光炳。平日星。圭瓚策勳。召虎名高於江漢。惟茂庸之卓著。斯榮典之先頒。副總統黎元洪。威振鷹揚。休徵虎變。建上流之旗鼓。作鎮荆襄。復大漢之衣冠。澄清華夏。佐開基之景命。宜絕席以崇褒。本大總統。依勳位令。第一條。親授大勳位。以彰殊績。受茲元祉。符丹書鐵券之銘。嘉此懿勳。式金版玉璫之烈。此證。

授前國務總理唐紹儀勳一位證書

蓋聞休徵和會。車書大一統之規。禮重策勳。俎典辨五章之等。前總理。唐紹儀。葉重金。甌。望隆玉玷。艱難締造。奠坤維。鼇戴之基。吟域融和。息乾野龍羣之戰。爰溯大勳之集。宜崇進位之褒。本大總統。依勳位令。第一條。親授勳一位。以彰殊績。受茲元祉。協儲堂。赤烏之儀。嘉此懿勳。式金版玉璜之烈。此證。

授前司法總長伍廷芳勳一位證書

蓋聞以德詔爵。戰在司士之書。民功曰庸。實著太常之籍。前司法總長。伍廷芳。望重。超。文逾隨陸。化戰爭爲揖讓。信在片言。由擾亂進昇平。功歸先覺。凡茲勞動。宜有彰施。本大總統。依勳位令。第一條。親授勳一位。以彰殊績。受茲元祉。同丹書白馬之盟。蔚爲國禎。式金版玉璜之烈。此證。

授江蘇都督程德全勳一位證書

蓋聞上流作鎮。偉陶侃之殊勳。大國開藩。崇郗恢之峻望。維上功之卓著。斯榮典之特頒。江蘇都督。程德全。西蜀夔龍。東周召虎。誓師吳會。天戈麾反正之雲。開府江南。旌旆。意來蘇之雨。既勳高於特等。宜位進以崇班。本大總統。依勳位令。第一條。親授勳一位。

以部殊績，蔚奇花於旌節。德威揚仗鉞之稜，麗粉藻於旂常。休烈鏤銘金之版，比證

授陸軍總長段祺瑞勳一位證書

蓋聞凌煙圖畫，垂褒鄂之英姿。吉日攻同，紀召方之偉績。陸軍總長段祺瑞，總攝師干，翊扶民國。周太尉志安漢祚，軍懷左祖之忱。管夷吾定霸齊邦，民受一匡之賜。爰佐大勳之集，宜崇進位之褒。本大總統依勳位令第一條，親受勳一位，以章殊績。夏官分職，德威揚仗鉞之稜。盟府載書，休烈耀銘金之版。此證。

授直隸都督馮國璋勳一位證書

蓋聞象占天鉞，樞垣垂經武之儀。銘紀太常，盟府著策勛之典。直隸都督馮國璋，威振鷹揚，材爛約略。統禁軍於龍武，三輔欽大樹之名。開雄鎮於燕圻，萬里倚長城之重。既勳高於特等，宜位進以崇班。本大總統依勳位令第一條，親授勳一位，以彰殊績。典隆分陝，等彤弓旅矢之文。功在開基，式金版玉璜之烈。此證。

授陸軍中將孫武授一位證書

蓋聞揮戈反正，功肇造於開基。舍爵策勛，典備隆於盟府。上將銜中將孫武，氣薄風雲。

志貞金石。羣龍戰野。啟景運於元黃。一鶚凌霄。樹先聲於江漢。已備受服之禮。宜膺進位之榮。本大總統。依勳位令第一條。親受勳二位。以獎殊庸。班列信躬。用錫庸功之奏。光昭竹帛。常垂首義之膺。此證。

授梁士詒勳二位證書

蓋聞運邁雲雷。乃有非常之業。志安區宇。端資不世之才。秘書長梁士詒。誠貫韜鈴。籌深帷幕。軼唐家之房杜。謀斷兼長。失漢室之蕭曹。指揮悉定。敦槃會合。泯羣雄猜忌之嫌。輪軌交通。肇一統車書之盛。允念艱難之締造。彌懷密勿之經綸。本大總統。依勳位令第一條。授以勳二位。以嘉乃績。春風衣錦。慷慨登尉佗之臺。天漢洗戈。巍峨式伏波之柱。此證。

附孫中山辭勳位電

奉真電特授文大勳位。無任慙惶。去歲民軍起義。東南十餘省。已次第光復。文甫歸自海外。其時因國內同胞感情。尙有隔閡。須急謀統一。組織臨時政府。勉從衆議。承乏南都。後賴我公。以救國決心。力全大局。幾經艱苦。乃有今日。文始終。因依其間實

無功可述。今承大勳。特授殊榮。中夜捫心。適以滋愧。且文十餘年來。持素民主義。不欲於社會上。獨占特別階級。若濫膺勳位。殊與素心相違。務乞鑒茲微悃。收回成命。實深感荷。

附黃克強辭勳位電

奉真電。授勳一位。聞命之下。無任惶愧。竊維民國肇造。烈士堪悲。國慶紀念。彌增感痛。興歷年奔走。幸保餘生。分所應爲。何勳可紀。前辭上將。已述苦衷。今茲殊榮。更非敢受。伏乞我大總統。俯鑒微忱。收回成命。勿以一再辭謝爲罪。庶幾九原可作。不因濫賞而懷慙。入表重新。長享平民之幸福。臨電恐懼。務祈鑒原。黃興叩。

附黃克強辭上將電

大總統賜鑒。元年九月七日。奉鈞令。授與爲陸軍上將。聞命之下。悚媿莫名。竊維國重名器。賞必當功。學貴專門。用須求實。興湘上書生。軍旅之事。本未嘗學。壯歲東游。外觀列強之趨勢。內憂國本之阡危。以爲專制政體繁興。譁疾養癰。決不能却弊求存。吾國非痛加改革。創建共和。俾全國人民。共負責任。無以立於世界競爭之場。因

平度德量力。聯合同志。潛謀起義。以爲挽救。十年以來。屢蹶屢起。中隔亡命海外。雖不敢苟且旦夕。愛惜餘生。然多敗垂成。實無功可紀。去歲武漢。首舉義旗。各省響應。卒致全體贊成。建設民國。時僅三月。兵不蔓延。而大局畧定。皆出於我大總統。救國之決心。與全國同胞之毅力。輿隨諸君子後。強効馳驅。本國民分所應爲。乃蒙寵以殊榮。儕之上將。是輿以不諳武學之身。濫竽軍界。夫在揭竿而起之時。事務雜遝。患難生於俄頃。固不暇自審其所能。今日整軍經武。方爲國家謀久遠。豈可瞽然自任。若徒擁虛名。更非民國所宜。才同下駟。位竊軍榮。時值種瓜。功非老將。倘竟彼此榮名。恐無以厲戎行。而召來茲也。况復河口燔師。喪吾精銳。粵城苦戰。失我良朋。以及歷年各處相從起義。或運動革命而身死。妻子離散。久陷囹圄者。數且以千百計。漢陽之役。輿尸道路。皆爲輿生平至痛之事。今獨以僥倖殘生。視膺上賞。回顧荒原白骨。塚且疊疊。共和造成。皆諸先烈之碧血所化。曾記日本社會黨。有歌云。〔彼大將胸間。極光華燦爛之物。原非至榮譽之金鵝勳章。乃爲最可憐之兵卒。憫憫。〕今之上將頭銜。何以異此。此則輿五夜捫心。誦一將功成萬骨枯之句。而悲不自勝者也。

辨懇我大總統。俯鑒愚忱。而重視名器。不可濫假。收回成命。使輿得爲共和國民。免滋咎戾。實所感激。不勝屏營之至。黃興謹上。

復黃克強電

真電悉。人慶共和。君增感痛。至情至性。可泣可歌。但此次旌異元功。本非加重個人之榮名。實以移易國民之心理。卽諸烈士九原。亦當表示同情。執事介節孤芳。固足風世。然爲任事諸君計。爲鄙人計。萬望勉抑高懷。勿再辭謝。否則忝爲公僕者。皆將以平民自居。惟執事圖之。

附黃克強覆電

袁大總統鈞鑒。寒電敬悉。至誠可感。輿雖頑鈍。亦應無詞。然以十年奔走之身。追念患難舊侶。多遭慘斃。獨膺上賞。祇增淒痛。一再辭謝。亦實求其心之所安。他人所遇。或有不同。未可例視。於國民心理。尤覺無關。務乞我大總統。曲諒愚忱。收回成命。使魂夢稍安。則感激之私。更切於受賞。冒昧瀆陳。祈賜鑒允。黃興叩謝。

袁大總統書牘彙編

袁大總統書牘彙編

卷三

曉諭



袁大總統書牘彙編

批牘

覆副總統辭兼領湖北都督呈

來牘閱悉。成功不居。上德若谷。事符往籍。益歎淵衷。溯自清德既衰。皇綱解紐。武昌首義。薄海風從。國體既更。嘉言益著。調停之術。力竭再三。危苦之詞。書陳累萬。痛洪水猛獸之禍。爲千鈞一髮之防。國紀民彝。賴以不墜。贛寧之亂。坐鎮上游。七粵不驚。指揮若定。呂梁既濟。重思作楫之勛。庶淵弗沈。追論搃戈之烈。凡所規畫。動繫安危。偉業豐功。彪炳寰宇。時局粗定。得至京師。听夕握譚。快傾心膈。褒鄂英姿。獲瞻便坐。迭現同志。永矢舉生。每念在莒之艱。輒有徵管之歎。楚國寶善。遂見斯人。迭據面請。免去所領湖北都督一職。情詞懇摯。出於至誠。未允施行。復有此牘。語長心重。慮遠思深。志不可移。重違其意。雖元老壯猷。未盡南服經營之用。而賢者久役。亦非國民酬報之心。勉遂謙讓。姑如所請。國基初定。經緯萬端。相與有成。期我益友。嗣後凡大計所關。務望遇事指陳。以匡不逮。昔張江陵恒言。吾神游九塞。一日二三。每思茲語。輒爲敬服。前型具在。願共

勉之。此覆。

附黎副總統辭鄂督原呈

竊元洪。屢觀鈞頤。仰承優遇。恩逾於骨肉。禮溼於上賓。推心則山雪皆融。握手則池冰爲泮。馳惶靡措。誠服無涯。伏念元洪忝列戎行。欣逢鼎運。屬官吏播遷之衆。承軍民擁戴之殷。王陵之率義兵。堅辭未獲。劉表之居重鎮。勉力難勝。泊乎宣布共和。混一區夏。荷蒙大總統。俯仍舊貫。悉予真除。良以成規久圯。新制未頒。不得不沿襲名稱。維持現狀。元洪亦以神州多難。亂黨環生。念瓜代之未來。顧豆分而不忍。思欲以一拳之石。暫砥狂瀾。方寸之材。權撐圯厦。所幸仰承偉畧。乞助雄帥。風浪不驚。星河底定。獲託威靈之庇。免貽隕越之羞。蓋非常之變。非大力不能戡平。無妄之榮。實初心所不及料也。夫列侯據地。周室所以陵遲。諸鎮擁兵。唐宗於焉弛躡。六朝玉步。蛻於功人。五代干戈。胎自驕將。偶味保身之哲。遂叢誤國之愆。災黎填於壑。而罔聞敵國入於宮。而不恤遠穉往乘。近覽橫流。國體雖更。亂源則一。未嘗不哀其頑梗。憎莫懲嗟。前者贛水弄兵。鍾山竊位。三邊酬諸異族。六省訂爲同盟。元洪當對壘之衝。亦尙盡同舟之誼。乃罪言勿納。

忠告罔聞。哀此苦心。竟逢戰禍。久欲奉還職權。藉資表率。祇以兵端甫啟。選典未行。暫忍負乘致寇之嫌。勉圖扶杖觀成之計。孤懷耿耿。不敢告人。前路茫茫。但斬救國。今者列強承認。庶政更新。洗武庫而偃兵。做文園而弼教。際四海困窮之會。急起奮遲。念兩年患難之場。廻思尚悸。論全局則須籌一統。論個人則願乞餘年。倘仍恃寵長留。更或陳情不獲。中流重任。豈忍施於久乏之身。當日苦衷。亦難曝諸無稽之口。此尤元洪所冰淵自懼。寢饋難安者也。伏乞大總統矜其愚悃。假以閒時。將所領湖北都督一職。明令免去。元洪追隨鈞座。長聽教言。汲湖水以澡心。擲山雲而鍊性。幸得此身健在。皆荷解衣推食之恩。倘遇邊事偶生。敢忘援甲執兵之報。伏居待命。無任屏營。

批唐總理辭職呈

據呈已悉。前因該總理患病。特准給假五日。派陸徵祥暫行代理。方冀早就痊復。尅日視事。茲據來呈。聲稱連日延醫診視。舊病漸劇。懇請准免國務總理本官各等情。披閱之餘。曷勝系念。該總理於共和宣布以前。南北奔馳。爲民國効勞備至。及就任總理。經營學畫。錯節盤根。困苦艱難。非可言喻。民國草創。正賴長才。豈容聽其退休。失其臂助。

特以情詞懇摯。出於至誠。不得不諒其苦衷。遂厥初志。應即准允。請免國務總理本官。任爲政府高級顧問。仍望趁此寬閒。勉自調護。以養疴之餘暇。備政治之諮詢。將來倚重正多。當有以副國民之望。此批。

附唐總理辭職呈

爲病難速痊。呈請解職調治事。竊紹儀因病請假。赴津就醫。荷蒙大總統允准在案。連日延醫診視。舊病轉劇。回思去年迭遭家難。閉戶養疴。久已無志於宦途。自分沉埋而沒世。嗣奉派充議和代表。痛時局之阨危。哀民生之蕩析。不敢自逸。力疾馳驅。數月之間。寢食失常。憂勞過甚。精力愈憊。猶幸戰禍已息。國事聿新。冀可葆素休神。從容調攝。詎意百廢待舉之餘。忽受首攬政綱之命。自揣病軀。敢膺重寄。徒以南北初合。政府未成。勉竭愚庸。罔辭勞怨。視事以來。夜不成寐。日必發寒。竭蹶以從。未敢言疾。然而蒲柳之質。非可禦疾風。驚胎之材。不足致千里。馳至今日。懼膏肓之漸入。捐項踵而何裨。惟有懇請大總統俯鑒愚忱。准免國務總理本官。迅簡賢能接任。以維大局。俾獲乞靈藥石。退處清閒。冀得痼疾之稍瘳。長享共和之幸福。無屏營待命。

之手。謹呈。

批財政總長熊希齡辭職呈

據呈已悉。該總長所稱困難情形。本大總統亦所深悉。當此財政拮据。險象環生。吾輩既受國民委託。爲兩害取輕之計。卽名譽亦應犧牲。但求事實進行。不至停滯。該總長苦心孤詣。素以國家爲前提。榮根錯節。乃別利器。萬勿稍存退志。以致全局動搖。所請重申前議。迅予解職之處。斷難照准。此批。

附原呈

爲呈請事。竊於本月二十九日准國務院咨。稱奉大總統發下本總長辭職呈文批。開據呈已悉。該總長接任以來。舉實措置。悉臻妥協。商議借款。尤具苦心。現在交涉甫有頭緒。更未便遽行引退。至所稱物議沸騰。實由外交無術。以致失敗等語。查此事前經總長隨時面陳一切。復經國務會議。由國務總理簽字。無庸引咎自責。當此國步艱難。該總長當以國家爲前提。勿以潔身爲盡職。務望熟權時勢。勉爲其難。所請辭職之處。礙難照准。此批。等因奉此。敬聆之下。仰蒙大總統勉諭至意。本總長雖

極庸愚。亦豈不識國家之危險。應盡公僕之義務。無如就職以後。南北兩京。均值財政奇絀之際。危險狀況。又在頃刻之間。外界則乘我危。急要挾愈堅。內部則不問財政之緩急。惟實其立撥巨款。應付稍遲。恫嚇即至。非曰咎有攸歸。即曰誰任其咎。本總長既乏點金之術。豈能無米爲炊。近因墊款章程。各省反對。實備之言。無慮數千。而接濟之餉。不見涓滴。雖湖南電允籌助三十萬金。然祇能供南北兩京二日之用。其餘各省。半無復音。岌岌情形。不可終日。設有饑軍之譁潰。又爲本部之愈尤。此外黨派紛爭。猜疑惡感。在在皆爲政界之障。希齡倘再不知進退。對於國家。恐無絲毫之益。而有邱山之損。用敢重申前議。伏乞大總統迅予解職。俾免隕越貽羞。不勝迫切待命之至。須至呈者。

批教育總長蔡元培辭職呈

來呈閱悉。該總長道德高尚。學問湛深。夙所敬佩。當此時局艱難。該總長素以愛國爲前提。則此外之得失是非。皆可勿計。前經面請辭職。當已再三慰留。至唐總理因病去職。於政治上本無關係。萬望念國民付託之重。與士類企望之殷。勉抑高懷。同扶大局。

安危所繫。披瀝言之。

附原呈

爲呈請辭職事。元培迂愚無狀。猥承任命。承乏國務院。兩月於茲矣。以大總統之英明。唐總理之同志。鑿謂追隨其間。尙能竭千慮之一得。以貢獻於民國。不圖理想與事實。積不相容。受事以來。旅進旅退。毫不能有所裨益。始信國務重大。誠非迂愚如元培者。所能勝任。屢欲提議辭職。而國務院爲有機體。國務院中之一員。不得有單獨行動之自由。牽率因循。負戾滋重。今值總理辭職。國務院當然解散。元培竊願還我初服。自審所能。在社會一方面。盡國民一分子之責任。以贖二月來負職之罪。爲此呈請辭職。伏乞照准謹呈。

批司法總長王寵惠辭職呈

來電已悉。司法行政。爲立國要素之一大部分。該總長湛深法學。衆望久孚。現當國事艱難。萬端待理。雖大體業已粗定。而前途渺無津涯。所賴羣策羣力。共扶大局。若復連翩遠引。其如國事何。所請辭職之處。實難照准。

附原呈

爲呈請辭職敬避賢路事。寵惠前奉任命爲司法總長。自知學識褊淺。不足膺茲重任。祇因時局艱難。政府急待成立。是以不辭濫竽之譏。勉力就任。視事五旬以來。時形凋蹶。現在地方秩序。漸次回復。人心既安。大體已定。若再戀棧不去。深恐隕越貽羞。爲大總統知人善任之累。用敢披瀝愚忱。懇請辭職。以避賢路。理合呈請鑒核。俯賜批准。不勝屏營待命之至。謹呈。

批農總長宋教仁辭職呈

來呈閱悉。該總長學問優長。究心政治。民國前途。正資倚任。現當臨時政府期內。國務員不宜更迭。實爲全國公言。該總長平生立志。向以國事爲重。則此外皆所勿計。來呈謂不敢以一人之故。搖撼大局。斷章取義。易地皆然。謀國之忠。固當如是。若云念母恩歸。捧書涕泣。具見孝養至情。惟攬轡澄清。正賢母開顏之日。況今交通便利。板輿迎養。尙無跋涉之勞。報國奉親。公私兩盡。該總長素明大義。決不以獨善爲高也。

附原呈

爲瀝陳下情。懇准辭職事。教仁自奉鈞命。承乏農部。夙夜祗懼。期於國事。稍有裨益。乃任事已三月。部事既未就緒。國務亦不克有所贊助。俾僉之譏。在所不免。雖由於開創時代。建設事業之不易。實由於教仁政治之素養與經驗不足。有以致之。撫躬自問。深爲惶恐。屢欲向我大總統呈請辭職。以避賢路。以民國新立。人心易動。不敢以一人之故。搖撼大局。故隱忍未發。今者國務總理唐紹儀已辭職。國務院亦有改組之勢。教仁竊幸得告退之機會。謹披瀝下情。懇請准予解職。抑教仁更有不能已言者。教仁少孤。長避地東瀛。歷十餘年。未嘗一歸覲也。邇來祖母長兄。相繼去世。惟母氏撫媳課孫。撐持門戶。近且七旬矣。思子情切。門閭倚遍。每手示促歸。謂教仁知有國而不知有家。知有親愛同胞。而不知有生身之母。教仁捧書涕泣。悔恨者久之。終以迫於舊政府禁忌。欲束裝而不能。然當陰雨晦暝。或長夜不寐。時一念及鞠育之恩。未嘗不撫膺長嘆。冀早畢吾事。而因得稍伸其孝悌之誠。今共和告成。國基底定。正教仁退休故園。定省溫清之日也。儻猶遲遲戀棧。上何以慰慈幃之望。下何以問人子之心。卽向之海外羈遲。亦將無以自解。人孰無情。教仁獨忍出此耶。伏維大

總統俯鑒愚忱。准解農林總長之職。俾得歸省慈幃。遂烏私之養。作太平之民。是所至願。教仁思親情切。率直上陳。不勝迫切待命之至。謹呈。

批署工商總長王正廷辭職呈

來呈閱悉。前因陳總長遲滯不至。部事無人主持。是以該署總長署理此缺。今總長一席。仍在虛懸。而時事之艱。無異往日。該署總長。素以愛國爲前提。尙期貫澈始終。毋萌退志。所請開去署工商總長及次長之處。礙難照准。

附原呈

爲呈請事。竊正廷以樗櫟之材。辱承大總統委任工商次長。自度才力菲薄。難膺重任。第念民國新立。天下士夫望治情殷。又以總長在滬。不能不暫時承乏。故正廷慨然受職。勉任其難。曾經電陳鈞座。一俟部務粗就。卽當解職。以避賢路。乃總長遲滯未至。而組織部務。委任部員。又不遑暇待。大總統計出權宜。委署總長。正廷俯念時艱。大義所在。不敢膠持私見。冒昧受職。數旬以來。夙夜兢兢。時虞隕越。今幸部務粗定。可以重申前請。以踐初志。務乞大總統鑑其愚忱。准其開去署工商總長及次長

之職。俾可從民國之後。改良社會。輔助盛明。實如至願。伏祈批示。祇遵。謹呈。

批陸總理辭職呈

來呈閱悉。該總理久歷歐州。於世界大勢。瞭如指掌。任職以來。各國駐使。過從歡洽。本大總統方爲得人慶。現當政治革新之際。國內政治。多與外交相關。本大總統與總理向無一面之緣。所以相需甚殷者。正爲國步艱難。擇賢而治。若總理再有更動。險象之來。不可思議。非獨羣情惶惑。卽各國其謂我何。來呈謂非彼此求逞之時。更無互相讓過之地。苦心孤詣。務請正當勉爲其難。萬不可仍存乞退之心。而陷國家於危險之地也。所請開去國務總理及外交總長之處。萬難照准。此批。

批國務總理陸徵祥請免國務總理本官呈

據呈已悉。該總理才識宏通。望符中外。前因病請假。特准給假五日。俾得安心調治。嗣迭據呈請免官。本大總統以得人綦難。復兩次給假。並遴員接任外交總長。以分其勞。方冀速就痊愈。出任國事。茲復據呈請免除本官。謙抑懇切。情見乎詞。未便再行強留。應准如所請。准免國務總理本官。任爲外交顧問。仍希遇事贊襄。以匡不逮。是所至望。

此批。

批國務總理趙秉鈞辭職呈

據呈已悉。該總理病體未痊。應再給假半月。安心調治。所請免官之處。仍毋庸議。此批。

附原呈

爲呈請事。竊秉鈞前因患病。呈請免官。未邀鑒允。嗟跽久病。屢展假期。有曠職司。莫名媿疚。初擬調治就愈。勉任艱難。乃近日細察病情。迄未瘳減。目昏頭眩。不能起立。自揣衰弱至此。斷難再任繁劇。伏念國會肇啟。庶政正繁。忝綜中樞。職任綦重。卽以內務行政而論。維持秩序。保衛治安。在在均關緊要。在代理各員。雖未存五日京兆之念。要必責成之專屬。庶幾治具之克張。况邊事方殷。時艱益迫。國務重任。尤貴得人。秉鈞政府備員。於茲經歲。春冰虎尾。隕越時虞。卽使竭其鶖庸。猶懼鮮所裨補。乃值衰病侵尋。心餘力絀。更何敢因循貽誤。上負厚期。再四思維。惟有籲懇俯察下情。准免國務總理內務總長本官。遴員繼任。俾得安心調攝。庶可早就痊平。將來聞散小差。尙可勉圖效用。無任迫切待命之至。謹呈。

批國務總理熊希齡辭職呈

據呈已悉。該總理兼任艱鉅。夙矢精勤。前者陳請辭職。特許免兼財政。以節賢勞。至於任重鈞衡。方冀情深維繫。乃仍申前請。彌切去思。念時局之多艱。思得賢而共理。再三慰留。並命國務員合詞敦勸。維舟楫共濟之忱。深切金玉爾音之感。既執祛之莫遂。悵回轡以無從。勉順所陳。准免國務總理本官。此時高引。諒有幸於遂初。他日許謨順無忘於辰告。此批。

附原呈

爲呈請事。竊希齡。以才力竭蹶。貽誤國是。懇請退避賢路。乃蒙鈞諭。優嘉。僅准免其兼任。希齡自顧何人。敢再瀆請。惟是泛水之舟。操舵者既無駕駛能力。必須易人。乃可渡登彼岸。時局艱危。無以異此。倘自知其力不能勝。而復勉強支持。將恐戰骨及溺。補救爲難。希齡一身不足惜。其如國事何。謹再陳情。伏乞俯如所請。另簡賢員。擔任國務。俾得少免咎戾。曲荷保全。無任感悚待命之至。謹呈。

批湖北內務司長饒漢祥辭職呈

據呈已悉。該司長任事以來。措置具臻周妥。值茲建設伊始。倚畀方殷。尙祈勉濟艱難。共圖上理。所請辭職之處。應毋庸議。卽由該部轉行知照。此批。

附饒漢祥辭職原呈

竊漢祥曾陳請辭職。未蒙矜允。重尋高軒之過。溼承溫語之頒。曠懼自天。馳惶無地。伏念漢祥素淡宦情。性耽禪悅。遭家多難。處世乖方。寒草腐於特生。孤桐摧於半死。鬪牧野誓師之日。懷玉關投筆之心。偶際明時。遂參戎幕。杖策之知。乍深於高密。解衣之愛。遠過於淮陰。猶復升諸公府。試以吏才。既陪顧問之班。復受旬宣之寄。所謂施恩之重。熬背戴夫神山。效命之輕。鴻毛沈於弱水。况復牖戶深搖。舟橋掀簸。不遑烈火。誰識芳蘭。未遇疾風。豈知勁草。當錯節盤根之局。正磨光刮垢之機。何至觀龍門之峻。遽返游魚。覩衡嶽之艱。便迴征雁。然自權本職。已歷五旬。黃河濁而阿膠微。龜山高而斧柯弱。畫地爲獄。不化互鄉。閉門造車。難行迷澤。逃兵櫛地。則弭盜才疏。頑民盾天。則催科政拙。曲防嫁患。空歎葵丘之盟。自治藏奸。莫問藍田之約。行政之費。既東補而西虧。禁烟之刑。復此擯而彼縱。念法權之獨立。痛民氣之紛囂。凡茲

足適屨之謀。適成掩耳盜鈴之政。重以官制糅雜。法令紛歧。破銅鏡以分持。舉玉棋而不定。當百孔千瘡之後。比虎尾而尤危。處中央支郡之交。較蜂腰而更弱。舉千鈞之鼎。適以促其折臚。離四面之繯。不足形其掣肘。何況萬馬合圍。羣龍集隙。賈復何者。櫻禁令而自彘。元載故人。挾薦書而相迫。論政綱者入主出奴。譬安世爲朔黨。馮鄉誼者。遠涼近熱。詆曲江爲南人。劉峻絕交之論。楊松怨望之書。梁惲告訐之章。王尼題柱之謗。皆莫不吞聲忍受。唾面自乾。公事逆於龍鱗。私仇高於熊耳。每於賓僚散後。案牘闌時。山雨打窗。則心穿蕉葉。江風扇枕。則骨碎蘆花。四山唳鶴。如聞哀怨之聲。三峽啼猿。誰諒繁冤之吭。藐余小子。逢此百罹。秋荼尙甘。凍雀猶樂。念入生之到此。知我罪之伊何。近更美狄瓊生。虛邪杳至。足欲行而頭弱。手將舉而背虛。出語則舌結難伸。加餐則胃翻不納。宗筋內潰。非良藥所能施。督脈中頹。豈神針之可正。幸心魂之未泯。得驅壳之猶存。偷再貪狗芋餌。沾縛藕膠。翰翰之寇已盈。猩猩之迷如故。神龜受困。斷無不死之期。仙鶴被創。豈有重生之望。我民政長哀矜僚屬。嘉惠厚生。布政則天歛歎聲。發言則地消憂氣。豈忍使哀鳴之鳥。長閉樊籠。跪泣之羊。還

登鼎俎。必欲爲釜底燃箕之計。亦恐非窗前護草之心。溯自磨盾濡毫。拔矛浙米。沙中偶語。幾蹈危機。市上傳呼。頻聞變警。沙蟲未化。猶揮討賊之文。風鶴交播。尙草安民之誓。書盈篋而不恤。矢抵七而仍留。旣不似泉石以鳴高。亦不因風潮而避險。切心耿耿。萬劫難磨。前路茫茫。百端交集。果使有一線光明之望。何至懷半途輟棄之思。傷危崖之勒轡。已損殘軀。痛泉水之出山。自污清操。命之不造。知復何言。伏乞矜此餘生。尤其前請。赦靈犀於陷阱。援窮蟻於江濤。俾從此頤養太和。沾溉餘澤。塵平山下。爲打包之僧。卑田院中。作題詩之丐。幸得危魂尙駐。當長供一瓣之香。即使枯骨難蘇。亦永結三生之草。言盡於此。泣不成聲。所有辭職各緣由。理合呈請迅予批示。祇遵。

批饒漢祥再請辭職呈

批據呈已悉。饒漢祥應准給假兩月。俾資調攝。所有湖北內務司長一職。卽由林殿香暫行代理。此批。

附湖北內務司長饒漢祥辭職呈

由民政長轉呈

竊漢祥猥以疎狂。謬膺繁劇。辭書多於積雨。歸志急於流星。乃蒙大總統優予慰留。辱加訓勉。雖相依頑石。猶且點頭。豈臨去痴銅。不知墮淚。然睽勉馳驅之日。正危疑震擗之交。廂宮道而吠聲。賊臨崖而射影。重以文書委積。賓客喧闐。殘更警於五鳴。糲飯疲於三吐。遂致鶴創益劇。雞骨難支。彌月以來。虛陽僉上。冷煖之玉。併於齒牙。陰陽之燧。離於心腎。念節宣之久失。恨攻補之無從。非有圍城之警。而臥少於鯨魚。非有栖谷之方。而飲微于鼯鼠。譬之強弓屢挽。終贖殘弦。明鏡頻磨。空留碎影。斯固鴻鴻敷石。已無護於生前。蜻蜓化珠。難有期諸死後者也。伏念漢祥却運頻更。名心久化。盟鷗作友。誨鷓爲徒。火山之樹。原不丐夫慈雲。冰谷之瓜。亦何勞於藹日。當此風崖瀕洞。藥石纏綿。顧鵬憂年。聞鵠憫世。以孱軀尸要位。既違任事之心。以傲骨處危時。尤味保身之訓。設使魚勞不息。烏倦仍飛。豈惟輕入公門。喪千年之異質。亦且久妨賢路。遺一路之哭聲。我民政長慈鳩釀性。怖鷓流恩。神仰屋而翰情。鬼登樓而吐款。縱一夫痛癢。難回造物之心。而三楚瘡痍。應動仁人之念。伏乞相親。審步。遴選替人。洗釜而出勞薪。脂車而更朽索。或者使東萊仙樹。仍復創痕。西域佛教。重回焦

色。感銜輝於再世。矢效命以他年。不然回太行之馭。尙惜完軀。挂神武之冠。豈需朝命。雖李密之陳情不察。而范蠡之行意可師。漢祚六祈具舉。三宿難淹。惟有懸印梁間。遺書案上。指暝烟而遠蹈。抱明月以長終。蓋窮鳩既竭於告哀。斯愈歷不遑於擇步。彈毫淚注。露表魂馳。漢祚更有請者。在昔五憶之歌。出西京而增戀。九章之賦。望北渚而興愁。吾鄂久被水災。迭罹兵禍。邑有曲防之習。鄉無負販之儀。夫戶籍之法不設。將何以敷國政。河渠之書不講。將何以厚民生。明知點石方窮。量沙術竭。固息壤有難封之穴。亦讓臺無可上之階。然而掘井不先。補牢將晚。水淹歷郡。魚龍隨奴婢同流。火熱吳宮。燕雀與嬪娥並散。况復木丸結舌。銅鼓驚心。舞文之吏。拔諸輿臺。偃武之兵。流爲盜賊。劉崇龜之不作。李臥虎之云亡。臨渝關外。尙有冤魂。咸陽獄中。非無憂氣。雖嬖婦有當機之戚。而皇尸無越俎之權。尤祈軫念編氓。統籌全局。秉結露成霜之戒。施披雲見日之仁。夫風門不敗。卽外感潛蠲。水鼎長調。則真元自固。屬祇廟鳴狐之會。當神臬逐鹿之衝。聽狂潮于海上。方雜車聲。望亂石於江邊。亦埋兵氣。麤生入座。無酒猶頰。鮑老登場。有絲亦倒。必道力較冤而更長。斯詭言隨厲而俱

消。漢祥散木雞勝。罪花已茂。募喪度之頭。久聞蜚語。抉伍胥之目。終慮危機。此又曲突徙薪。敢進行人之諫。逝梁發句。尤深去婦之思者也。所有仍請辭職各緣由。理合呈請民政長。轉呈大總統。簡員接替。並一面先委代理。以免延誤等情。據此。查該司長學識優長。規模宏遠。前由副總統秘書。蒙大總統特達之知。簡署湖北內務司長。供職以來。於吏治警察禁烟隄防諸要政。俱能積極進行。認真整理。鄂中內政。深資倚畀。似未便以採薪之憂。遂掛冠之志。任卸仔肩。置諸閒散。惟該司長積勞致疾。本係實情。若不稍予體恤。亦非所以愛惜人才。激勸多士。應請賞假二月。以便調攝。而收後效。至內務司長一職。關係重要。亟應遴員代理。以重職守。查有該司第一科長林殿香。老成諳練。政學頗優。堪以代理。除由憲康權行委任。並呈內務部外。所有署理湖北內務司長饒漢祥。應請賞假兩月。委員代理。未便准予辭職各原由。是否有當。理合具文呈請鑒核。轉呈等情到院。理合據情轉呈大總統鑒核。批示遵行。謹呈。

附湖北民政長饒漢祥辭職呈

漢祥猥以書生。欣逢景運。循涯積蘗。負乘叢尤。兩稔以還。百權交萃。含煎茹苦。暴虎

匪危。殷憂極於中年。孤抱窮於下達。祇以地處要衝。天方多難。受大總統知遇之感。圖報未遑。從副總統患難之中。欲行不忍。譬之菴心已斷。尙戀慈暉。馬足雖瘡。猶懷舊主。今者邦基鞏固。海宇乂安。子房之封大邑。既非素心。買臣之守故鄉。尤多慚德。前陳管見。曾言土著之非。昨觀鈞頤。復展歸田之請。夫岐伯養老。夷尙同典。燕王求賢。毅辛咸集。豈緊蒙昧。獨負生成。蓋人困則呼天。而物窮則思返也。伏乞大總統投以赤心。肉之白骨。卽予開去湖北民政長署缺。漢祥浪迹四方。離家數載。寒梅將放。殘菊猶存。樵漁之迹尙約。記夫舊遊。琴鶴之風。幸未虧於先德。方當一行。將毋再事從公。矜此勞人。暫遂還山之願。生當盛世。敢懷警墓之心。掬胆陳情。屏營何暨。再漢祥自奉。召赴京後。本府一切事宜。已交教育司長時象晉代折代行。謹再聲明。並希鑒察。

批馮上將等請封禁報館呈

呈悉。所控北京中國報。損害名譽。破壞國家一節。殊堪痛恨。惟造謠生事。該報已自貶其價值。一經辯明。是非立見。况查該上將等。業已通電辯誣。似無須再爲過慮。當向該

報自行函請更正。以期和平了結。本大總統尊重言論。不忍過事摧殘。而共和國亦許言論自由。載在約法。雖該報不知自愛。顛倒是非。惟社會自有公評。所謂封拿之處。應毋庸議。此批。

批財政總長周學熙請派員視察各省財政呈

據呈閱悉。自民國成立以來。內外上下。莫不以財力困難爲憂。因財力困難。而政務停滯。因政務停滯。而理財計畫。益無從措手。政費餉需。拮据於內。洋債賠款。敦迫於外。民國前途。致日陷於危境。言念及此。憂心如焚。該總長所請派員周歷各省。切實考察財政事宜各節。誠爲當務之急。單開各員。均尙妥洽。准即派令分途前往。並著傳令各該員。須知此次派遣。實爲財政整理之預備。卽爲全國存亡之關鍵。務將現在各省爲難情形。中央困苦狀況。以及稅項之如何區分。歲入歲出之如何確定。與各省都督民政長。剴切熟商。籌擬辦法。報部彙案。呈候核奪。是爲至要。

批京師大學校校長何燿時呈

據呈已悉。北京大學校。爲全國模範。關係重要。乃自去年以來。該校學生。屢滋事端。均

未深究。以致習爲驕縱。毫無顧忌。近日竟有在校開會。迫責校長辭職情事。謬妄已極。應由教育部。將滋事學生。嚴切查辦。毋稍寬假。嗣後關於教育行政。一以整齊嚴肅爲主。以端士習。而挽學風。是爲至要。此批。

附大學校校長何燭時原呈

呈爲學生聚衆迫脅。呈請察核事。竊燭時自奉大總統任命。署北京大學校長。蒞事以來。凡關於學生功課之事。靡不悉心推究。迭經商承教育部長。認真辦理。罔敢或有玩愒。本校下學年開辦分科。前經迭商教育部商訂招生辦法。以大學規程第四條。既有前項預科。或與預科相當之學校。非遵照本規程辦理者。畢業生應行入學試驗之規定。本校舊班學生。入學之時。在大學規程公布之前。爲期甚遠。將來升入分科。應卽同受入學試驗。前經陳明教育部。附呈招生表。懇請教育部察核在案。自招生表刊印之後。本校學生。有見此表者。曾來詢問。當告以應受試驗理由。先前預科學長胡仁源。亦曾面告預科舊班學生。謂將來升入分科。應受試驗。該生等未有異說。本月二十六日燭時到校。當有管理各員前來報告。校內各處。徧貼匿名告白。

當飭數員。揭取閱看。大概以反對入學試驗爲主。或涉及他事。措詞狂謬。無與比倫。因告白盡係匿名。未便懲辦。正在詳細調查。突於二十七日下午。該生等在校內開會。當時以該生等。或係討論章程。未便阻止。於斯之時。燭時已將布告發出。申明應行試驗理由。並將匿名揭貼一事。略由儆戒。繼有多人。至本校校長室請燭時到會。質問。燭時以學生開會。無到場之必要。未允所請。該生等遂蜂擁齊至校長室。約有百數十人。燭時出爲解釋。應行入校試驗理由。該生等一味不理。任意咆哮。秩序大亂。並強燭時必須辭職。並須親書證據。種種脅迫。勢將用武。不得已照書付之。該生等始行退出。此當時該生等聚衆脅迫之實在情形也。當時因校長室之門。盡由該生關閉把守。已失自由。故不能告知警察前來彈壓。燭時伏思本校爲國家設立大學預科。學生畢業。升入分科之後。卽爲最高級之學生。將來或研究高深學術。或爲國家効用。國家之所以希望於諸生。與教育部之所以百計培植諸生。爲教育前途之基礎者。何等鄭重。乃時未逾年。均以該生等之無端滋鬧。校長屢易。燭時承乏以來。又有此次之事。固由燭時之奉職無狀。實由該生等之再三暴動。未經懲創。愚因

所積愈演愈烈。大學爲最高之學府。將以養成純全人才。爲國模楷。而預科學生。竟如此目無法紀。聚衆脅迫。匪惟本校不復能繼續辦理。其影響將及於全國學界。不能興辦一校。造就一生。當此人心不靖之時。國家設立大學內之預科學生。尙有此等狂暴行爲。其影響且將及於全國社會。世道人心。胥有關係。言念及此。至爲痛駭。本校學生。此次藉端滋事者。約百數十人。大約預科二三年級學生爲多。該生等屢次滋事。不知悔改。將來升入分科。亦必不能造就成材。爲國家效用。不爲澈底澄清之計。貽患將不可勝言。除將該生等。當時聚衆脅迫詳細情形。呈明教育部。酌核辦理外。理合呈請俯賜察核。謹呈。

批熊總理擬定暫行條例請頒布施行呈

據呈已悉。現在時艱方亟。百廢待興。正賴政府各員。力任仔肩。共圖匡濟。所有各項法規。尤關根本至計。若不亟籌辦法。則一切庶政。何由措施。該總理等所請擬定暫行條例。提前頒布施行之處。係爲建設進行起見。應即照准。即由該總理等。安速議擬。呈候核奪。此批。

附熊總理原呈

爲呈請事。竊希齡等視事以來。迭將大政方針。公同籌議。並於鈞府會議時。承秉鈞示。次第議定。本擬訂期前赴國會宣布政見。徵求同意。適國民黨助亂。奉令解散。凡隸該黨籍兩院議員。亦同時取消。國會屢次開議。均不足法定人數。以致遷延至今。未克赴會宣布。綜核議定各項方針。見諸施行。均與財政有密切之關係。而關於財政各項計畫。莫如整理稅務。改良稅則。以維國計。而裕民生。惟值此稅源窮竭。應付俱窮。若不亟求根本解決之方。則一切措施皆將束手。他若修正各部官制。暨關於各部急切應辦各事。適用之法律。並釐定地方官制各草案。事關建設。均屬要圖。立待籌施。不容再緩。茲查十一月十三日參議院議長王家襄。衆議院議長湯化龍通告。已於十四日起。暫行停發議事日程。此後開議需時。勢須懸案以待。惟是國基甫奠。時會多虞。海內人民。處於水深火熱之餘。各有拯溺救焚之望。而列強環峙。亦咸視吾國政治進行之狀況。以決定外交對待之機宜。一髮千鈞。所關綦鉅。設再因循泄沓。徒託空言。一旦風雨飄搖。噬臍何及。希齡等平居薄有匡濟之志。受任適在艱

鉅之交。懷朽索之堪虞。念棼絲之待理。徬徨夙夜。寢饋難安。苟利國家。捐糜豈惜。凡茲規畫各項。不敢謂折衷至當。要皆屬因時制宜。雖盤根錯節。利鈍未可逆知。而尺璧寸陰。優游豈容坐誤。再四思維。惟有仰懇大總統。准將各項法案。先行擬定。作為暫行條例。提前頒布施行。俾庶政有藉手之資。庶治績有刷新之望。如蒙鈞允。所有擬定各項暫行條例。仍俟國會開議有期。將應交國會議決者。分別提案交議。是否有當。伏候鑒核批示遵行。謹呈。

批海軍總長劉冠雄辭職呈

據呈已悉。該總長洞悉海軍情形。勳勞懋著。倚畀方殷。所請斷不准行。

附原呈

爲呈請事。恭讀十月二十五日大總統令。任命湯薌銘。署湖南都督。兼查辦使。兼民政長。此令。等因。查湯薌銘。係海軍部次長。所遺員缺。自應簡員署理。以重部務。竊以海軍正在萌芽。凡百建設。非有博通中西之學識。規畫粹難完備。我國固有通材之彥。而求其海軍專門。兼爲政治專家者。厥惟嚴復爲最。查嚴復係福建船政局開幕

首班學生。登艦練習。出洋肄業。每考爲各學員冠。周歷各國。一切法典科學。獨造其微。回國後。歷充總教習。校長。富有著述。沾溉後進。名聲赫然。人第知其文學淵博。無書不窺。而不知其富於政治思想。洞悉全球之趨勢。而應付靡窮也。大總統負全國完全責任。我國有此完全人才。正可備旁求之選。現嚴復精神尙健。不於此時使其盡出生平所學。以餉國人。表見於世。人才可惜。負此明時。冠雄於海軍一方面。略有研究。而國務員尤關係於政治。一知半解。恐於大局無所補益。伏願以海軍總長之職。使嚴復負其責任。海軍建設。必能原原本本。得有美滿之效果。會議國務。尤能通曉國家之大計。克舉厥職。將冠雄改爲次長。相助爲理。或可稍補萬一。卽令湯壽潛回任。冠雄自當退避賢路。但蒙畀以一差。於願已足。冠雄出復門下。能知其深。爲國求賢。爲海軍求才。爲大局求公益。不敢自秘。謹以上陳。冠雄素叨旃庇。敢自暇逸。亦非好博讓賢美名。徒以激於愛國之誠。舉賢自代。區區愚悃。天日式臨。伏乞我大總統鑒核。俯如所請。咨交參衆兩院同意。海軍幸甚。民國幸甚。不勝迫切屏營之至。謹呈。

批孫武請收回成命取消勳二位及陸軍中將加上將銜呈

據呈已悉。具見誠悃。該顧問奔走國事。歷有年所。武昌首義。尤著勳勞。本屆國慶禮成。特授以勳二位。並授陸軍中將。加上將銜。榮典聿頒。尙覺不足以酬勳績。其卽勉膺秩位。勿再謙辭。用副民國崇賢獎功之盛。有厚望焉。此批。

批鄂軍都督府參議官黃禎祥擬於武昌南湖地方籌建民國崇勳紀念園並擬進行手續呈

據呈並圖摺均悉。籌建民國崇勳紀念園。既昭崇報之心。又闢實業之利。用意深遠。其益實多。惟茲事體大。聯及各省。籌費興工。斷非一蹴所能企及。其如何計畫。有無窒礙情形。交國務院核議呈覆。此批。

袁大總統書牘彙編卷五

函牘(上)

致醇親王書

大中華民國大總統。謹致書於大清醇親王殿下。接內務府來函。驚悉隆裕皇太后。仙馭升遐。不勝痛悼。聞遺命特派貴爵照料宮廷。差慰廬系。惟念貴皇帝。方在冲齡。維持調護。均關重要。貴爵雖可照料於外。而主持內廷一切。應有專責。方免疏誤。德宗景皇帝。享國日久。遺愛在民。全國人民。無不思慕。璫貴妃侍德宗數十年。侍隆裕皇太后。又歷有年所。溫恭淑慎。遐邇同欽。如貴爵承旨晉封尊號。所有內廷事。均歸經理。教育皇帝。必能盡心。民國政府人民。必當懷欣承認。此外官人。俱應聽其約束。以專責成。儻有擾亂秩序之舉動。無論何項人等。民國政府。按優待條件。有保護皇室之責。義難坐視。本大總統。不得不協同籌畫。以保安全。深盼宮闈主持得人。俾皇室永享尊榮之福。尙祈貴爵迅予施行。無任企盼。除派陸軍上將蔭昌段祺瑞。面陳未盡之言外。敬頌勳祺。

附清醇王覆書

敬覆者。癸丑正月廿九日。得晤廕段二上將。備陳尊意。均已祇悉。並奉到惠函。重荷大總統以隆裕皇太后仙馭升遐。皇帝方在沖齡。維持調護。須專責成。應承旨督封瑾貴妃尊號。教育皇帝。民國政府人民。必當歡欣承認。此外宮人。均應聽其約束等語。足見關懷皇室。曷勝緘佩。感激殊深。本爵以事關大體。未便以鄙見所及。遽然表決。當即會商各王公大臣。徵諸意見。僉以尊意籌畫。極為周詳。應即遵照辦理。現在宮廷主位。均能維持大局。備極和平。謹此覆陳。用抒厯系。專鳴謝悃。順頌福祉。

致庫倫活佛書(一)

外蒙同為中華民族。數百年來。儼如一家。現在時局阨危。邊事日棘。萬無可分之理。貴喇嘛慈愛羣生。宅心公博。用特詳述利害。以免誤會。各洲獨立之國。必其人民財賦。兵力政治。皆能自主。乃可成一國。而不為人所吞噬。蒙古地面雖廣。人數過少。合各蒙計之。尚不如內地一小省之數。以蒙民生計窘迫。財賦所入至微。外蒙壯丁。日求一飽。尚不可得。今乃欲責令出設官養兵購械諸費。不肯叛。則填溝壑。何所取給。若借之於人。則太阿倒持。必至喧賓奪主。又自奉黃教以來。好生忌殺。已成天性。各部箭丁。祇知騎

射。刀矛尙不能備。何論於砲。欲議攻戰。必無可恃。政治則沿貴族之制。行政司法。以較各洲強國。萬無可企。更難自立。且各蒙並未盡能從服。貴喇嘛威令所及者。僅圖車三音三部。且聞尙未盡服。閱時稍久。人怨財匱。大衆離心。雖悔何及。試問百年以來。凡近於蒙古。而不隸中國蒙回各部。有一自存者否。有不爲人郡縣者否。各蒙與漢境唇齒相依。猶堂奧之於庭戶。合則兩利。離則兩傷。今論全國力量。足可以化外蒙之貧弱爲富強。置於安全之域。奮日苛政。富此新基。創始。自必力爲掃除。此外如有要求。但能取銷獨立。皆可商酌。貴喇嘛識見通達。必能審擇禍福。切勿惑於邪說。貽外蒙無窮之禍。竭誠致告。卽希見復。

致庫倫活佛書(二)

電悉。貴喇嘛。慈愛羣生。維持大局之苦衷。並辱獎譽。殊深感愧。近年邊吏不職。虐我蒙氓。以致羣怨沸騰。激成獨立。此等情狀。內地胥同。貴喇嘛之歎忱。固國人所共諒。刻下國體確定。漢蒙一家。必須合力以圖新基。方能鞏固。來電操縱一節。深知歸重中央。不欲戀無謂之虛名。買漢蒙以實禍。致人坐收其利。天地聖佛。實鑒此心。今聯合五族。組

識新邦。本大總統。與貴喇嘛。在一身。則如手足。在一室。則如昆弟。利害休戚。皆所與共。但使竭誠相待。無不可以商榷。何必勞人干涉。致失主權。前此各省怨苦虐政。多告獨立。自共和宣布。全已取消。蓋皆不忍人民塗炭之心。而無爭地爭城之私見。來電詞旨。尤愜鄙人。務望大擴慈心。熟觀時局。刻日取消獨立。仍與內地聯為一國。則危機可混。邦本可固。國民對於貴喇嘛。同深感戴。必當優為待遇。即各王公。及他項人員等。亦必一體優待。此後一切政治。更須博訪輿情。詳為規定。以鑿蒙族保安之希望。為進大同之化。共和幸福。其各無涯量。否則閔墮不已。禍及全國。將有同為奴隸之悔。以貴喇嘛之明智仁愛。當必不出此也。至蒙古與內地。合則兩利。分則兩傷。前電已痛言之。所有應行商榷各節。電內未能盡達者。已派專員。前往庫倫。趨謁駐錫。面罄衷曲。商議一切。到時切希賜晤。至所企禱。仍望見復。

覆庫倫哲布尊丹巴書

此次改建共和。以完全領土。成一民國。此乃根據隆裕太后詔書。所謂以統治權公諸全國。既非君位繼承。安有血統關係可言。執事負固一隅。自為風氣。試讀韓史。當其脫

離母邦。宣言獨立之際。何嘗不假借名號。稱快一時。曾不幾時。而世界地圖。寧復見大韓帝國顏色。殷鑒不遠。想執事當能憶之。本大總統以仁慈爲懷。不忍遽加征討。倘早日悔悟。優待條件。昭然俱在。共享昇平。試觀內外蒙古各王公。凡屬翊贊共和者。贈賚有加。執事當亦有聞焉。執事若翻然改圖。共奠邦本。則酬庸之禮。自異尋常。天日在上。決不食言。若執迷不悟。五族公民。同伸義憤。兵戎之禍。誰實尸之。至謂以兵力從事。則執事固先以兵隊騷擾附近各地。本大總統特出偏師。救民於水火。非專與執事作爲對敵之舉也。忠告若是。伏希鑒諸。

覆庫倫哲布尊丹巴書

卦電悉。庫倫不宜與中國分裂。前已迭電詳述。前清以統治權讓於民國。民國人民以總攬政務權舉付於本大總統。承前清之舊區域。內有外蒙古一部分。本大總統受全國付託之重。理應接管。至庫倫獨立。前清並未允行。中華民國。亦斷無允准之理。庫倫本爲民國領土。來電所稱立約一節。是與統治權內之領土而立約。實所未聞。前有暴徒。謀壞共和。有妨統治。曾以正當法律處之。全國士庶。莫不稱快。貴喇嘛以兵力擾亂。

烏里雅蘇台、科布多、達里岡崖一帶。致令人民慘受兵禍。王公或被擄擄。極悖人道。焚殺淫掠。甚於盜賊。民國重在保安秩序。豈能長此坐視。今各蒙旗除貴喇嘛用兵迫脅之附近庫倫各地外。其他蒙旗各部落。無不贊成民國。力拒庫倫。王公喇嘛等。或親身赴京。或遣代表前來。獻贄輸誠。絡繹不絕。貴喇嘛何得以一隅之地。冒稱蒙古全國。現各省將領。僉以領土損失。治權虧缺。憤激甚烈。各應糾集健兒。以與貴喇嘛相見。本大總統以仁慈爲懷。多方解勸。令其靜候和平。解決。以望貴喇嘛之悔悟。甚盼熟籌利害。使我民國受於前清之領土。及統治權完全無缺。民國當優禮有加。盡泯前嫌。共謀黃教之發達。永保全國之和平。無負本大總統與貴喇嘛慈惠之初心。推誠布告。尙望裁覆。

通告各國公使書

民國肇造。臨時政府一年以來。無日不以恢復秩序。力謀統一爲事。蓋非此無以增地。方亦非此無以立國也。各國與我辦理交涉。繼續進行。未嘗有間。而商務財政上之關係。尤日見增益。各國借款賠款。極願如期清償。然非候民國內外實行統一。不足以得

實際之保護。尤不足以促財政之發達。本國政府深見及此。力求所以醫外人之望。若本國不能統一。對內則裁汰冗兵。盡一幣制。無從入手。因此於各國商業保護條件。俱有妨害。不獨無以對本國良民。亦何以對和好各國。近南中官吏意見紛歧。擁兵虛糜帑項。無政治知識。政府撤換數人。正爲一致進行。早得統一起見。乃匪徒藉口。遽起逆謀。肇亂稱兵。背叛民國。商民切齒。市面牽動。政府現已派遣軍隊。刻期南下。偏隅之亂。不難指日盪平。惟是政府以仁愛爲懷。以利平爲本。並不欲以兵戈之禍。擾及地方。但求內亂早平。恢復商務。國會議員。及各省商會。已要求速討叛逆。政府受人民委託。不得不行其應盡之義務。此係本國政府。對於此次內亂。不得已之苦衷。各國與本國敦睦有加。必多關念。用特佈達。以明事實。

致黎副總統委託代表接受事權

南京專使到京後。本擬布置稍妥。卽同南行。不意廿九日猝遭兵變。致此間人心大爲搖動。內憂方殷。外患亦亟。赴甯之舉。暫離起行。惟統一政府。不早成立。卽大局日趨危殆。現得南京孫大總統同意。委託足下往甯。代爲接受事權。務望卽日起節。不勝盼禱。

致東三省及直隸山東山西河南熱河察哈爾官紳維持行政機關

南省自民軍起義後。原有行政長官。不顧大局。率先遠颺。以致屬僚星散。地方無主。秩序全亂。土匪蜂起。閭閻大受蹂躪。迨設法安集。而士民身家。已遭塗炭。東北各省官紳。贊同共和。保守行政機關。補助維持。故四民相安。地方完全。保全之大。非止個人之身家。現共和一致。尤宜官民協力共謀。國利民福。斷不可稍爭權利。致生嫌隙。如因私見。先自擾亂。害及同胞。詎爲共和之本旨。將爲中外所詬笑。仁人智士。必不出此。倘官紳齟齬。多所牽掣。致政令不行。治安不保。不但非本省之福。且與民國前途。大有影響。賢達士紳。願全桑梓。想能共見此義。至官長受中央委任。如有不洽輿情。或不勝職任者。俟統一政府成立。必另訂官制官規。擇賢任使。力求治理。茲當過渡之時。不得不以因爲革。先保現狀。決非有所私袒。但求地方生靈。免被荼毒耳。區區此心。可質天日。繼此以往。建設方新。萬端待理。深慮人才之不足。懷才待用之士。斷無沈埋之理。其有激烈之士。仍望明達長官。老成紳士。諄諄勸解。共保和平。卽爲恪盡國民義務。鄙人有厚望焉。

致各省都督議會

世凱衰老。負全國人民付託之重。辱蒙諸公推戴。函電交譽。感愧無似。前特派張紹曾代表赴南。藉申謝悃。昨張代表回京。具道諸公匡扶大局。共濟艱難之熱心。深識遠猷。至銘肝膈。民國前途。實胥賴之。世凱益當勉竭愚庸。力圖國利民福。以副厚望。

致黎副總統表明宗旨

凱於共和。景仰有素。此次武漢起義。全國景從。不數月間。民國成立。凱幸得同列公民。謬承不棄。推爲大總統。踴勉馳驅。期裨國是。乃謠傳紛來。不堪入耳。甚者謂凱不忠民國。欲步拿破崙之後塵。挾私誹謗。搖惑人心。現在國基未固。列邦尙未正式承認。中國前途。時形危險。凱德薄能鮮。謬膺艱鉅。尙望全國民人。協力同心。匡扶大局。耿耿初衷。天日可掬。幸勿猜疑。致碍大局。

致副總統及各省解釋猜嫌

世凱束髮受書。卽慕唐虞官天下之風。以爲歷代治道之隆污。罔不繫乎公私之兩念。洎乎中歲。略識外情。目睹法美共和之良規。以爲深合天下爲公之訓。客歲武昌起義。

各省影從。遂使二千餘年專制之舊邦。一躍而爲共和政體。世凱以衰朽之年。躬茲盛舉。私冀從此退休出里。共享昇平。乃重荷國民委託之殷。膺茲重任。當共和宣布之日。卽經宣告天下。謂永遠不使君主政體。再見於中國。就職之初。又復瀝悃宣誓。皇天后土。實聞此言。乃近日以來。各省無識之徒。捏造訛言。惑搖觀聽。或以法蘭西拿破崙第一故事。妄相揣測。其居心如何。姑置不問。大抵出於誤解者半。出於故意者亦半。民國成立。迄今半年。外之列強承認。尙無端倪。內之各省秩序。尙未恢復。危機一髮。消縱卽逝。世凱膺茲艱鉅。不得不爲支持。冀挽狂瀾。乃當事者。雖極委曲以求全。而局外者。終難開懷以相亮。殊不思世凱既負國民之委託。則天下興亡。安能膜視。倘明知其不可爲。而復虛與委蛇。致陷民國前途於不可收拾。縱人不我責。寧獨無疚於中。區區此心。可質天日。惟當此艱難締造之秋。豈容有彼此猜疑之隱。用是重爲宣布。凡我國民。若以救國爲前提。則當能見其大。萬不宜輕聽悠悠之說。重爲煽亂之媒。若乃不逞之徒。意存破壞。藉端蠱惑。不顧大局。則世凱亦惟有從民國之公意。與天下共棄之。事關大局。不敢不瀝披素志。解釋猜嫌。知我罪我。付諸公論。特此宣言。諸維亮鑒。

致副總統及各省宣佈總理辭職

前據國務總理唐紹儀呈稱因病請假赴津調治。當經本大總統給假五日。并任命外交總長陸徵祥暫行代理國務總理事務。一面派員絡繹赴津慰留。再四。竟難轉圜。茲據該總理呈稱。連日延醫診視。舊病轉劇。懼膏肓之漸入。捐頂踵而何裨。懇請准免國務總理本官。迅簡賢能以維大局等語。該總理情詞懇切。勢難挽回。愛惜國家與愛惜人才之心。二者交戰於中。而求兩全之道。爲唐君個人計。祇可暫令養病。以資將息。爲國家全部計。總理一席。萬難久懸。自民國肇興。百端待舉。邊方有騷動之情形。友邦無正式之承認。必須富有經驗中外翕服之人。始堪繼唐君之任。除批准該總理辭職外。查有現任外交總長陸徵祥。宅心正大。識見闊通。歷充參隨專使。公使十有餘年。於外交情形。知之最稔。上年在外國七電主張共和。於各國政法源流。尤能洞見本末。實爲中外信仰。匡時濟變之才。擬任命爲國務總理。茲按照中華民國約法第三十四條。提交參議院咨請同意。特此電聞。

致副總統各省都督不得推舉總理

頃接南昌李都督儉電悉。唐總理因病辭職。及本大總統擬任命陸君徵祥爲國務總理。按照約法請參議院同意各節。已於昨日通電各省。諒已入鑒。此次總理去職。不逞之徒。謠啄紛乘。其實皆揣測臆度之談。毫不足信。民國肇基。百端待舉。共和政體。本非吾有。勢不能不規仿歐美。俾免隕越。總理一席。必須久駐外國。深諳共和政治之人。乃能勝任。且自政體改建以來。由閉關之國家。進而爲世界之國家。乘國鈞者。尤須具有世界之眼光。而後所定政策。始能與世界之大勢相應。陸君外交有年。於各國政治源流。於外交情形。闕之尤稔。實爲當今對內對外必不可少之人。現已得參議院同意。任命爲國務總理矣。李都督所陳各節。雖出於愛國熱誠。但總理一職。任命之權在大總統。同意之權在參議院。約法載明。毫無疑義。若由各省都督推舉總理。不特有背約法。且恐黨同伐異。擾亂政局。民國前途。曷勝危險。現在事局已定。尙希一意鎮定。勿信浮言。是爲至要。

致副總統及各都督述閣員黨見

陸都督儉電。謂閣員屢易。羣情惶惑。不問黨派。立賢無方。並忠各黨諸公。化除意見。勿

因黨見爭執。陷吾人民於無政府地位等語。洞觀大局。以愛國爲唯一目的。洵明通公溥之言。自唐君紹儀。離京辭職。國務員之同一黨派者。聯名乞退。該黨代表來謁。陳述意見。謂須組織一黨之閣員。主持甚力。世凱以民國初建。政黨方在萌芽。決不能以英法等政黨內閣。例諸臨時政府。故於宋蔡王各員面謁時。語以代四萬萬人民挽留。竟復如水投石。且函致陸總理。某日始不到部。詞氣決裂。黨見甚堅。惟有付之太息。故國松菊。悵觸於懷。惟念國民付託之殷。舉足爲天下輕重。不得不嚶求同志。往復磋商。種種爲難。筆難盡罄。集蓼知苦。予口卒堵。霜雪盈頭。形神交瘁。歎我國民。相憐同病。我實不德。民也無辜。揭布腹心。其以天良揭出之。

覆工商總長陳其美

寄電悉。唐總理奔走國事。積勞成疾。匆促赴津調治。連日再三派員慰問。勸其回京。信使往來。不絕於道。來電謂有逼退總理之惡耗。殊堪駭詫。參議院爲各省代表機關。聚集都下。衆目昭彰。詎能聽人逼退。卽鄙人亦何能坐視。此必幸災樂禍之徒。造作謠言。挑撥惡感。敗壞大局。人心至此。恐中國不亡於前清時代。而亡於此等簧鼓是非者之

手。陳總長素明大局。乃竟聽聽浮言。殊出意外。鄙人受國民付託之重。一日未經卸責。一日不能爲壁上觀。苟更舉有人。得輕負荷。爲個人計。樂莫大焉。副總統與各都督。俱以愛國爲前提。決不爲浮言所惑。幸各剖晰。以釋羣疑。是所厚望。

附工商總長陳電

臨時政府甫成立。忽傳有逼退總理之惡耗。丁茲時艱。奚堪演此惡劇。唐總理固受逼而退矣。試問逼之者何心。繼之者何人。果於大局無害而有益。卽更舉總理可也。何若是不然。寧毋躁。鄙見止此。竊願與各界諸君子。亟起圖之。又東電謹悉。援古語以相勗。深佩至言。吾人嚮日作爲。正冒不韙。犯斧鉞。初何敢希冀輿論之贊同。亦惟如鄭大夫所言。苟利於國。生死以之耳。芻電呈詞。迫切簡直。欲挽唐公之行。免其挫折。其與尊謂信使往還數四。挽留之意。正同一轍。不知起人驚疑者何在。美縱不文。審諸詞意。並無不通。詎智者見智。仁者見仁。南北人士。觀念有所不同歟。報紙以芻言而越涉行政。前項呈詞。似不可不善處之。此風不戢。爲害劇烈。幸垂察焉。

覆粵都督胡漢民

電悉。近來會黨名目。記不勝記。電文攻訐。百怪千奇。甚至以列名露面爲榮。一予推求。便增價值。則鄙人亦常受各報界之醜詆。祇以民氣方興。不欲壓制。然村婦罵。自翊其能。此等放縱之惡風。勢同傳染。長此不戢。民德何存。應澈究由來。以爲挾私敗公者戒。已交內務部。查明嚴禁矣。

胡漢民原電

統一黨電。對於唐總理。誣以監守自盜。避責潛逃。對於同盟會宋蔡諸公。誣以結黨把持。意圖搆亂。信口雌黃。任情醜詆。放縱卑劣。莫此爲甚。夫唐總理。是否監守自盜之人。宋蔡諸公。有無搆亂之事。應在大總統洞鑒之中。果有其事。請大總統布告天下。明正其罪。果無其事。亦請大總統嚴究二十五日之電所由來。還治以虛誣之罪。以爲挾私敗公者戒。漢民對於唐宋蔡諸公。絕非有所阿私。第以民國初立。羣言淆亂。正賢者難進易退之秋。若復任此輩舞詞播弄。賢才將更裹足。大局益復何賴。且唐總理。由總統善任。誣總理。無異誣總統。此可忍。孰不可忍。務請澈底懲治。以彰公道。政黨之分立。固不能不有政見之爭。仍必以國利民福爲歸。

宿。若懷挾私見。捏造事實。是法律之罪人。豈復有政黨之價值。當亦大總統所深惡痛絕也。漢民叩。

致各省宣告參議院否認閣員情形

前次唐總理辭職。再四遴選。乃有陸君徵祥之命。經參議院大多數同意。鈔交方面。亦極歡迎。本擬其他閣員。無事更變。致滋紛擾。嗣因同盟會閣員。堅執辭職。無可挽回。其餘各員。亦有因病及他故免官者。值此國步艱難。政務繁要。勢不能不擇賢接任。以期進行。經與陸總理。一再熟商。乃有周自齊。章宗祥。孫毓筠。王人文。沈葆楨。胡德惟。六總長之提出。提出之初。亦曾派員與各黨接洽。雖意見紛歧。未能一致。而私心竊冀。以爲國家危急至此。各議員具有愛國熱忱。必不以黨派之異同。忘大局之利害。用是無所猶豫。將選定各員。開具名單。於十八日提出之後。頗聞院內議論不能一致。深恐一旦決裂。無可挽回。特具函請其展緩投票。再行協商。世凱之委曲求全。蓋已無所不至。不意次日。參議院宣言。此函作爲無効。即日投票。六總長全數否決。此六人者。或久歷外邦。或有功民國。或學有專長。或富有經驗。縱不能全予同意。亦何至無一可用之才。乃

始則拒絕協商。繼則全體否決。皆由世凱誠信未孚。以致動遭扞格。撫衷循省。疚悚殊深。顧念國民屬望之殷。重以大局顛危之亟。但有轉圜之餘地。決不惜降心以相從。特於昨日招待全院議員。面致誠悃。冀其化除成見。共濟艱難。并於日內另選相當人員。再行提出。求其同意。不使中央政府。久事虛懸。現在外界風雲。瞬息萬變。積薪厝火。旦夕可憂。所望全國一心。救焚拯溺。徬徨中夜。禱祀以求。區區之心。當能共鑒。先此電聞。餘再續告。

致各省通告陸總理辭職

國務總理陸徵祥。自任職以來。輔佐宣勞。中外推重。祇以身弱患疾。就醫病院。迭次呈請開缺。本大總統。以國務爲重。僅准一再續假。未許免官。該總理。以病體實難支持。近又續呈。情詞懇切。本大總統。未忍重違其意。祇得照准。冀其寬懷調攝。更出任事。以繫人望。惟國務總理。責任重大。未便久懸。內務總長趙秉鈞。代理國務總理。既經多日。輿論翕然。現已提出參議院。卽以趙秉鈞爲國務總理。業已通過。恐外省未審原委。或有疑詞。特此通告。

致各省調停魯事

黎副總統感電。情詞迫切。令人傾倒。自鄂軍起義。南北分離。世凱生長兵間。晚而歸隱。值神州鼎沸。漁利相乘。嗟我同胞。水深火熱。不忍視五族人民。萬劫不復。入手辦法。即以尊崇人道爲宗旨。驚風駭浪。一意孤行。排難解紛。智能盡索。實賴明達。鑒此愚忱。同贊共和。亟謀統一。正欲合四方英傑。修好釋嫌。同室有鬪。則披髮纓冠。其兄灣弓。則垂涕而道。若復各分畛域。無術補苴。豆剖瓜分。同歸於盡。犧牲一身。誠不足惜。其如我四百兆神明之胄何。大局岌岌。險象環生。言財政則高築債臺。仰人鼻息。一有滄約。仰室難籌。言軍政則傳染惡風。如撫驕子。一有譁變。全局俱搖。加以饑饉荐臻。瘡痍滿目。函電紛紜。中心如搗。九京之下。尙有重泉。若隕深淵。靡知所屆。山東爲南北樞紐。胡都督潔身思退。足爲世道箴砭。惟因時事艱難。不願賢者作山林之想。借重之地方多。仍思同舟共濟。張都督人地不宜。業經調離東省。諸君洞明大局。必不使世凱一身獨旁皇於旋渦之中也。閱諸急難。人同此心。來電所云。與長淪於異域。寧習居於同族。金玉之言。懸爲龜鑑。所望共扶大義。毋殘同類。臨風隕涕。敢以告哀。

致黎副總統邀聘鄂軍人才

共和告成。建設伊始。一切規畫。自應宏遠爲期。稍有不慎。貽誤千古。世凱膺茲重任。晨夕焦思。所幸我公。深謀遠慮。事事出於至誠。每聞鄂渚發一言。辦一事。實令人耳目一新。故爾樓風月。健羨曷已。益信惟楚有材之非虛語也。尤望我公以天下爲己任。以國家爲前提。將昔之與謀鄂事者進之中央。其中關係緩急。諒在洞鑒。不待贅陳。此次武昌之大計畫。自是羣策羣力。尤以孫武蔣翊武兩君爲最。南北人士。議論僉同。敬求飭令孫蔣兩君。將鄂中經手事件。交卸清楚。迅速來京。以備諮議一切。庶使有志之士。得以發抒其懷抱。民國前途。裨益匪淺。孫蔣兩君。何日起程。並希電覆。

復黎副總統請飭黎宗嶽明白交代

接元電。謙光俠氣。敢拜下風。大通事經柏軍長鎮撫維持。民心可安。昨接張振武自潯來電。謂駐通軍隊。已由胡旅長與柏軍長籌商交接。其不願歸柏節制者。業經遣散。惟尙有隨黎宗嶽來潯兵士千五百人。亦願回籍。已商妥各給川資二十元。共三萬元等語。此款希柏軍長商同孫都督支給。黎宗嶽商款一節。據伊自潯來電云。出入賬目。自

有皖南同鄉會文冊可查。而張振武等來電。則云黎宗嶽曖昧而去。於從前起義有關。請達栢軍長令黎明白交代。以全始終等語。黎宗嶽無論在溥與否。卽祈副總統派員飭算交代。由皖南同鄉會通過。如果出入相符。自當念其前勞。酌予位署。否則皖人自有公論。祇得秉公辦理。惟在黎宗嶽自取而已。

致黎副總統敦勸就任參謀總長

參謀總長。關係全國軍事計畫。環顧海內。實鮮相當人員。足孚衆望。前托張君大沂面達誠意。蒙允屈就。欣忭莫名。武昌爲長江之中樞。執事負天下重望。安危所繫。未便遠離。參謀事目下但須遙顧。俟大局鞏固。再圖北來。區區苦衷。知承曲諒。交通便利。時盼教言。

請黎副總統覆雷

元電敬悉。元洪學淺才疏。謬邀鈞命。重以謙光下逮。藻飾逾恒。籌畫周全。日感且愧。當此政府未立。時局方艱。急浪孤舟。罔知所屆。論才固不敢就。論義復不容辭。祇得承乏。勉期成立。將來大局稍定。仍希早延夙望。藉作替人。公德私恩。感且不朽。

致黎副總統邀聘人才

前電請孫蔣兩君來京。既發之後。又思本府中及各部需材孔亟。楚材衆多。爲天下冠。我公顧全大局。海內所欽。決不私其所有。聞劉公。張振武。葉於蘭。阮毓崧。蔡濟民。楊玉如。石孝泉。羅傑。哈漢章。楊時傑。李基鴻。魯魚。彭方。傅黎樹等十四人。才識優長。功猷卓著。統祈轉告諸君。聯袂來京。共謀民國進行之法。想諸君素具熱腸。必能舍近謀遠。敝處虛席以待。務望不我遐棄。惠然肯來。則幸甚。

黎副總統論兩院制

個電敬悉。兩院制爲大多數國家所採用。中國國會。自宜從同。尊論極富。承商各節。就鄙見條復如下。(一)現舉總統副總統。係屬臨時機關。即以臨時約法爲根據。制定憲法之權。屬於國會。約法第五十四條。已有明文。至召集國會爲臨時總統之權。國會組織及選舉法。則由參議院定之。約法第五十三條。亦經規定。似尙無甚窒礙。(二)將來國會如採兩院制。則鄙意上院爲地方代表議員。應由各地方議會。及行政長官分別選派。下院爲人民代表議員。應一律由人民選舉。人口比例一節。係屬選舉法問題。儘

可查照近年統計。酌定員額。至蒙藏青海情形。與內地不同。可另定特別選舉法。應俟將來詳細討論。規定適宜之制。(三)現在南京參議院。係臨時過渡機關。照約法第十八條。本須另行組織。俟約法上之參議院一經成立。則現在之參議員即當交代。至參議院與將來國會之關係。約法第二十八條。亦已明定。總之此次辦法。約可分爲三期。自臨時政府組織大綱發布。至臨時約法成立爲第一期。已屬過去之事。自約法發布。至憲法成立爲第二期。正係現今之事。憲法成立以後。乃爲第三期。係屬將來之事。茲第一期之事。既經結束。吾人應將第二期之事。努力辦理。以開第三期之端緒。以上界限。解剖明晰。一切歧異之點。自可消弭。愚慮所得。用敢縷陳。仍乞大教。

附黎副總統來電

民國初建。百端待理。立法機關。尤屬重要。查歐美各共和國國會制度。不盡相符。多數所趨。咸爲兩院。以吾國幅員之廣。戶口之蕃。政見之紛如亂絲。國基之危若累卵。採用兩院。自不俟言。惟是默窺現情。熟審大局。問題種種。尙待磋商。一憲法從國會生。總統從憲法生。今吾國舉定總統。既在未頒憲法以前。而製造憲法之國會。尙未

完全成立。且組織國會。及召集國會之權。亦無明文爲之規定。可疑者一。又法國代議院議員。悉由人民直接選舉。元老院則由各州立法部人分舉。美國制度。大概相同。今吾國軍事甫竣。各省議會。名目紛糾。人口多寡。尙無正確比例。且議局議會。新舊雜糅。資格龐雜。青藏諸邊。尙有向無議局者。根本問題。已不能割歸一律。將來實行選舉。究竟以何爲據。可疑者二。又法國參議院。僅爲起草法律之一機關。德國參議院。則明載憲法。其權與代議院等。今吾國大總統副總統。既由參議院投票公舉。國務總理。及各國務員。均須經參議院之贊同。是其資格無殊國會。已決無取消之理。然將來統一政府告成。可否卽以參議院改爲上議院。尙難臆斷。可疑者三。以上三端。亟宜解決。稍不察慎。大患隨之。敬請吾公綜攬全規。妥籌辦法。迅速宣布各省。俾有遵循。庶不至議論紛生。轉滋歧異。無任禱企。

覆黎副總統論軍民分權

虞電悉。驚浪烈風。悚息津筏。莊誦一再。樊慮爲開。晚近人心。多私功利。禍患之作。此爲厲階。來電深鑒軍人柄政之弊。擬將軍務民政厘然分塗。自鄂爲倡。以資表率。非行如

曾閱。學如程朱。安能及此。舉國如公。登黃農而抗歐美矣。軍民分權。古今通義。建武之中。歸重刺史。乾德之季。分寄漕司。百年昇平。蓋本諸是。東瀛府縣。西歐州郡。悉與軍民離而不合。方鎮行省。得失可知。詳繹名論。古今不易。我公勳德。區域罕儔。兼容並包。綽有餘裕。乃復謙挹。垂慮久遠。公爲先導。其孰敢後。高義盛懷。惟在撫亂。不敢遽許。又不忍違。當集學理經驗兩家。研究再四。外省官制。必本偉論。名稱一切。頗難適宜。就近制言。布政巡撫。追溯其源。皆民吏也。日稱知事。又嫌過小。茲擬名爲民政總監。爲全省民政之長。刻正草具官制。一俟院議通過。卽行發表。在官制未定以前。似宜仍用民政長名稱。卽希卓裁示復。以便任命。樊雲門處。現已婉電敦促赴鄂。我公維持大局。優禮名賢。皆推卓絕。盪淘紛釐。福壽斯民。一言興邦。公真不朽。

附黎副總統來電

魚電悉。整軍治民。分途異轍。自各省光復。軍人柄政。習爲故常。推其流弊。何可究詰。元洪夙隸戎行。未嫻民事。舉鼎覆餗。擗埴索塗。蒞職以來。時處隕越。近復憂勞交瘁。精力日枯。何敢久以輕才。長膺譴寄。當此戎衣初定。國步方艱。固不忍存潔身引退。

之心。亦不願貽負乘致寇之罪。再四思維。惟有將軍務民政。劃分兩途。分事程功。庶有裨益。樊君增祥。鴻才碩學。物望所歸。以之專任民政。必能駕輕就熟。措置裕如。前以內務司長相邀。本擬俟至鄂中。再行發表。奈屢徵不起。不得不逃明意見。乞助鼎言。倘蒙俯賜成全。徵特元洪責任。得以稍輕。且可藉湖北一省。爲天下倡。究應如何辦理。及定名之處。希卽裁奪。先復爲盼。

覆黎副總統論軍民分治

疾疫曰急。今得良劑。天存吾華。必由於此。十害三無。怵心刺目。西儒所譚暴民專制。不圖今日乃親見之。貞觀總管。什省七八。洪武布都。明分權寄。時勢所值。不得不爾。詳譯尊電。極表同情。參議院開。卽當首提此案。晉中分治。徵試其端。今有我公。以身作則。禍機之息。新邦之固。共可決矣。波蘭諸國。非人開之。實自亡之。今之紛紜。亦波蘭也。獨坐深思。郎涕而已。徵公之誠。其奚以濟。引領南望。式拜嘉謨。

覆黎副總統論借款利弊

庚電悉。借債救急。實迫不得已之策。時論不諒。肆爲詆譏。其實苟有可以藉手之方。政

府亦豈樂於出此。現稽核條款。正在磋商減輕。議院亦能洞鑒危機。相與維繫。暫緩眉睫之禍。徐爲根本之圖。執事獨立橫流。發抒偉論。欲矯浮囂之客氣。共息齟齬之深謀。澆俗可除。狡謀焉恃。抑狂砭謬。字字珠璣。捧誦再三。莫名傾歎。所望除奢屏僞。還國風於敦樸之初。共忍小忿小恥。以維大計。凱雖不敏。願從公後。期我國人共勉之。

覆黎副總統論用人宜慎

寒電悉。立國之本。首重用人。西晉奔競。晚唐勢利。受禍之酷。甲於歷代。近年以來。兼斯二者。土崩之勢。有識早決。新邦肇造。盪滌瑕穢。乃資挽救。而志節之士。肥遁鳴高。盤錯方殷。用人又急。淄澠難別。砥玉多潛。流弊將滋。實所同慮。尊電剴切。極愜鄙懷。大廈之支。匪資一木。凡用人者。相勉交濟。庶無傾覆。否則民國始造。改絃未聞。末世頽波。笑炳離播。早夜以思。悚歎無地。仁誨及此。國之福也。箴膏起廢。敢不書紳。

致黎副總統論官制

支電悉。卓識偉論。欽佩良深。現在中央政府。雖已成立。而國務院官制。各部官制。尙待增修。其他如平政審計各院。爲約法上重要之機關。地方官制。爲中央與地方關係之

樞紐。亦爲軍政民政分割之權輿。他若考試、任用、服務、分限、諸章程。均與官制有相維之作用。已令國務總理。迅交法制局。將此等草案。從速擬訂。咨交參議院議決。肅有嘉謨。尙祈隨時見告。以匡不逮。是所至禱。

致黎副總統商權借款及國民捐

民國成立。財政困難。借款與國民捐兩大問題。全國爭執。各有見地。然以二者相形比較言之。其利害之緩急。各有不同。若單獨行之。則爲害必矣。夫借款危險。固人所共知。今之迫而出此者。非獨款缺。不得不借。且亦時迫。不能緩借。使國民捐可急濟軍餉。即可墊款以濟國虛。速廢借款之約。何嘗不可。今試問民生之凋敝如此。商業之恐懼。又如彼。東南各省。已捐不一捐。西北各省。又捐無可捐。若普減官俸。則是中央少出款。不得謂中央添入款。朝三暮四。補救毫無。飲鴆解渴。不足爲訓。譬如人之外病惡瘡。而內病蟲毒。服砒石則可治。而徐圖生機。服硝磺則無效。而反速死命。今之中央。這內病蟲毒也。各省外病惡瘡也。以國民視硝磺。外債視砒石。求生何從。自不待繁言而明。嗚呼。當此民信未立之際。上下交困。總民國軍需計之。卽以公私財用。盡數入於

公項亦難應付。况未必能得者乎。爲今日計。輕減外債。緩圖國捐。二者相扶而行。庶外人不致生借款違約之念。監督財政之心。民國得以支持。財政不致空虛而無少補者也。設若力拒外債。徒恃國捐。亡國之禍。倚馬可待。中國人普通之知識尙未充足。誰有愛國之真情。又誰肯解私囊以充公項。出脂膏以養公人。國民捐自提倡以來。熱心出捐者有幾。故捐款亦屬寥寥。迨至兵無餉。國無糧。必致同室操戈。自取滅亡。有識者早已洞見及此。未識副總統以爲何如。應請裁決電覆。

致四川都督說明借款真相

聞川省誤會事實。反對借款。有人捏造謠言。衆衆演說。人心浮動。其鼓吹煽惑之由。誤以吾國輸入外資。爲外人逼勒借債。以財團稽核用途。爲外人監督財政。紛擾情形。較上年爭路時。尤爲激烈。並有紅燈照匪等。乘機蠢動。恐釀排外風潮。自上年秋冬以後。各省困於兵革。民間疾苦已深。現共和告成。國基未定。豈可以無稽譎語。激成事端。卽如武漢起義。各國嚴守中立。繼又贊成共和。其於中華民國。甚表同情。絕無惡感。此爲確證。借債一端。苟本國財政可支。何必向外人借貸。無如中央餉源久竭。外省告急頻

聞。甚至全軍食粥。五月著棉。若待國民踴躍輸捐。無論生計凋殘。未忍重爲剝削。即使零星湊集。亦屬緩不濟急。且恐金融受其影響。市面空虛。是以商請銀行團。暫借外資。以圖收拾。所開條件。要求頗多。嗣經返往磋商。仍以互派稽核人員爲歸結。其所謂稽核者。不出借款用途以外。借款何日撤消。與監督財政性質絕異。比諸個人交涉。甲借乙款。乙詢詰用途。以保資本。若甲款清訖。乙卽無債權。凡銀行鐵路之合資股東會。皆有此例。但使吾國實業漸振。財力日豐。雖舉前清債欠而盡還之。亦非難事。近日參議院議決。請交財政總長。仍與銀行團磋商。改輕條件。以期妥善。更何監督之有。此次袁留守提倡國民捐。各省軍民聞風響應。熱誠所感。足以激發人之愛國心。用意極爲可敬。若如川省之造謠生事。則失之毫厘。謬以千里。萬一假愛國之名。行排外之實。則將以拒款之原因。而得永遠借債之結果。試思前清庚子拳匪時。諭旨何嘗不獎爲義民。卒之聯軍入都。失權賠款。民窮走險。國隨以亡。今民國方新。萌芽初茁。譬諸羸病之人。亟宜調養。若乃虛陽上升。手足亂動。外感乘之。寧有完理。不爲埃及。卽爲波蘭。自南宋以後。虛驕之氣。誤人家國。宋末明季。皆坐此病。今列邦環視。已來詰問。於民國前途。關

係綦重。人必自悔。而後人悔。國必自伐。而後人伐。民之訛言。職爲厲階。川省西南。罌地正多。未闢之富源。方俟開拓。豈可百脈俱興。自取顛蹶。應由該都督等。編成白話告示。廣爲曉諭。務使釋其疑竇。以遏亂萌。倘有瞻徇倭違。坐待生變者。該都督當任其責。

致柏文蔚論政見

展誦惠書。崇論宏議。純由一片血誠流露而出。絕非恒泛之詞可比。佩慰無已。所陳新舊抵觸。與黨派離合之故。言之鑿鑿。與鄙人平日觀察所得。若合符節。自古禍變之起。悉起於政治紊亂。以致人心不平。就其不平者而平之。人民乃獲安寧之幸福。前清之世。親貴用事。人心憤激。民黨諸公。秘密運動。冒死以爭種族之平等。求政治之改良。適鄙人引疾去官。凡舊部將校留學生徒。亦躍躍欲起。鄙人年將六十。高臥田園。本將長爲農夫以終老。但遭時變遷。恐我黃帝以來。神明胄裔。遽淪於牛馬奴隸之域。不得不投袂往救。以紓兄弟鬩牆之難。絕列強狡逞之心。遂自投於驚風駭浪之中。而無所逃避。期年以來。做前臺後。萬苦千辛。嗟乎烈武。恨不能與君握手同行。痛哭於大荒之野也。執事力任調人。使澀靜之士。勿蹈入激烈旋渦。孤詣苦心。國之璋寶。責任內關。爲

各國趨勢所同。根本久遠之圖。無踰於此。但正式選舉。尙在開院之時。將來自有主之者。非鄙人所敢逆觀。至加入黨籍。上年中山克強諸公。亦曾力勸。惟因入甲黨。則乙黨爲敵。入乙黨則丙黨爲敵。實不敢以一己之便安。而起國中之紛擾。昔英國有女王終身不嫁。人問之。則曰。吾以英國爲夫。鄙人今日亦曰。以中華民國爲黨。四海之內。皆吾兄弟。三人同行。厥有我師。俟將來政黨真正穩固。或不能終守不黨主義。今則尙非其時也。鈍初被戕。正爲人才痛惜。而一般昧昧者。乃以風影之詞。嫁禍政府。無論鈍初人物。爲有識者所宜愛護。卽以手段而論。政府雖愚。亦何至卑劣至此。現在罪人既得。自可按法窮治。無庸深辯。來書痛恨於俗吏之鑽營奔競。爲行政大蠹。革命胚胎。鄙人深表同情。惟求得忠肝熱血之人。與之共事。在位一日。決不至若輩復活。以召人心之不平。金玉之言。銘諸左右矣。嗣後如有政見。仍望隨時惠音。雖往復辨難。亦所願聞。

致黎副總統商權大政方針

連日與孫黃二君。商權內政進行方針。由凱開出大綱八條。(一)立國取統一制度。(二)主持是非善惡之眞公道。以正民俗。(三)暫時收束武備。先儲備海陸軍人才。

(四)開放門戶。輸入外資。興辦鐵路礦山。建置鑄鐵工廠。以厚民生。(五)提倡資助國民實業。先著手於農林工商。(六)軍事外交財政司法交通。皆取中央集權主義。其餘斟酌各省情形。兼採地方分權主義。(七)迅速整理財政。(八)竭力調和黨見。維持秩序爲承認之根本。以上八條。孫黃皆表同情。如執事亦予贊成。卽作爲我四人協定政策。嗣後進行事件。卽懸爲目的。以決疑義。而杜虜言。諸祈教正。盼速電覆。

附黎副總統復電

捧讀祿電。八大政綱。茲事體大。於中國政治前途。極有關係。大總統具閣中肆外之嘉謨。奮長駕遠馭之偉略。熟籌審度。計出萬全。孫黃兩先生。業表同情。元洪粗知大體。自當贊成。政策聿定。公理無殊。交資互益。勉爲後盾。嗣望時加訓誡。無任悚惶。

覆伍廷芳

元電誦悉。謙謙淵抱。敬佩莫名。惟時局艱難。端賴閣材匡濟。執事巋然魯殿。物望崇隆。度憫世深衷。當亦不忍恕視。仍乞從前請。俾遂景慕私忱。實爲全國之幸。倘南方風土頤養爲宜。可藉尺書。遙資教益。總期不我遺棄。共濟時危。無任殷盼之至。

附來電

青電敬悉。側席求賢。虛懷下士。謙抑之情。溢於詞表。既佩汪度。益感相知。捧讀之餘。慚悚無已。前此民軍起義。廷芳徇各省之委託。始辦外交。次任議和。旋兼司法。汲修綆短。勉爲其難。數月以來。心力交瘁。邇者唐總理南來。組織內閣。南北英彥。悉已搜羅。濟濟一時。儘敷助理。正喜羣賢匡濟。稍息仔肩。退隱林泉。藉藏鳩拙。乃蒙委爲顧問。實恐無補高深。敬達愚忱。謹辭雅命。伏祈亮察。

袁大總統書牘彙編

袁大總統書牘彙編

卷五

函牘



三十四

袁大總統書牘彙編卷六

函牘

致樊樊山

屢誦來電。詞意堅確。自愧誠悃未能回動名賢之意。然爲國計。不能不望執事之翻然而起。軍興半載。民牧之權。併於軍吏。六朝方州。晚唐鎮帥。履霜有漸。水深火熱。幾於莫挽。黎副總統。獨見其大。首先倡導。徙薪曲突。固謝民政。以副執事。此誠中國之福。執事學術。抑揚買董。舉世所欽。庚辛之間。屢與大謀。功在生靈。而人莫識。出其餘緒。以治關中。卽款集事舉。民無勞怨。召杜韓范。蓋曰一人。屈指當時。殆無儔對。陶侃督荆。必資溫嶠。尤支參樞。特推張弼。鄂於全國。實爲中樞。鄂民而安。區夏自理。玄纁束帛。敢瀆再三。南望滙江。拳拳無已。爲民造福。爲國延期。執事之名。斯爲不朽。

致南京留守曹錕軍人不得私組政團

得陸軍經理團電。殊堪駭異。軍人於編制之外。不得有私組政團。更不得以私團名義。干涉中央任免部員之權。諸將士既明大義。何故出此。不爲共和法治國前途計耶。

各部高等官之進退。總長自有責任。官制通則。於統轄任免。著有明文。即參議院爲監督機關。而於任用之人。須得同意。約法亦止限於國務員。至其屬職。尙不過問。况非法定團體。勳以詔誓之。肆行脅迫。則法令皆廢。綱維立弛。雖有聖哲。不能善其後矣。本大總統。惟甚愛軍人。欲其保全名譽。不願其稍軼範圍。以貽人口實。特加申誡。務即傳諭知之。俾共體此意。

致岑雲階

國基甫定。凱以棉薄。謬荷公推。夙夜兢兢。深懼始謀弗臧。無以範垂久遠。倘非大雅。遠匡其不逮。何以廣集衆思。裨補闕漏。茲敬屈先生爲顧問。以資矜式。而備諮詢。庶幾効策進行。幸無隕越。伏念國步之艱難。不以肥遯而忘天下。非凱一人之幸。海內同胞。實共賴之。臨風延佇。敬迓高車。

致各省都督痛陳時局

黎副總統感電。情詞迫切。令人傾倒。自鄂軍起義。南北分離。世凱生長兵間。晚而歸隱。值神州鼎沸。漁利相乘。嗟我同胞。水深火熱。不忍視五族人民萬劫不復。入手辦法。即

以尊崇人道爲宗旨。驚風駭浪。一意孤行。排難解紛。智盡能索。實賴明達。醫此感忱。同贊共和。亟謀統一。正欲合四方英傑。修好釋嫌。同室有鬥。則披髮纓冠。其兄關可。則涕而道。若復各分畛域。無術補直。豆剖瓜分。同歸於盡。犧牲一身。誠不足惜。如我四百兆神明之胄何。大局岌岌。險象環生。官財政則高築債臺。仰人鼻息。一有淪約。仰室隳。官軍政則傳染惡風。如撫驕子。一有轉變。全局俱搖。加以飢饉荐臻。瘡痍滿目。因電紛馳。中心如搗。九京之下。尙有重泉。若隕深淵。雖知所屆。山東爲南北樞紐。胡都督。潔身思退。足爲世道箴砭。惟因時事艱難。不願賢者作山林之想。借重之地。方多。仍思同舟共濟。恨都督。人地不宜。業經調離東省。諸君洞明大局。不必使世凱一身。獨旁皇於旋渦之中也。閱牆急難。人同此心。來電所云。與長淪於異域。寧暫屈於同胞。金玉之首。懸爲龜鑑。所望共扶大義。毋殘同類。臨風涓涕。敢以告哀。

致各省都督密商戰事計畫

作戰計畫。宜守秘密。稍有宣洩。爲害甚鉅。現查俄人在北方沿邊一帶。兵力共有三十萬六千餘人。雙軌鐵道。轉輸靈便。對付之軍事計畫。有六十萬精兵。方可言戰。其暨

備軍械武裝。及一歲餉需。須三萬萬以上。軍官需二萬四千餘員。各國兵事。率以將材爲首。軍械次之。二者不備。雖億萬衆。亦屬烏合。中國自庚子一役。賠款本息九萬萬。清之所以亡。民國元氣之所以難復。皆由於此。當時親貴清流。慷慨激昂。言猶在耳。今之土耳其。有百餘萬之精兵利械。卒因青年浮囂。意氣用事。竟至一敗塗地。城下乞盟。良以兵兇戰危。必須縝密。先有成算在胸。方可稍有把握。迭飭參謀陸軍兩部。密議計畫。守知已知彼之成規。衡輕重緩急之分際。問題久難解決。且兵事例守秘密。望各都督傳知各報館。切勿輕於登載。以免洩洩。而慎事機。凱冠弱典兵。粗識戰事。現將就木。奚所顧惜。非不知英詞快論。足以洩鬱憤而博時譽。但既受國民之付託。當爲國民謀完全。使國民皆能盡納稅富兵之義務。則隳事不足平也。兩利就其重。兩害取其輕。先謀不敗之地。然後有必勝之方。敢以四萬萬人爲孤注乎。區區之心。諒所共鑒。

覆王芝祥軍統嚴禁軍人干涉政治

軍人不准干預政治。既經嚴令禁止在案。頃讀王督辦等數電。始知將校研究所。及學生隊。竟有擅自通電之舉。殊堪詫異。日前北京軍界少數無聊之人。本不任軍官之職。

者。聞國務員全未通過。中外傳言。政府搖動。外人信用益衰。以致借款無著。餉源不繼。私出傳單。頗涉干涉之嫌。濼日。即飭內務陸軍兩部。嚴行禁止。今誦來電。以保障議會。為保障民國之根本。履霜堅冰。防微杜漸。樹義正大。實獲我心。該將校研究所。係集合南北賦閒之軍官。學生隊。係各省投効之學生。青年血氣方張。或有過舉。然亦決非多數人之意志。已飭陸軍部查明嚴禁。毋再輕舉妄動。王督辦等發揮正理。使軍人抱定服從命令之宗旨。國之福也。凡在軍界。皆當奉為良箴。

致副總統暨各省論時局

蔡都督。胡都督。陸都督。唐都督。敬電悉。民國統一。忽忽經年。外侮憑陵。民生窮蹙。痛心怵目。險象環生。凡稍知世界大勢。稍具愛國思想。雖同心戮力。披髮纓冠。猶恐不及。豈忍於箕豆。捧獻漁人。來電所稱。奸邪之徒。陰謀竊割。當是少數無識者所為。共和國家。以謀最大多數之幸福為宗旨。此等擾亂秩序。破壞統一之舉動。叩諸國民心理。當必認為公敵。本大總統衰朽餘生。誓伏數椽。田居可樂。何自苦為。徒以遭時變遷。志在救國。不忍我神明之胄。陷於牛馬奴隸之域。慨然欲身任其艱。又以同類相殘。哲人不

取用是尊重人道。主持平和。原爲保全善長。恢復元氣。並非因循畏葸。曩長亂萌。一息尙存。總以除暴安良爲天職。若如來電所稱。乘機鼓煽各節。則本大總統救國之志。終不得達。而亡國之罪。將與之同。既受人民付託之重。豈敢坐視分裂貽禍。倉生當官而行。義無所避。副總統及各都督同膺重寄。共抱熱誠。望隨時防範以維大局。

覆滇桂川黔四督宣告宗旨

余衰朽餘生。伏處已久。此次出山。全爲救國起見。故一年以來。始終平和從事。非兵力不足。實不願輕啓殺機。隱忍至今。良非得已。若果有該督等所稱情事。則余決不能以救國之初心。爲亡國之禍首。惟有犧牲性命。殄此么麼。願與諸君共勉之。祈鑒區區爲幸。

致副總統暨皖都督論武漢亂事

此次武昌軍官倡亂。藉改進團名目。編送傳單。煽惑軍隊。幸經破獲。地方賴以安甯。既據拿獲犯官容景芳等。供稱季雨霖曾尙武爲發起之人。并自各給巨款。爲租置房屋。購辦證券之用。事關內亂。法所當研究。一經實訊。虛實自明。正與柏都督來電舉措。

各事必先根據法令之意相同。且因季雨霖等先期潛逃。始行褫奪官勳。限期投案。聲明如有虛誣。再爲昭雪。更非有意構成疑案。副總統執法平情之苦心。昭然若揭。當爲人民共見。值茲國本未固。人心思亂之際。倘任匪徒煽惑。法紀蕩然。專以寬縱爲消彌之策。必致有勳者皆可犯法。執法無從實施。各省長官。皆有綏靖地方之責。詎堪睹此紛擾。仍望副總統轉飭遵照前令。組織軍法會審。并飭季雨霖等遵限投案。詳加研訊。以昭信讞。一俟訊明確情。分別發落。仍將詳供。宣示天下。俾衆咸知。柏都督熱忱衛國。素顧大局。決不以一時傳聞異辭。仍執取消之前議。遺人民無窮之隱禍也。

致周師長獎勵

來電所稱。全國受軍隊之影響。財政束手。險象環生。實爲洞見癥結。該師長擬由中央速定裁兵計畫。宣布實行。解甲弭兵。請自茲始。犧牲權利。字字血誠。洵足以警告國民。諷勸諸將。現與國務員會議。兵隊善後事宜。正苦鉅費難籌。招兵易。而散兵難。爲自古通病。須養成一種風氣。令人人知擁兵之足以致貧。知散兵爲軍人最高之名譽。纔免政財之危。而救眉睫之禍。近時徐寶山之請撤軍政分府。朱先志之請解兵柄。均屬深

明大義。磊落光明。該師長又瀝陳險象。提倡裁兵。嘉獎不可言喻。更望各將校。聞風興起。共矢熱忱。不令該師長獨爲君子。民國前途。庶幾有豸。

致岑雲階

雲階先生大鑒。黔省主客之見。未融洽。頃與黎副總統電商。須得威望如執事者。馳往宣慰。方能平靖。時事孔棘。諒不忍視鄙人一身擔其憂亂。倘荷允諾。無任翹企。仍候電覆。

附復書

魚電敬悉。委託黔役。同室纓冠。雖病軀亦當奔赴。惟是中外治權。是分是合。體段全無。官制民法。茫無依據。正上無遵循。下無法守之時。用人理財。國本所係。是否能昭大信。大公於天下。尤覺難憑臆說。何義可宣。何德足慰。豈煊空言所能收效。微特貴州。滔滔皆是。黎宋卿君。迭電所論。沉痛深切。政府措置。不從根本解決。欲籍個人虛名威望。以期鎮攝。爛額焦頭。上客可晒。况煊疏庸。曷克當此。謹辭黎宋卿君處。祈致意。

致黃克強電

號二電悉。張方案情節重大。牽涉尤多。鄂省治亂攸關。不得不出以敏速慎重。前以鄂亂初平。不敢遽然宣布。茲擇其可宣布者。摘要宣布。以解執事之疑。先後據黎副總統電稱。張係鄂都督府軍事顧問。兼領將校團。方維卽將校團團長。確係現任軍官。自應依軍法辦理。至其侵欺謀亂。皆有確證。購槍案。有廢槍。有帳目。兩次煽亂案。有同謀。罹法而死者之供詞。有知情告發。現可詢問之人證。案經鄂省高級軍官。兩開軍法會議。依鄂軍暫行刑令第五十七條。結衆暴動。爲反亂罪。首犯處死刑。決定張方。應處死刑。因黨羽衆多。未敢就鄂執行。特電請中央。密捕正法。中央以其隨從多人。恐擾亂秩序。密召軍參兩部。高等武官。一再會議。咸以情真罪當。無可寬貸。遂如所請辦理。是鄂軍將校。詢謀僉同。並非不經裁判。於法外擅行殺戮。於人權國法並未破壞。執事前辦趙樂羣案。執法不阿。令人欽佩。惟以此例彼。情形稍殊。一可公開。一萬不能公開。法律手續。不能強同。而反經合權。要可共諒。若爲政府辦理此案。尙不及前清之於汪精衛。是又不然。張方以民國軍人。結黨破壞民國。與精衛之二三志士。犯涉國事。未可同年而

語。尊電謂對於都督個人。有不軌之嫌疑。恐猶未之察也。迭接鄂軍政商學各界。來電均贊服此舉。足見是非之公。執事深思此案情形。當知辦理此案者之苦。設身其間。念及大局。則當渙然冰釋。亦無復間然。南天遙隔。特此布復。

附黃興電

時電敬悉。黎副總統原電。述張方罪狀。語極含混。凡有法律之國。無論何級長官。均不能於法外擅爲生殺。今不經裁判。竟將創造共和有功之人。立予槍斃。人權國法。破壞俱盡。輿前在留守任內。辦理常州軍政分府趙樂羣一案。輿論均謂可殺。輿論迭開軍法會審。由王軍長芝祥。率同會審各師長。暨法官調齊人證。悉心研究。業經取具確供。復彙案呈請大總統。飭交陸軍部核覆。原期詳慎議定。使成信讞。以示尊重法律。擁護人權。爲各省都督開一先例。庶幾共和開幕。國民不至有死於非法之舉。而張方案乃如此。兩事相距。爲期甚邇。張方獨因一面告訐者。擅奪極刑。未訊供證而死。國民生命財產權。將恃法律爲保護。即共和國精神所託。且在前清專制時。汪精衛謀炸攝政一案。訊供確鑿。尙能出以詳審。偏予監禁。縱使張方。對於都督個

人有不軌之疑。亦豈能不據法律上手續。率請予正法以快私心。現在外患日迫。政府信用未固。益以此事。致羣情激動。啓外人輕視。民國基礎。愈形危險。顧瞻前途。良用滋惑。旁皇終夜。不知所云。酒涕陳言。伏維諒察。

致陳交涉使及各報爲黃克強辨誣

克強先生。奔走國事數十年。共和告成。亟謀統一。取消留守。功成身退。日夜望中央政府。臻於鞏固。使中華民國不復搖動。其光明磊落。一片血誠。中外咸知。人天同感。乃一般幸災樂禍之徒。以挑撥惡感爲長技。甚至爲張振武被執時。在張處搜得一書。係與克強先生者。憑空捏造。毫無風影。誣讖英豪。敗壞民國。殊堪髮指。近聞上海文滙報。轉載北京電云。此間謠傳張振武二次革命。黃某實與同謀等語。係屬全無影響。損人名譽。淆惑是非。應囑亟爲更正。並由陳交涉使根究來由。呈請核辦。以彰中外之公道。而救讒搆之詭謀。

附黃興來電

興前因病赴西湖療養。今晚返滬。始見孫中山先生自津來電。謂頃見一總統府秘

書云。張振武被執時。在張處搜得一書。係與興者。內容有云。託殺黎元洪事。已布置周安等語。今日又閱滬報。譯載文滙報北京電云。此間謠傳。張振武謀第二次革命。黃興實與同謀。故不來京云云。閱此兩電。不勝駭異。張案鄂京尙未盡情宣布。讀滬電。亦云案情重大。牽涉尤多。今京滬各報。忽擬議及興。若不將張案明白宣布。則此案終屬暗昧。無以釋中外之疑。務請大總統。勿徇勿隱。澈底查辦。如興果與張案有涉。甘受法庭裁判。如或由小人從中誣捏人罪。亦請按反坐律究辦。庶全國人民。皆得受治於法律之下。鄙人幸甚。大局幸甚。立盼電復。黃興叩感。

致甘肅都督趙

艷電悉。前接號電。業經電復。派馬福祥帶兵勸令取消。該道如恃武力。抗違不遵。卽是甘民公敵。可由甘人公討之。等因在案。來電所陳。黃鉞增添軍備。招致游手等情。是竟無取消之意。是非用武力不可。現計馬福祥業已到秦。究竟黃鉞已否取消獨立。或仍抗拒。務應迅速具報。以慰輿系。秦州爲甘南著名繁盛之區。素稱完善。倘萬不得已。以至武裝解決。應飭該統領等。設法維持。勿令商民受波及之殃。是爲至要。

附趙鳳翔報告黃鉞擁兵獨立電

頃准國務院徵電開。奉大總統令。祇悉。查黃鉞覆稱各節。全屬虛誣。川軍非伊招致。何事入甘。且既非所招。何以又能早請退出。語言矛盾。狡飾顯然。此虛誣者一。嶽縣焚燒回房。所謂繼回者。究係何等人。川軍既不與聞。爲何又償銀千兩。此虛誣者二。該道既云。遵令解決矣。則解決一事。今日取消。明日即可出境。初不若建設之必需。時日也。查大總統第一飭令解散之電。係新歷三月銑日所發。甘省於滌日奉到。當卽轉示該道限日到秦。刻今已兩月矣。不惟無取消事實。而中間勾結川陝各軍。添招兵勇。並鎔化寺鐘。改鑄彈丸。以備舉事。均經甘南各統帶。及地方官稟報有案。近且公然委換縣令矣。明託服從。暗修軍備。俟釁而動。情節昭然。此虛誣者三。惟照於此事發見後。力主和平。凡三次專員婉勸取消。並未另行增一兵隊。卽現紮秦州之馬忠孝一營。原係駐防甘南。適於該道自立之日抵秦。而因暫駐城北三里外。防其暴動。秦州左近。僅此一營而已。至四月初旬。省議會以甘南受黃道影響。黎庶恐慌。四民失業。要求派隊馳往鎮攝。始於眞日。檄統領建威軍吳炳鑫。率隊前往駐紮翠

昌。去秦尙四站也。兩月以來。官紳各界均以養癰遺患責熙。而各軍官請戰之書。不啻盈篋。熙均力持人道主義。始終不願釀成戰禍。荼毒生靈。保全治安之心。可質天日。昨吳炳鑫自鞏昌來稟。謂據伏羌縣劉令申報。該道招誘遊手。聯絡紳民。附秦闖境震驚。恐滋隱患等語。已經率隊前進。以期早日解決。熙當即嚴加申飭。令暫屯伏羌。毋得擅開戰釁。而又派馬鎮統福祥。馳往勸令解散。以上各節。均經陸續電陳。案牘昭然。共聞共見。該道竟敢淆亂黑白。謂熙始終不肯和平。人之無良。至斯已極。此虛誣者四。總之該道。借詞推延。居心叵測。非資之以肇亂。即借之以索財。否則各省於去歲真正建議。號稱軍政分府者。何止二三十人。刻均已功成身退。若者併。若者取消。大義昭昭。令人欽仰。何獨該道一人。求去不得耶。我大總統明察如神。當亦識其用心之所在矣。但該道近來舉動。愈覺可疑。若即將軍隊撤回。不獨該道反復可慮。且恐徽縣張川等處。回民報復該道。轉釀事端。故寧暫負嫌疑。不敢竟虛守備。伏乞垂察。至馬鎮統到秦。已爲第四次使命。於該道要求之名譽財物。均已委曲俯從。倘再不能解決。則是該道蓄意擾亂和平。甘爲天下公敵。恐不能不訴之於武裝矣。

合當請示辦理。再此電。微發儉到。耽延至廿四日。殊堪詫異。除電請交通部究查外。特此覆陳。惟懇謹呈。覽。

致江蘇都督程維護民有公產

據譚督辦皓電稱。江甯前清昭忠祠。原係湘人募資建造。與國帑敕建者不同。乃甯人藉名廢祀。請前留守批撥作忠齋院。亦不過有借用權。無所有權。現竟將該祠折毀變造。殊背大總統保護民產之法系。竊謂前清官吏。猶准一體錄用。先人有何罪狀可言。卽云祀典應行取銷。而物權尙在。似此肆行強佔。湘人決不承認。應請電飭甯督主持公道。以免爭端等語。仰卽激究實情。如該祠確係湘人募資建造。自應按照法律予以保護。持平辦理。免致爭競。爲要。

致程都督陳交涉使持維航權

巧電悉。招商局事。關係航權。萬不可任其影射讓渡。已將來電交部查飭遵照。仍由該督及交涉使。隨時留意察看。以免如劉學詢等。覬覦勾串。是爲至要。

附程都督覆電

辰密。竊前奉大總統令。招商局股東等電。稱董事盜賣航權。請維持電阻。又准參議院議決。咨請嚴電禁止。應即派員澈查嚴禁。將查明情形電呈報聞等因。遵即派員往晤伍廷芳王存善兩董事。查詢始末。一面抄電知照該董事會。先將新公司組織事宜。即日停止。速行聽候提查。旋據兩委員報告。伍王兩董事。稱招商局。歷年虧折。勢已不支。董事報告股東設法維持。議決組織新公司。改絃更張。藉圖整頓。適劉學詢乘隙而來。承認集資改組之事。劉學詢名譽平常。本為股東董事所深悉。徒以案經公決。正在廣為招徠。未便逆臆拒絕。惟有嚴定條款。以防流弊。外股關係。限制尤嚴。條件具可憑查。至外間傳言。合同業經簽字。已付定銀八十萬兩。並取回扣十萬兩。更非事實。條件尙未議定。何從簽字付款。所有新公司代表。開送草合同條款。係全未承認之件。有王董存善親筆標誌可證。各等語。並將董事會開送草合同及議案等件。交閣前來。復由貽範偕同德全所派委員。至該局董事會。詳細質問。據辦事董事。唐德熙。陳猷。施亦爵。面稱。關於劉學詢代表另組新公司一案。董事會並未與聞。迭次開議。均未列席。惟據劉學詢來函。是以定議。交付在卽。其為出售毫無疑義。

雖資本家姓名。屢經偵查未悉。而代表既守秘密。董事又不究詰。無論華洋股。均示人以可疑各等語。嗣後檢閱董事會議案記錄。當時係由董事會推定伍廷芳、王存善、張仲昭三人。擇定伍董寓所。專辦公司另組與代表交接事件。議案所載。與委員報告。伍王兩董面述情形。及該局通告電文。大致相同。德全等。查招商局爲我國惟一航業。前清時本受政府補助。慘淡經營。得有今日。全國航權。所關甚鉅。局中積弊相沿。不可爲諱。此次組織新公司。經股東大會議決。係爲整頓擴充起見。原無不合。惟劉學詢。人品卑污。信用墮落。所虧公私款項。債負纍纍。迄未清償。實無代表新公司之資格。且代表之資本家。姓氏來歷。對於各董事。始終嚴守秘密。董事又不究詰。迷離樸朔。更屬滋人疑竇。證以董事會議案所載。付欸交產辦法。及劉學詢原函所述各節。按之商業習慣。近於讓度盤頂行爲。與組織新公司手續。亦有未符。此股東內裂。輿論反對之所由來也。茲奉大總統令國務院交通部工商部嚴電禁阻。又經上海商務總會及各政黨團體。集議開會。嚴詞質問。已由伍廷芳。將劉學詢原約宣布解散。別籌辦法。以資補救。前約既經取消。自可毋庸置議。惟伍王各董事。紛紛辭

職。董事會已有解散之勢。局事凌亂。亟待維持。應請大總統分飭交通工商兩部。核飭遵照。以重航權。而維實業。所有委查招商局膠轕情形。謹電具呈。伏乞鑒察。

覆雲南都督蔡

滇省爲西南保障。賴執事從容坐鎮。秩序井然。又能出其餘力。近控川黔。旁規衛藏。中央擔負。賴以分憂。文武兼資。一時無兩。極欲面聆教益。而西南大局。非公不可。如有關於國家大計。可資贊畫者。務望直言匡正。遙領樞機。敢布腹心。以誌欽佩。

致李燮和慰留

魚電悉。該總稽查。因勞致疾。殊深系念。所陳各策。均有見地。惟目前辦法。仍應遵照前議。以求達到改編水警之目的。至沿江各省。應如何聯絡分配。以策進行。已分電蘇皖贛鄂湘。五省都督。會商該總稽查。妥籌辦理。該總稽查奔走國事。賢勞卓著。民國成立。倚重方殷。仍望勉爲其難。勿萌退志。

附來電

庚電奉悉。辱荷慰留。莫名感奮。本應力疾視事。勉效馳驅。無如抱病日久。氣體過虛。

非悉心靜攝。難期奏效。迫不得已。再懇大總統。俯加體恤。准予釋肩。俾得退處寬閒。從容調理。爰和年方四十。報國之日方長。一俟病體就痊。再當出而效力。謹陳下悃。伏乞鑒原。再總稽查一職。關係頗重。自應得人而任。俾促進行。查有江蘇外海水師統領黃漢湘。在吳淞辦理警察多年。去歲光復吳淞。賢勞懋著。現在統領水師。於將官兵士。感情亦深。江蘇江防水師統制章駕時。上年光復江蘇。著有勞績。現充統制。整頓一切。悉合機宜。又有本部高等顧問官李傳芬。係前清水師提督李成謀之子。深悉長江利弊。才猷卓越。勞怨不辭。本部高等顧問官劉炳庭。在長江服官數十年。地勢民情。瞭如指掌。老成練達。衆望咸孚。以上四員。均係有用之才。以之充任總稽查。當可勝任愉快。爰和爲舉賢起見。既知之有素。不敢緘默不言。可否採擇委用之處。伏乞大總統卓裁。長江水師總司令長李燮和。

致程都督

據上海共和促進會電稱。共進會宗旨正大。社會咸知。黎督架詞誣陷。願公明察。以維約法等語。結黨自由。載在約法。而認爲公益必要時。得依法律限制。約法亦有明文。是

無論何項會社。均應以法律保公安爲宗旨。該黨會等。如能守法安分。則據約法保護。中央自有權衡。斷非行政官所能誣陷。其各勉爲善。共維大局。至要。希即轉知。

復福建鎮撫使岑春煊

執事駐閩月餘。籌措一切。備臻完善。勤勞過甚。觸發舊疾。實深馳系。抵滬後。望卽延醫。趕緊調治。天氣漸寒。尤應加意攝衛。

附岑鎮撫使報告事竣離閩電

煊奉使閩中。迭奉命令。委以察吏治獄剿匪裁兵。責重事繁。本不勝任。重以大總統之委任。閩人之責望。不敢不勉爲其難。所有剿匪一事。興化已解散。安溪已撲滅。至派往漳泉永督辦清鄉之黃培松。亦於日前帶隊出發。此外各屬地方。大致均稱安堵。雖搶劫之案。不能盡免。然閩省患盜。由來已久。但能認真整頓緝捕。自當日有起色。若求正本清源。必須亟謀教養。斷非朝夕所能奏效。察吏一事。除經派員分投調查。隨時報告核辦外。其府州縣之不職者。亦已撤退十餘人。飭司另選妥員接替。牧令之得人與否。全視長官之舉措是否得宜。現在閩省各司司長。已奉大總統分別

任命。詳加察看。辦事均尚認真。此後用人行政。可期蒸蒸日上。治獄一事。所有蔣黃兩案兇犯。均已次第就獲。交由審判廳訊鞫罪人斯得。沉冤可伸。將來全案應如何判決。司法各官。必能秉公核辦。裁兵一事。迭經會商孫督。現已決定辦法。共裁汰巡防義勇水師及零星隊伍。二十六營。一哨三隊。統共四千餘人。日內將欠餉恩餉籌得。分別發給。即可一律遣散。此外現存各營。尚有老弱充數者。亦經商請孫督。隨時淘汰。尚可酌量歸併。以後各軍隊。應如何切實整頓。當由孫督體察情形。安慎辦理。未便操切從事。綜此以上各端。辦理均已就緒。幸不尋命。惟以短促之時日。衰病之身體。而能按部就理者。實賴孫督熟悉情形。和衷商辦。孫督在閩最久。軍民感情甚厚。煊本暫局。今復疾作。將回滬就醫。以後閩事。即責成孫督辦理。並請慰勉其勞。敬祈垂察。岑春煊。

又瀝陳查辦彭黨情形電

濼電敬悉。春煊性率直。歷來辦事。開誠布公。凡曾與共事者。無不相諒。此次來閩。本以調人自任。事事出以和平。到此已將一月。於蔣黃兩案外。餘事概不追求。閩人目

爲彭黨列舉罪狀。呈請查辦者不下數十人。其中難免無恩怨之私。設遇事吹求。將來意見愈深。循環報復。永無已時。是以皆未深究。以期息事甯人。惟林斯琛、陳景松兩員。因與蔣黃案有關。發交地方審判廳歸案訊辦。此外並未波及一人。至於林陳等。對於蔣黃兩案。究竟有無應得罪名。法律具在。自有審判廳爲之定斷。非焯所能過問。焯本無所黨。何從有黨見。對於各黨。方且力勸其融和。豈有反以黨見用事之理。道路傳言。謂焯爲羅織黨人。將興大獄。揆厥原因。殆由平日附和彭粵松之徒。自知不理於衆口。心懷疑懼。因而有意張大其詞。播散浮言。希冀淆亂聽聞。聳動黨人出頭干預。此等伎倆。在今日已成習慣。不值一哂。不意克強先生。素稱明達。乃亦不加深察。摭拾上陳。今日辦事。誠如電示。祇宜分別是非。不必問其何黨。設因懲辦一二不肖黨員。卽指爲將興黨獄。浮議迭起。阻力橫生。是以後犯事者。皆可借黨爲護符。法律何在。公理何存。循是以往。恐政黨名譽。行將掃地。民國前途。亦復不堪設想。敬請大總統。轉囑克強先生。勿爲此等浮言所矇蔽。以肅黨規。至焯奉命入閩。本爲查辦彭粵松案。及治匪兩事。現在彭早離閩。應查辦之事。亦已分投派員密查。陸續

呈復。土匪則興化一股。業已就撫。安溪一股。亦經撲滅。此外惟漳泉永春一帶。門案甚多。亂機四伏。現已會商孫督。撥派兩營。交泉紳黃培松。前往督辦。亦不難於收拾。是煊責任已盡。所有裁汰軍隊。整頓吏治各事。昨經電懇大總統。責成孫督。認真辦理。以一事權。擬請即將鎮撫名義取消。俾得回滬養病。藉可藏拙。所有應行報告事宜。統俟到滬後。分晰詳陳。

又請通令緝拿彭壽松歸案訊辦電

竊查彭壽松。前在閩省。暴戾兇殘。不止一事。其中尤以暗殺蔣筠黃家成兩案。最爲輿情憤激。煊到閩後。迭據兩案屍親前來泣訴。當即咨商孫督。嚴飭兵警。上緊緝兇。先後據報。緝獲兩案嫌疑入犯。及傳出證人多名。交由閩侯府地方檢察審判兩廳。分別起訴審訊。旋據審判廳。錄報訊供情形。均堅稱兩案。皆由彭壽松。造意主使。各犯等。下手行兇。證據確鑿。按律自應拘彭歸案訊辦。方足以伸國紀。惟煊初入閩。彭遂遠竄。其時固以甫經着手查辦。且於該兩案。尙未獲犯。交由審判廳訊供。有據。自未便先事扣留。而現時若僅懲辦下手及脅從之人。坐令兇惡巨兇。逍遙法外。輿情

尙多未愜。目下司法獨立。逮捕人犯。本屬檢察專司。地方行政長官。亦有是權。以法律言之。煊獨不應干預。第鎮撫名義。原非法定專官。此次閩省。惟以法權墮落。奸宄橫兇。因特環懇中央。令煊查辦。其所責望於煊者。正在扶植法權。誅鋤奸究。斯特事實上權宜之舉。煊既受此重託。固何敢以法律上無權之說。藉端推諉。而案關重大。終不得不請命鴻裁。究竟應否由大總統。通令各省都督。緝拿彭壽松。解赴閩省。歸案訊辦之處。即請司法部核明。呈請大總統裁奪。乃禱。

致海軍總司令黃鍾瑛敦勸受職

庚電悉。執事從事海軍。學識淵邃。中外咸欽。民國初基。建威銷萌。非整頓海軍不可。務希顧念大局。即日就職。勉爲國民服務。勿再固辭。是所深盼。

袁大總統書牘彙編卷七

函牘

覆湯螯仙

來電悉。遠役歸來。勞屨足念。民國成立。經緯萬端。亟待諮諏。實關大計。輿聞莫致。良用歉然。尊論足以箴時。砥俗。中流一柱。有裨世道。曷勝敬佩。

附湯螯仙復電

豔電祇悉。嚮潛歸養。將廿年。老父逾八旬。以去秋革命。揭明種族。懼召外釁。漢滿同盡。會浙人公推。勉出督浙。明人道之養。倡優待之說。爲全局救劫計。寧個人冒不韙。承乏逾月。閩京口駐防。均視杭旗而下。遂克江甯。臨時政府已成。南北和使開議。迅卽解任。並以七不可力辭交通。冀免熱中。自葆初志。南溟之行。非無感情。自生沮力。債票以軍需用。鑄成大錯。幸荷取銷。萬里遠役。一錢不名。方切慚惶。轉叨顧問。六月望返滬。銑號函懇內閣代謝不敏。想達鈞聽。復辱敦促。念遠則陳情之表詞非一。近則辭職之函墨未乾。豈有不愛衰親。而能愛國。大總統手造時勢。肩任宏巨。正宜養

廉退爲國風。無論競利固屬小人。卽貪名亦非佳士。若誤噉殷口之虛名。轉致樊英之失據。澆競將沿成風氣。穢濁更不減勝朝。列強承認。輿情向背。咸屬耳目。甚不願共和前途。或自譽潛敗壞。有方鈞命。其迹似允。其誠可憫。千萬鑑宥。

致范鴻仙

此次取消留守。本因黃君再三電請。無計可留。參以實行統一。大義相責。故不忍強迫。以累其盛德。至程都督接收軍隊。卽係黃君再三力保。且稱於南方軍隊。決不受其影響。來電謂政府猜忌英雄。利用老朽。實未知茲事真象。南北統一。方消化意見之不暇。豈宜輕動惡感。爲譏構者所中傷。務望竭力維持。以維大局。幸甚。

致各省都督維持大局

朱都督篋電。太息內外猜疑。黨爭劇烈。而歸結於維持邦本。唐都督簡電。慨然於藉詞黨爭。動稱民權。弗卹國是。而歸結於黨籍。盡法懲治。兩電持論正大。備有愛國思想者。諒表同情。共和造成。皆無數志士軍人所鑄造。現在國基未固。雖極力維持。猶恐不乃。豈容爾虞我詐。忘啓猜疑。此次宋案發生。幸將正兇。及牽連各犯。次第破獲。自應澈底。

根究。按法治罪。此是法律問題。與政治判然兩途。好事之徒。不俟法律解決。妄生詬譟。直欲使法律混入政治。以遂其破壞之計。又直欲藉一二人曖昧之私。傾覆政府。搖動國本。此案既經公廨交還。已電飭程都督先將牽涉洪述祖證據檢出。專員送交部省。以便交涉。政府辦理此案。既未一步放鬆。亦未稍形操切。無非按照法定手續。使外交方面勿生阻力。以成信讞。而伸法紀。乃外間不察事實。動云某某指使。或則牽扯政府。或則指斥偉人。輒轉傳訛。挑動惡感。須知證據既在公堂。中外具瞻。誰能掩飾。未能宣布。何得辯明。在報紙不根之說。別有用意。若政府效其逆億。張冠李戴。含沙射影。則是浮議可作爰書。法律皆爲虛設。既非人民之福。又豈逝者之心。乃幸災樂禍之徒。藉端搆煽。不顧四百兆人民之疾苦。以遂一二人破壞之醜謀。不知煮豆燃萁。同歸於盡。本大總統年衰德薄。救國未忘。支撐逾年。心力交瘁。所期四方豪傑。共拯危亡。得有替人。釋茲重負。若藉故牽涉。希圖擾亂。則前途渺渺。非本大總統所敢知矣。惟副總統及各省都督民政長實圖利之。

覆章太炎論政見

誦讀惠書。語極沈痛。非直諒多聞如公者。不能爲此言也。宋案證據。已由雪樓通電宣布。足供四百兆人之評論。世凱既無所用其袒護。亦不必代爲辯明。當與明眼人平心靜氣觀之。則真相自得耳。今之從政諸君。不獨國民未必推崇。卽鄙人亦何嘗滿意。惟以臨時政府期內。一髮牽而全身皆動。不得不維持暫局。以待賢能。而約法同意權。又苦於束縛。上焉者去之若浼。其以感情維繫者。祇得求之於向有關係之人。然一有辭職。卽曠數月而不能通過。一有否決。卽其人向著名譽。亦既蹶不可復振。其幸而在位者。日受罵詈威逼。至庸奴厮養之不如。凡爲吾所師事友事之人。安所得登諸政樞之地。以展其才乎。此皆鄙人受事以來所獨嘗之苦。而欲與公同聲一哭者也。雲階經田屢次有所委託。一則僮許任路事。一則竟甘爲議員。執事其爲我思之。能不色然意沮乎。來書謂決心以除宵小。推誠以待人材。保全倡義元勳。倚任武昌夾輔。此皆鄙人平日所兢兢從事者也。重以大命。敢不拜嘉。

附章太炎函

示開國承家。小人勿用。足見大總統誠心體國。不庇奸諛。然宋案乘倉猝可了。上

下相疑勞於對付。蒙藏風雲已急。而政府不遑過問。民心憤激已深。而孫黃不能仰制。如此延宕三四月。卽成無政府景象。以大總統苦心經營。推倒清室。功不在黎黃下。乃爲宵人所誤。不能不爲公痛哭。要之佞人得志。不專與宋案相關。法律解決亦恐無效。若以政治問題。去此數人。易如反掌。何苦保佞諛之祿位。墮一己之令名。誠能決心以去宵小。推誠以待人材。保全倡義之元勳。倚任武昌之夾輔。何不樂爲。

覆汪精衛論宋案

精衛先生有道。聞從者自歐返亞。欣喜逾恒。所以不卽敦請來京者。正欲執事先至申江。一考商民之心理。而於各方真相互證參觀。不至先入京中之言。豫存成見也。純初慘死。知與不知。俱爲太息。滬上諸公。目睹宋君橫尸血喋。哀痛迫切。事理之常。猶之尸主臨場。問官往往受窘。然使罪人既得。其氣可平。此案發生後。一切搜查審訊。中央極端放任。正因法律問題。不容牽入政治。使其靜候判決。不難瞭然大白於天下。卽商民亦何至緣此而恐怖。乃諸君子督責過甚。使依草附木者。橫生枝節。未免氣矜之隆。鄙人以國事爲重。激則召爭。平則息事。一以淡字訣處之。故一方面正在裁抑同輩。而一

方面不得不順從商民。庶不傷逝者之心。亦可保全國本。來書謂相見以誠。如雨雪見日而消。惟鄙人向來不爲己甚。自愧德薄能鮮。不足以感格人心。坐令誤解共和者。以壞法亂紀爲自由。以張脈債興爲平等。神州莽莽。何日方甯。止謗莫如自修。卽徵宋某借款俄約諸問題。亦知不免於罪戾矣。執事道德學問。如慶雲在霄。俯視塵垢。如惠然肯來。以罄心曲。必於國事有所裨益。吾輩他無所知。但求國家存在耳。書不盡言。續懷面話。順頌道履不宣。

覆長江巡閱使譚人鳳辨晰宋案證據

沁電悉。據程都督報告。各項證據。約同幕僚。詳加討論。三月十三日以前各函電。似皆爲解散歡迎國會團。及應洪串謀挾制訛詐各事。與鈍初被刺案無涉。自三月十三日應致洪函。有若不去宋云云。寓有造意謀害之點。嗣後各函電。相承一氣。確與宋案有關。是主謀暗殺者。已可概見。至應洪請解散共進會及歡迎國會團。政府爲地方治安大局鞏固起見。歸斯受之。縱受欺瞞。亦不爲過。其藉端招搖釀成巨案。又豈政府意料所及。三月十三以後各函件。間有影射政府之處。然不近情理。卽如燬宋酬勳一語。最

爲可虞。即知給勳手續甚繁。其由各都督所請內有功績不甚顯著者。設評勳會。共同評議。即中央授勳。亦先由評勳會討論。再經銓叙局查明履歷撰製證書。造此電者不明事理。直同兒戲。即云燬宋有何理由。授何勳位。此種譎言。雖三尺童子。亦不足欺也。至公債票三百五十萬。詢據周總長。洪曾撓攬。知其人不足恃。邵之。票有票根。抵押有押主。實事可徵。決無其事。其餘應洪二人互騙之語。政府豈能担任。甲與乙謀殺丁。甲誑乙謂丙授意。丙實不知。可脅丙而使誣服乎。總之達人志士。以國家爲前提。則維持之方。自有正理。倘別有用意。借題發揮。雖欲維持。何從下手。晚近人心險詖。飛短流長。鄙人對於各方挑撥之詞。向置不理。亦願稍養和平之氣。隱消猥薄之風。共和國民。以道德爲原素。亭林有言。天下無不可挽之風氣。公志在救世。故以鄙意質之。致經田函。向索未到。並聞。

致粵督陳炯明勉勸就職

諫電悉。該都督曉暢戎機。深明大義。粵省秩序。深賴維持。此次特予任命。係屬因地擇人。量才器使。正宜爲民服務。共濟艱難。當此危局。有能力者。效高蹈之舉。恐從此四方

多故。安有共和幸福之可言。尙望勉任其難。毋萌退志。所請收回前令之處。應毋庸議。

致湖北民政長夏壽康慰留

支電悉。該民政長任事以來。不辭勞瘁。克盡厥職。本大總統深資倚賴。據陳病體未愈。恐致貽誤。呈請解職等情。詞意懇摯。足徵爲國勤勞。關懷大局。尤堪嘉佩。竝茲四方多故。鄂省尤爲沿江衡要之區。軍事雖漸可就緒。善後之方。端賴整理內政。以期地方元氣早日回復。該民政長與副總統艱難共濟。相與有成。正宜勉任其難。以衛鄉衛國。斷難遽易生手。轉滋謬誤。務望力疾視事。毋得固辭。

致黎副總統敦勸兼任贛督

副總統蒸電。辭權兼贛督之命。君子勞謙。達人明志。洵足風厲矜夸之習。曩歷奮競之風。不勝忻佩。惟民國官吏。號稱公備。苟以淡視權位爲標。轉失宏濟艱難之旨。若以勸導李督。乃是盡心同僚。權領兼圻。豈違心迹。副總統向明大義。何爲避此小嫌。且二陝平分。八州作牧。古有此例。今豈攸殊。汴粵吉皆設護軍都督。仍須開府。至於要察司令。雖已改隸中央。而副總統坐鎮鄂垣。水陸軍秉承節度。使建領在上。擊析相聞。離之則

諸多窒礙。合之則聯爲一氣。務望勿持摑抑。決與維持。收統一之效。卽是生靈之庶。各都督民政長必共表同情。以觀盛軌也。

覆伍廷芳論滬上戰事

電悉。滬上戰禍。微公言。已深悲怛。惟此次叛徒。志在竊地裂國。以製造局爲僑胥所在。抵死奮奪。使政府稍存投鼠忌器。卽藉寇之禍已成。何堪設想。鄙人受人民付託之重。一日在位。斷不忍國家領土。破碎自我。嚴防痛勦。責所難辭。且該叛軍以十九營之衆。毫無緣故。數晝夜圍攻該局。欲使守軍束手待斃。尤爲無此軍律。無此人道。中外耳目。具在。誰爲戎首。自有公論。近日譸張爲幻之事極夥。電信難分真僞。若有見教。幸速駕來京面談。倘以電來。未便奉覆。並希鑒諒。

附原電

廷告別後。途中聞江西戰事。猶未詳悉。及抵上海。而製造局戰事震動一時。耳聞目覩。慘不忍言。兩軍固各有死傷。而居民生命財產。付之一燼。死者暴露原野。生者流離租界。無片椽之覆。無磨石之儲。恐終爲餓殍。而軍艦發炮。流彈入租界。壞屋傷人。

各領事深爲忿激。雖軍艦具函謝過。而事猶未解。聞北本在租界之外。有商民十餘人。因陳其美在此設立司令部。懼遭兵變。請求租界干涉。已允其請。從此聞北又入外人勢力範圍。卽此一端。同胞相殘。決非中國之福。廷到滬後。商民紛請調停息戰。外國領事。亦來商請說項。前日廷晤陳其美。復親詣軍艦。晤李鼎新鄭汝成。要請雙方停戰一星期。以便商榷條件。陳有允意。李鄭以未奉政府命令。不敢主張。聞日間尙有惡戰。商民惶恐萬狀。至爲可慘。廷念此次東南舉兵。原於政治之缺望。然不用和平方法。而出於武力。廷不敢謂然。聞公決定出兵平亂。以公雄略。想操勝算。但現時宜告獨立者。已有贛甯皖閩粵諸省。據守險要。以死相持。欲一一削平。戰期之延長。必非辛亥之役可比。戰期內外患之紛乘。藩屬之不靖。財政之困難。皆足致亡國。況人民生命財產。橫遭兵燹。以上海一隅爲前例。當可類推。廷日來外受各領事之詢問。內受衆商民之呼籲。又目見居民慘受兵燹。蕩析離居。雖逃入租界。而無以爲生。死亡旦夕。現中外慈善家。謀捐資周濟。俾獲免饑餒。得蔽風雨。但戰事未已。雖能拯已被難之人民。而將被難者。正復何限。雖能拯上海被難之人民。而他處被難者。

又復何限。不能不統籌全局。求於兵力解決之外。得和平解決之策。然勞心焦思。苦無良法。公撫綏海內。保護生民。雖成算在胸。然念及東南糜爛。生靈塗炭。必將惻不忍。倘施善策以紓兵禍。則安國家保生民。實爲無疆之福。伏願賜示。俾得指南。無任禱企。

覆張季直

電悉。匪軍無故攻局。血戰數晝夜。殃及良民。殊堪痛恨。已迭飭程應撫恤。現撥款五萬元。兌滬。會同地方官安輯流亡。惟災民太多。國帑有限。望倡導地方。勸募義賑。吳人好善。當能推食解衣也。

附來電

淞滬之役。良民被禍殊慘。餘不盡悉。滬南居民稠密。且多苦工。據避難者言。西城一帶。已成焦土。連日夜婦哭兒啼。輿流彈聲相應。至有全家來租界馬路而暴露者。請電訪分別設法安撫。以收民心。

復黎副總統

寒電悉。危言悚論。怵目刺心。同處漏舍焚屋之中。益滋虎尾春冰之懼。越自辛亥。以迄今茲。風雨漂搖。靡知所屆。誠不足以動物。明不足以知人。仁不足以庇民。勇不足以去暴。自慚薄德。罕補時艱。所望諸公勤攻吾闕。毋忘在莒。敬拜嘉言。

致各省宣布意旨

余以衰病餘生。伏處已久。稍有田園之樂。自問已無事可爲。此次出山。實緣事機危迫。不忍見人民陷於牛馬奴隸之域。故甘冒萬險。膺茲艱鉅。受事以來。始終以尊重人道主義。及適合世界大勢爲主旨。苟可和平維持。決不肯輕事破裂。並非兵力有所濟之心。爲披髮纓冠之計。決不肯再言破壞。自取覆亡。乃若有之。則亦二三不逞之徒。生性好亂。必不能得多數國民之同情。本大總統若再曲予優容。便與此輩同爲亡國禍首。非惟辜負衆望。實亦矛盾初衷。惟有犧牲一身。保全大局。竭我棉力。殄此么麼。諸君各膺疆寄。必有同心。願共勉之。

致程都督諮詢南京近狀

中華本老大之國。民國如新生之兒。襁褓未離。何堪險割。邊事現正棘手。累卵方危。同

良遇害。胡越肝胆。革命初志。所爭者民族民權。非欲求爲琉球臺灣三韓也。舉國痛苦。皆願稍緩須臾。以求生息。其與前年推倒政府之心理殆不同矣。李烈鈞年少氣羸。腦筋單簡。不惜背叛民國。荼毒鄉人。所賴江南諸君子向以國家爲前提。非朝三暮四者可比。師長章梓冷適等。四月效日電稱。言承程都督指揮。恐有奸徒造謠。冀謀擾亂。請查懲以維大局等語。言猶在耳。金石不渝。自湖口變生。奸徒造謠。扭於蒲羅之役。悉爲簧鼓。播爲笑談。蘇省三師長及八師各軍官。皆愛國愛鄉愛身家愛名譽者。必能維持秩序。保守地方。雖有謠傳。絕不輕信。人之相知。貴相知心。鄙人對於南京方面。向抱放任主義。所慮者無識惡少。本不知利害輕重。盲人瞎馬。到死不悟。可爲痛哭。南京現狀何似。能相告否。

覆 顧 德 閣

文電悉。南京居民浩劫。憤慨無既。來電引爲己咎。洵屬仁人之言。已迭派李盛鐸錢能訓等。馳往查辦。先後戒令。不啻三令五申。應候查有確情。再議辦法。決不使強暴之風。復行傳染。致負初心也。

附原電

德閔奉職無狀。寧軍肇變。先事不臧。以致獨立之舉。至再至三。全城士庶。悉陷危地。倖邀寬典。敢恕良知。今幸大軍雲合。攻克寧垣。捷報露布。威有水火枉席之喜。德閔歸死。猶幸補贖萬一。不謂張都督所部軍隊。入境以後。姦淫搶掠。靡所不爲。城內居民。挨戶搜劫。少亦數次。多至一二十次不等。婦女多因姦斃命。慘無人道。不堪言狀。初謂傳聞異詞。或疑過甚。近日寧民避居蘇滬。遷徙一空。卽就德閔素識及平日所知之人。瀝述身受情形。無一得免。衣服器具。隨路拋擲。觸目皆是。證之中外報紙。及旅寧歐美各國人所傳述。並非失實。且聞有被劫赴訴。兵士深夜報復情事。衆情冤憤。畏禍忍痛。動色相戒。本城士紳亦多怒不敢言。伏念潢池構禍。危及國本。不得已而平以兵力。已非大總統仁慈予惠之本意。今該軍隊等強暴舉動。無殊盜賊。衆怨沸騰。人心震動。亂黨藉爲口實。外人已有違言。重以文告儆法。多駭觀聽。法令統系。全歸破壞。影響所及。後患胡底。追原禍始。蘇省多一分蹂躪。德閔等卽增一分罪孽。惟心泣血。無以自贖。應請大總統將程前都督及德閔。從重治罪。以謝民國。以謝江

蘇。德閱隨程前都督奔走政治。深信人民公意。莫不隨仁暴爲轉移。抱和平爲希望。敢存黨派南北之見。更無偏激逆億之心。昔年對於滿清。前日對於黃章。今茲對於張軍。始終此志。自維癘疾之躬。去職之日。何敢強顏責人。越分上瀆。惟良心督責。有逾錫礫。涕泣哀鳴。味死請命。不勝屏營之至。

致南京各軍使

閱路透電。稱南京城內住宅商店。茅舍草屋。無不被搶。婦女老少貧富。多被奸淫。其餘均入外人家避難。各軍皆然。而張部藍衣兵實佔多數。各官長目覩不理。所謂不傷一人。不驚一戶之宣告。完全背棄。日本民居。亦多被害。有自日領署出者。被兵槍斃三人。受傷一人云云。此次大兵南下。伐罪救民。似此強暴行爲。如果盡確。則是喪盡名譽。大千軍律。查各國軍人素尚文明。即俘虜亦無凌虐。吾國削平內亂。自殘同類。已屬可矜。况無辜良民。久困匪中。日望援救。聞者墮淚。見者痛心。若以盜賊之行爲。尤而效之。各國傳布報紙。目爲野蠻。於立國大勢。所關非細。且亂黨乘間抵隙。執爲口實。更足以煽動人心。東南大局。何時可定。各弁目等。雖無身家妻子。入伍爲兵。退伍卽民。易地以觀。

忍乎不忍。民納稅以給餉。兵出力以衛民。不能衛之。而反擾之。天良何在。爲之官長者。目覩何忍。本大總統治軍數十載。素以保民爲宗旨。聞此情形。不禁泣下。仰卽傳集各該官長。剴切誥誡。並明查暗訪。得有奸搶實據。立按軍法嚴辦。以期澣洗於萬一。至保護外人生命財產。更屬文明通例。尤應格外留意。勿因細故。敗壞大局。爲要。

附馮國璋張勳通電

自共和成立。全國一家。中央政府及國民等。皆以鞏固國基。保持和平。造人民幸福爲宗旨。本年春夏之間。滬漢一帶。謠譏繁興。間獲煽亂之犯。猶謂南北元勳偉人。及蘇皖各省在軍界政界者。必能保國保民。同維大局。是以直隸山東兩省。決無籌備戰事舉動。乃於七月十六日。忽據駐韓莊方旅長報告。突有大股匪徒。攻擊我軍。勢甚猛烈。勳卽派隊前往救援。尙疑爲土匪起事。及閱黃興通電。乃知該逆不顧宗國。不顧生靈。首開戰禍。已在南京宣布獨立。要結各省響應。唆使軍隊北犯。攻韓莊非他。卽徐州所駐之第三師。其酋首卽中央獎以深明大義之冷適。用是聞之。椎心泣血。爲保民保國計。不得不恪奉命令。痛哭誓師。猶仰體中央愛護羣生之意。凡師之

所至。無不加意撫綏。國璋於沿途臨淮一帶。節節收撫叛軍甚衆。留用甚多。而該亂黨等將利國驛以南鐵路橋梁多所折毀。損失國家產業甚鉅。被害守正軍官吳紹璣等至爲慘酷。僞脅軍民附和。純用武力。黃興將南京各警局廠銀行存款百數十萬。盡數擄去。直同盜劫。此後搶奪公司財產。蹂躪人民。有不忍言。迨聞南京取消獨立。國璋勳均深欣幸。以爲可不用兵。詎意亂黨何海鳴韓恢。竄搆煽惑。竟致二次三次獨立。疊經招諭。堅不聽從。首先開炮轟擊勳軍。國璋派招撫之人。亦有被匪殺之者。始終以首先殘害同胞爲宗旨。復負隅抗拒。以致戰線所及。街市灰燼。人民塗炭。該亂黨於國何怨。於民何仇。不惜犧牲無限生靈。以逞其爭權位攫金錢之私欲。現南京克復。已迭奉中央發資購米。賑撫遺黎。國璋等凡遇叛匪來降者。無不收撫。並未妄加殺戮。此又本地軍民共見者。此次亂首逆誅。訛言未靖。恐中外傳聞。或有失實。用持奉聞。願末。伏望鑒察。

附張勳上大總統電(一)

大總統鈞鑒。魚電謹悉。此次南京城下之日。各軍爭功。蜂擁而進。與匪軍巷戰一二

晝夜全城鼎沸。彈子紛馳。嗣後匪軍逃竄。乘機搶掠。土匪助虐。益肆兇殘。多有假冒官軍情事。當此之時。秩序已紊。加以各軍號令不一。非以嚴刑。難期整飭。勦因破除情面。隨派幹練弁兵。巡行街市。隨地正法者二百餘名。截留衣物無算。然後始得漸就平復。此金陵各國旅居洋人之所共見。今路透電。乃以藍衣兵獨占多數爲言。查勦軍入城。僅佔東北一隅。地處荒僻。民戶無多。其餘各處繁盛之區。均由各軍分紮。執槍執否。不難按戶而稽。且前次我軍奪取天保城各要隘時。匪軍屢次喬扮勦軍裝服。希圖混進。且藍衣之說。亦難據爲確實證據。亦何所用其廼護。應請簡派公正大員來甯。親赴被難之家。確實調查。以昭信讞。而全軍譽。

附張勳上大總統電(二)

大總統鈞鑒。扶密參陸兩部陽電。傳奉鈞令。敬悉。此次南京倡亂獨立。城內閭閻。本已重遭糜爛。迨及城下之日。諸軍萃集。巷戰連朝。土匪潰軍。乘機焚掠。於時秩序已紊。諸統將專事殺敵。兼顧難周。一二不法軍人。趁各軍號令尙未統一之際。繼匪軍劫據之餘。見物輒取。固所不免。當經派員率隊巡行街市。但見有持挾衣物。暨搶掠

者。無論軍匪。概行立地正法。計共斬決二百餘名。截留衣物無算。均交商會分別給主認領。並將約束不嚴之該管官弁斥革。中外商民。皆所共見。現仍會同諸軍竭力稽查。認真根究。務得實犯。嚴加懲辦。謹此復陳。伏乞垂察。

附張勳上大總統電(三)

大總統鈞鑒。魚目電諭散悉。重承責問。滋切悚惶。此次叛兵佔據金陵。反覆鬭爭。閉關自毒。地方秩序。業已破壞不堪。迨海陸各軍。會合圍攻。全城均當戰線。攻者愈力。守者愈堅。居民遷徙避藏。受无妄之災者亦愈衆。既而逆首知勢不敵。竄匿無蹤。合數萬之悍賊驍匪。以及失業游民。屬集一隅。漫無約束。其任意勒索。多方蹂躪。人言鑿鑿。聞者寒心。勳等逆料及此。迭經通飭營隊。曉諭軍人。務以恪守紀律。不擾善良。爲第一要義。復傳集各官長。剴切誥誡。不啻三令五申。惟民匪同困重圍。本屬斷腕求瘳之計。若戰鬪中而復實以保護。智勇俱難爲力。堅城既破。我軍隊如牆而進。肉薄衝鋒。賊匪梗頑。尙在竭力抵禦。黠者褻裝棄械。隨處搜括。紛紛潰逃。地痞流氓。爭取所遺衣械。遂得假冒兵士。乘機劫奪。快意須臾。與勳前攻天保城時。叛軍多草菅

藍衣。希圖擾亂伎倆。如出一轍。賊倡其先。匪踵其後。荒衢僻巷。亦幾十室九空。其時我軍師旅營團。參伍綜錯。注重要隘。警備非常。不能遽爾分兵四出剿捕。營壘稍就。始得派遣游騎周匝偵巡。鏖擊漸次肅清。而公私已蕩然盡矣。勳等馳入甯垣。察視情形。雖不至如路透電所云之甚。然瘡痍遍地。目擊心傷。一面會同出示招集流亡。並分別嚴申軍令。拿獲搶劫之犯。隨時立正典刑。兵士間有取携。亦揮涕斬殉。不少寬假。連日捕殺約百餘人。所有贓物。概發商會招領。市面略定。人心少安。勳與國璋。督師分道南來。既未能不戰而屈人。又無從臨戰而弭禍。徬徨中夜。內疚良多。而路透電竟以賊匪強暴慘虐之行爲。獨使我軍蒙其重謗。不惟勳等難甘默認。即全軍官長均受有完全教育。詎肯明知故縱。棄隳身名。事實始終。歷歷在目。固非一人一時之言所得掩飾。又豈容悠悠詆毀。潛恐聽聞。應請大總統派員來甯。切實調查。秉公核辦。以息謠誣。而定是非。冒瀆鈞聽。伏希垂鑒。

覆張季直

支電悉。甯城重遭慘劫。曷禁泣然。中央財力雖極困難。但爲民計。不得不力籌緩撫。已

飭鄭汝成運米五千石。趕辦急賑。並飭部先撥銀十萬元。俾資接濟。執事力任捐募。澤及瀾。豈惟地方實受其賜。

附張謇原電

江甯甫下。人民復生。聞當時叛軍佔據時。強括民財。橫驅民力。創痛可知。就地計民。甯非滬比。滬富而初亂。甯貧而再劫。其望澤之心。殆尤甚焉。報載馮張致紅十字會函。仁言藹如。應請大總統即撥鉅款。以厚撫卹之力。謇兄弟亦當竭綿捐募。以効縷粒之忱。隨電哀迫。佇盼鴻施。

致各省宣告就職正式大總統

世凱承乏。臨時總統。且年餘矣。時局艱難。民生困苦。深恐統一之局。未能圓滿。幸內亂初定。人心稍安。而救國本懷。未酬萬一。本擬解職歸田。以釋重負。此次國民會議。已被選舉。各友邦。又以余被選之日。爲承認之期。何敢高蹈鳴謙。敬以國慶日。就正式大總統之職。德薄能鮮。時切冰兢。好惡同民。勿敢暇逸。重負父老子弟之期望。凡我在位。共濟鉅艱。匡救彌縫。所實嘉賴。特電以聞。

致黎副總統請來京就職

本日國民選舉公爲正式副總統。爲民國賀。踴躍無已。兩稔以來。賴公協力同心。維護大局。甘苦安危。皆所與共。民國之不摧敗。世凱之無隕越。繫惟公之力。國基漸固。復得同濟舟楫。尤深欣幸。世凱現擬初十就職。盼公來京。同時蒞任。鄂地綦重。或即在武昌就職。悉候尊裁。此後巨川共濟。惟望終始教勗。以匡不逮。鞏我民國。凡五族生靈。實同受其賜。甫望江漢。不勝喁仰。

覆副總統祝賀共和紀念

共和紀念。承賀滋慚。追思起義之初。倡自鄂中。由公提挈。四方風動。萬象更新。凱以不諛。譚承推舉。揜拄經年。精力消耗。受外界之激刺。應付幾窮。憤民生之流離。撫綏乏術。法律不足以懲奸宄。道德不足以維人心。財政則羅掘一空。債臺高築。民氣則譁張日甚。良善吞聲。撫此阡危。斷非衰朽所能勝任。幸臨時期限。瞬將告終。息肩養痾。庶遂初志。幸免隕越。以樂餘年。聊布謝忱。還祝蕃贊。

附福建都督孫道仁祝賀電

蒸電敬悉。大禮告成。羣情歡頌。竊維日月照臨。四表光被。干戈底定。薄海騰歡。具濟變之宏才。勳業遠超夫。皇古。際順天之昌運。謳歌早徧於神州。萬方已掃妖氛。繼唐虞而稱郅治。兆姓同瞻瑞靄。軼法美以締共和。道仁奉職。閩疆躬逢盛典。雖拜揚無當於高深。而頌祝難忘夫鼓舞。所願凡我同胞。均遵良軌。席方興之氣象。彌策勵於衷懷。鞏固邦基。錦繡之山河恒麗。昌明漢族。黃農之運會復隆。敬表頌忱。伏希察照。

附廣西都督陸榮廷祝賀電

當中華民國國慶之期。爲我大總統就職之始。舉此盛儀。併在今日。榮廷等誠歡誠喜。以舞以鼓。竊維創造共和。廓清區宇。人權甯一。景開泰平。舉維睿算。允矣公矣。是以頌聲洽於隣邦。協氣充乎薄海。謳歌爲盛。欣忭攸同。榮廷等職忝南服。幸際昌期。無尺寸效。仰候裁成。輔相之功。喜億萬民。得享泮澳優游之樂。謹率三疆之衆。虔伸萬歲之呼。均挾歡。敢忘慶頌。廣西都督兼民政長陸榮廷。率文武官吏軍民人等敬賀。

附湖南都督譚延闓祝賀電

就位盛典。欣逢國慶。無疆之休。實始於今。湖南都督兼民政長譚延闓。率全湘軍民敬祝。

致康南海（一）

去國念年。困心衡慮。大箸發抒政見。足爲薄俗鍼砭。欽仰無似。凡河汾弟子。京洛故人。均言先生不願從政。而有意主持名教。舉國想望丰采。但祈還轅祖國。絕不敢強以所難。敬具蒲輪。鶴候明教。何日稅駕。渴盼德音。

附覆電

亡人負罪。久播異域。有母八十。莫奉尸饗。遂竟見背。永維哀悼。崩摧肺肝。過承厚贖。感刻不任。匍匐奔喪。未及言謝。途次得門人梁啓超電。轉述尊意。拳拳故人。歸國則待以特殊之上位。還鄉則代籌警備之未周。昨抵香港。又接須磨寄來東京使館轉明公冬電。隆文稠疊。辱以蒲輪。召還蘇武。傷其去國之久。訪於箕子。本無陳疇之材。斬然衰經。不入公門。母死謂何。敢有他志。加以兩世之先塋被掘。廿年之遺骨須收。

痛絕撫棺。並陳新舊。悽涼營葬。難返鄉園。重以寡姊六十。病乳三載。沉綿床褥。天忽朝夕。是以魂魄飛越。豈知人世。固無心預聞政治。難補涓埃。更末由北首燕路。上承明問。伏望明公。幸垂矜原。若夫大教淪胥。人心陷溺。則中國可亡。而種族隨之。實爲遠古所無之變。同於金甲。無避之義。他日誓墓餘生。未忘扶持所至。託於徇鐸。尊聖衛道。恕公同心。冀公援手。聖教幸甚。稽顙鳴謝。康有爲叩文。

致康南海(三)

念年契闊。懷想匪任。每讀大著。救世苦心。昭然若揭。賢者有益人國。於茲確信。比大難粗平。百廢待興。方思與天下之才共天下之事。洛社故人。河汾弟子。咸占彙進。宏濟艱難。憂國如公。甯容獨善。立盼戾止。論道匡時。敬具蒲輪。以俟君子。

附覆電

曾復文電。想達記室。頃由龍都督李民政長。轉到即日文電。懇懇拳念。垂存故人。仰見明公。搜岩訪獻。求治之盛心。鄙人何以當之。榮榮在疚。自念得罪久亡。重遇變革。致八十餘倚闥。盈盈望絕。不孝之罪。上通於天。頃歸省道。澤觸處崩痛。執杯圈而爲

絕。撫几筵而隕心。物在人亡。形存神悴。加割瘍未愈。衰病侵羸。寡姊病危。奄在旦暮。雖憂國難忘。而思親未已。幸曲賜惠憐。俾盡哀慕。亦明公教孝之義。或補清化。感叩有爲。

致康南海(二)

昨奉復電。既觀望於高蹈。仰感歎於純孝。奪情之舉。固非敢施於守禮君子。遜世之行。又豈所望於愛國仁人。所望葬祭粗完。旌車仍旻。發摠偉抱。矜式國人。比者大教凌夷。橫流在日。問俗覘國。動魄驚心。匪有大哲。孰爲修明。執事毅然。以此自任。其於正人心。培國本之功。又豈今之從政者所可擬。綿力所逮。敬當共贊。霜風漸厲。諸惟節哀。爲道自重。

附覆電

強學舊游。相望垂白。記室騎兵。庶范雲之善記。訪澤加腹。存嚴陵之故人。問道求言。三徵未已。猥以銜恤。莫酬隆禮。情豈忘於憂國。而削深巨於思親。不呼喪門。幸惟垂憫。承許翼教相助。拯救人心。感不去懷。中國猶有望耶。昔浦公草創。入魯而禮太宰。

漢宗尊聖。登堂而躬下拜。頃歲俎豆停廢。絃誦斷絕。人無尊信。手足無措。四維不張。國滅可憂。伏望明公親拜文廟。或就新年殿尊聖配天。令所在長吏。春秋朔望。拜謁禮聖。下有司議。令學校讀經。必可厚風化。正人心。區區迂愚。竊用報禮。幸祈裁察。康有爲叩。

致趙爾巽延聘充任清史館館長

逕啓者。有清一朝。典章具備。且值政治更張之會。尤關歷史考鏡之資。茲據國務院呈請設置清史館。業予照准。夙諗執事學識淵深。諳習掌故。用特竭誠延聘充任館長。務希慨允擔任。襄茲盛舉。薰沐以請。無任禱祈。卽訊日祉。

覆朱都督

文電悉。所陳各節。足徵衛國熱忱。立志遠大。深堪嘉許。惟該督自前年甯省設聯軍參謀團以來。卽力持南北統一。首樹風聲。嗣後派員赴軍界統一會。發表正論。國是遂定。本年續甯倡亂。復能堅持定見。力挽狂瀾。不惟維持全浙之安甯。足爲東南之屏蔽。厥功尤偉。酬庸之典。蓋爲全國昭激勸。非爲個人謀虛榮。明令特頒。至爲允當。所請收回。

成命。斷難照准。毋再固辭。

袁大總統書牘彙編

卷七

函牘



袁大總統書牘彙編卷八

補遺

追祭先烈文

維中華民國元年十月十日。大總統袁世凱。謹遣國務總理趙秉鈞。追祭於有功臣。死事諸將士之靈。而致詞曰。荆高云歿。我武不揚。沈沈千載。大陸無光。時會既開。國風丕變。帝制告終。民豪聿見。神皋萬里。禹迹所區。誰無血氣。忍此滯需。矯首仰天。龍飛海嶼。雷震電激。日月清照。蹉跎不遂。委骨荒邱。壯心未已。毅魄長留。嗟我新民。毋忘前烈。煜國徽兮。自由之血。革故既終。鼎新伊始。靈爽式昭。曷哉君子。尙饗。

小萬柳堂寫本首楞嚴經序

佛法自南北朝間。號爲極盛。於時法華楞伽華嚴諸大經。教義流衍。遍於海內。惟楞嚴至李唐始入中土。最爲晚出。所謂純用第一義諦。示圓融之大定者。誠非斯經莫屬。今本皆題般刺密帝譯。彌伽釋迦譯。語房融筆受。然考諸傳記。尙有懷迪惟愨等。皆云親譯是經。蓋梵文浩博。殊音異字。審勸維艱。知非一二人之力所能卒業也。釋氏立教。深

廣無滯。後人各以所得。自爲宗派。如法華則因龍樹中論。因緣一偈。創立三觀。至天台智者。親證靈山三昧。而其道大顯。今之習禪定者。罔不由之。楞伽則自達摩東來。手授慧可六傳。而分南北二宗。然其旨在不立語言文字。迨南嶽青原而後。一花五葉。竟符前記。此教外別傳之法。陳義至高。禪宗心印於斯。而極華嚴譯自晉時。光於唐世。自杜順至圭峯。別立華嚴五祖十門六相。推闡無遺。獨楞嚴一書。千餘年來。注釋至多。而未聞有人由之修證。以別樹一幟。與諸宗相頡頏。亦斯經之憾事也。余嘗觀其第五卷以後。叙二十五聖各述最初成道從何根入。且謂此界衆生。求無上道。何方便門得易成就。於是文殊師利承旨說偈。極推觀音反聞爲圓通。第一則是聞思爲此經之要領。應此土之機緣。讀者不察。往往以止觀之義釋之。雖於佛理無悖。而於經義實乖。又奚怪得其門者之無人哉。吳女士芝瑛。夙耽禪悅。發願宏大。手鈔此經全部。將於西湖北峰造十三級浮圖以貯之。廉君泉比持寫本來。京乞言。余因畧述此經大旨。使世人因之以推闡遺法。兼以贊女士寫經之功德。則大願尤不可思議矣。至女士書法。久負當代盛名。初學董文敏。得其神韻。嗣習崔敬齋。摹誌及寫此經。自謂有得於元公姬氏。一

筆。意五百年後。自有定論。可無贅焉。中華二年袁世凱撰命次男克文沐手敬書。

清光緒帝后奉安喪祭祭文

中華民國二年十二月十二日。大總統袁世凱。謹代表國民。遣官趙秉鈞梁啟超梁士詒朱啟鈐廕昌崑源陸建章馬龍標等。致祭於大清德宗景皇帝。大清孝定景皇后之靈曰。神曠幽潛。哲靈永逝。輻輳首轍。川原霧翳。素蓋被原。珠襦啟祔。感均八極。惠流千祀。銜哀述德。幽明靡紀。洪維聖皇。英姿天挺。聰鑒遐昭。睿思內正。憂深天步。開張聖聽。啟迪民智。發揚大命。五洲動色。編毗順應。益彰孝治。勤修溫清。間寢潔滌。竭誠盡敬。達天之戚。眇然升遐。攀髯號慕。撫膺痛嗟。揆宮月黯。天衢雲遮。瞻顏失覿。崩角何加。欽維聖后。充昭坤德。惠問川流。芳徽淵察。登曠中闡。禕褕是式。保育嗣皇。劬勞無斁。帝樞潛幹。默造民國。爰順天心。益彰讓德。黃圖仰智。蒼生蒙澤。云何不吊。靈景告祀。椒塗弛御。蘭殿凝陰。六宮雨泣。四海椎心。鼎湖悼昔。桂寢悲今。山陵峨峨。龍鸞蔽擁。煙樹屏紆。雲峰翌拱。萬鍾罷舉。千官肅奉。同穴夙期。蒼梧可從。龜筮協吉。堪隧告啟。中林動旆。祔殿撒几。鬱鬱幽宮。祁祁同軌。安體元慮。最靈玉髓。九京不作。重輪永閉。醴以告虔。奠以宣

慙。懷仁慕義。有涕同揮。尙饗。

清光緒帝后奉安吉祭祭文

中華民國二年十二月十二日。大總統袁世凱。謹代表國民遣官趙秉鈞梁啟超梁士詒朱啟鈐廕昌崑源陸建章馬龍標等。致祭於大清德宗景皇帝大清孝定景皇后之靈曰。嗚呼。遏密。而如喪考妣。已韜天上之羲娥。聞善。而若決江河。同頌女中之堯舜。三千牘神功聖德。民不能忘。廿六宮懿範徽音。史猶可述。惟我德宗景皇帝。冲齡踐祚。變法圖強。孝思不廢。於寢門。儉德彌彰。於卑服。龍髯遽逝。鼎湖棄鳥號之弓。馬鬣未封。磨泉待魚膏之燭。望蒼梧而叫虞帝。不返六螭。歌黃竹而吊周王。難回八駿。孝定景皇后。堯門表瑞。姒幄垂型。驟傷別鶴於離絃。復感鬥麟於失鏡。神器不私一姓。大同則天下爲公。惠澤流於手春。讓德則萬邦惟憲。方冀聲禴日暢。慈竹長青。何期鸞掖風淒。奈花竟白。銜哀二聖。永痛重泉。在天之靈。爽終憑。率土之哀。思彌切。雖配天配地。無改駿奔之容。而葬陽葬陰。未合鰥魚之冢。今者靈輜並舉。吉壤同安。六合霜悽。萬人雨泣。拜漢家之陵墓。長對南山。繼帝子之靈旗。儼逢北渚。鬱葱佳氣。定產夏黃之芝。蓬密幽房。豈

槍冬青之樹。再窺松柏。應見雲飛。避薦櫻桃。佇看春熟。九夏飲帝臺之水。象爲耕而鳥
爲耘。八風懷女几之山。鸞自歌而鳳自舞。尚饗。

祭故直隸都督趙秉鈞文

民國三年三月二十二日。大總統袁世凱。遣秘書長梁士詒。致祭於故直隸都督陸軍
上將趙君智庵之靈曰。英英上將。才掩羣豪。忠誠勵翼。勞苦功高。長城久倚。北管今操。
賴安畿甸。永劫神臬。奪我良佐。聞噩驚召。傷逝念功。至今鬱陶。管契之祈。已共欣戚。或
股肱是效。賢明足式。密慮周思。促席決策。或析大疑。或贊宏畫。式安上京。奠定民國。惟
君之勳。永昭簡册。遠綜政柄。安食靡逸。萬端造始。百度搶攘。危時支柱。國論嫻蟻。翠啄
蠶起。謗餒鷓張。獨持寧靜。不失故常。中樞解柄。警備專司。南疆倣擾。北境憂疑。消前夕
燧。鎮亂郊圻。洗兵江左。嚴解京師。古燕節鉞。北直旄麾。非君莫任。投袂馳驅。既紓近顧。
賴起宏規。天不憖遺。竟隕賢輔。風馬遽馳。隙駒不駐。永戢重泉。長隔邱墓。撫脾悼德。流
涕念故。臨醊既阻。銜怨靡吐。感深部曲。哀動婦孺。設位追懷。銜觴縞素。山川博紆。魂魄
戀慕。鑒予悃誠。永彰冥著。酌酒告虔。靈其來赴。尚饗。

祭直隸都督趙秉鈞文

維中華民國三年三月一日。大總統遣陸軍上將蔭昌。致祭於陸軍上將銜。勳一位。直隸都督兼民政長。趙君之靈曰。巖巖外方。蕩蕩伊洛。俊哲挺生。靈秀磅礴。繫惟趙督。實國元功。如何不弔。竟隕霜風。弱冠投筆。從軍萬里。喋血柳中。銘功葉水。曰昇戎晉。曰易璧田。問途訪俗。天馬修鮮。梅福九江。孟郊深邑。吏隱甘秋。清風彭澤。金吾是翊。司徒是佐。京邑翼翼。保安斯荷。辛亥之冬。區夏騰沸。首建大猷。曰惟民貴。伏蒲建章。傳檄征鎮。百計調護。訐諛斯定。胥虛洪化。唐虞盛軌。一紙息兵。歡騰歐美。丙吉不言。安世謹畏。指蹤之勞。漢功曰最。平章庶政。興領畿甸。九伐宣威。八極清晏。胡爲不祿。大星竟墮。如津無梁。如渡無舸。山邱華屋。瑤漿蜜勺。功在千秋。凌烟褒鄂。尙饗。

袁大總統書牘彙編卷八

附刊

咨約法會議文

爲咨行事。前以約法會議成立。本大總統業經提出增修約法大綱。咨請貴會議開會討論在案。查臨時約法。爲中華民國根本組織所關。然中華民國國體之更新。尙在約法未制定以前。其締造艱難。得以至於今日者。固原於國民心理之所同。而實成於前清帝后之能讓。溯自武昌首難。時惟辛亥仲秋。其時本大總統激於救民救國之真誠。出而肩至艱至鉅之重任。唯一宗旨。以爲但能保前清皇室之尊榮。則國家不妨視爲天下之公器。但能謀五大民族之樂利。則政治不妨改爲民主之共和。此本大總統於大清皇帝下詔遜位之日。即披肝瀝膽。以優待條件與宣布共和二事。反復磋商。蓋非徒效孤忠於故君。亦所以昭公信於民國。耿耿此心。我國民當能共諒。惟查關於清帝遜位之優待。及清皇族滿蒙回藏各族之待遇等條件。係於前清宣統三年十二月宣布。臨時約法。係於中華民國元年三月公布。以宣布在前之優待條件。而未補訂於公

布在後之臨時約法。在當日誠不免於疏漏。顧既增修約法。大端所繫。若仍聽其闕如。弗予增訂。不惟無以考民國成立之事實。抑且無以符五族共和之初心。爰即此項條件之如何發生與夫此後之如何繼續。概括情事。爲貴會議約畧言之。當戰事方烈。南北相持。於時前清隆裕太后。念將士鋒刃之殃。愍黎民災禍之酷。宣統三年十二月二十五日降旨。前因民軍起事。各省響應。九夏沸騰。生靈塗炭。特命袁世凱遣員與民軍代表討論大局。議開國會。公決政體。兩月以來。尙無確實辦法。南北睽隔。彼此相持。商輟於途。士露於野。特以國體一日不決。故民生一日不安。今全國人民心理。多傾向共和。南中各省。既倡議於前。北方諸將士。亦主張於後。人心所嚮。天命可知。予亦何忍因一姓之尊榮。拂兆民之好惡。是用外觀大勢。內審輿情。特奉皇帝將統治權公諸全國。定爲共和立憲國體。近慰海內厭亂望治之心。遠協古聖天下爲公之義。袁世凱前經資政院選舉爲總理大臣。當茲新舊代謝之際。宜有南北統一之方。卽由袁世凱以全權組織臨時共和政府。與民軍協商統一辦法。總期人民安堵。海宇乂安。仍合滿漢蒙回藏五族完全領土。爲一大中華民國。予與皇帝。得以退處寬閑。優游歲月。長受國民

之優禮。親見邦治之告成等語。此旨既頒。國體斯定。本大總統既膺付託。又被公推。時事方艱。實無旁貸。我人民亦遂欽崇讓德。莫罄感私。爰訂優待之明文。以爲國民之報稱。是此項條件之發生。由於統治權之移轉。夫此統治權之移轉。語其事勢。亦甚難憑。向若清室不卽頒遜位之詔。南北亦絕無和議可言。戰禍相尋。恐今未已。況滿蒙回藏諸族。煦沫覆育於清室者。歷有年載。平日戴高履厚。本來奉一尊爲依歸。一旦解紐失綱。豈易併一心爲趨向。瓜分豆剖。或見域中。輔車相依。難言日後。權清帝手挈二百餘年繼承之皇位。視同公物。而付諸兆民。斯民國得仍二萬餘里壯闊之版圖。因其舊封而能大一統。待遇條件。亦有自來。查隆裕太后。同日降旨。據覆奏民軍所開優禮各條件。於宗廟陵寢。永遠奉祀。先皇陵制。如舊妥修各節。均已一律担承。皇帝但卸政權。不廢尊號。並議定優待皇帝八條件。待遇皇族四條件。待遇滿蒙回藏七條件。覽奏尙爲周至。特行宣示皇族。暨滿蒙回藏人等。此後務當化除畛域。共保治安。重觀世界之昇平。胥享和平之幸福等語。紬繹旨意。益見肫誠。凡斯詔書。載在盟府。昭示列邦。亦既率行。罔敢或替。總之中華民國所以有優待清室條件者。報清帝之能公統治權。而承國

共和。所以有待。遇滿蒙回藏條件者。答諸族能隨統治權為轉移。而贊成共和。以視純由民意所構成。全資武力為解決者。本難同日而語。在民軍方面。即能聯合漢姓。恐不能聳三族而共覆濁清。即能發難中原。抑豈能征殊方而同歸領土。事勢所著。甚彰彰矣。是故遠稽外國。不同美法締構之情。上邇中天。足媿唐虞揖讓之盛。更書紀載。猶侈美談。約法垂編。獨從闕典。其何以爲現時適用約法之依據。作將來製定憲法之張本。此本大總統躬膺國寄。時切飲水思源之心。而貴議會手訂法規。宜準提要之例。似應將關於優待及待遇各條件。別立專條。確定效力。既與事實有合。亦與法理相符。應請開會討論。如荷贊同。即歸併前此增修約法大綱案。一併起草。在昔作賀封恪。尙致隆夫禮文。迄今崇德報功。宜永資於故實。垂法資守。俾貽方來。相應咨請貴會議。查照併案議覆可也。此咨。